

★
|
Hynrei Mynta
★

★ **Ngí lalong**

★ **Khristan**



DA

U D. F. Acland

★

1964.

GI TALONG K. RISTAN

DA

U D. F. ACKLAND



La pynwan sha ka Khasi

DA

U BAH F. M. PUGH.

JAIW, SHILLONG

CHECKED

1964.

State C **Frail Lib**
Shillong

Printed at The Shillong Printing Works, Chapel Road,
Shillong.

Jinglamphrang

Ka kabu jong nga shisha te kaba pher bak. Khatar ngut na ki lok jong nga ki la shaniah ha nga ia ka kam ban buh ia ki jingphla jong ki ia ka bor pynkylla thymmai jong u Jisu Khrist ha ki jingim jong ki. Ha kaba thoh ia kine ki jingiathuh, nga la pyndonkam da ka ktien 'nga', namar ki long shisha ki jingphla shimet shimet. Ka kam jong nga ka shu long ban buh ia kita ki jingiathuh. Ia ki jingjia ba hangne hangtai jong ka jingim marwei marwei jong ki la tip ha nga la katto katne por ; don na ki ia kiba la iaathuh bad kiba da ktah artat ha ki nongsngap ha ki bün bynta jong ka ri. Na ka bynta ba shna ia kane ka kot, la kumno kumno, bad na ka jingsngewtynnat jong ka jingiaidbeit ryntih, uwei pa uwei na kine ki khatar ngut ki synran mynta u la pynthymmai biang ia ka jingkynmaw jong nga shaphang ki jingiaid bniah ki jingjia jong ka jingim jong ki. Katto katne na ki jingjia la ki sngew phylla shisha, pynban ki long ki bashisha.

Ha kawei pa kawei na kine ki jingiathuh don ka babud ia kaba ym shym thoh hangne. Khlem lait uwei ruh, kine ki khatar ngut ba lah mad hi da lade ia ka jingshem bashlei ia ka bor ba pynkylla thymmai jong ka Gospel ki iadei kam mynta, kum ki nongtrei jong ka Mishon Sorbah London, ha kaba iai rah ia kajuh ka khubor ba pynim sha ki bam pat

kylla ka bamut. Kiwei pat ki dkhot jong kane ka Jinglongshipara ki Mishoneri, 270 ngut ki iadon la ym shym la jop ia ki baroh sha u Khrist na ka jingjingai ba katta jong ka jinglongsniew ka jinglongbriew, ki long kawei bad ki ha kaba phla ia ka jingaiei ba pynkylla dur jong u Blei. Aiu ba u Blei u leh na ka bynta jong ki ka long ka jingiakren jong kane ka kot. Aiu pat U Blei u dang iai leh lyngba jong ki ka long kawei pat ka jingiakren ba pynphylla biang kumjuh.

LONDON, E. C. 4. D. F. ACKLAND.



KA KTIEN PYNBAN.

Ha kaba pynmih ia kine ki jingthoh ha ka ktien Khasi la kwah ban iathuh hangne ba kine ki long ki jingjia kiba da jia shisha ha ki briew kiba na London. Ia ka jingthmu ha kaba pynmih ia kine ki jingjia bashisha la iehnoh ha ki nongpule ba kin pyrkhat hi ioh aiu na ki.

Jaiaw, Shillong.

1st January 1964.

F. M. PUGH.

By kind permission of the author and Marshall Morgan & Scott, Ltd.

Ki Kynthup

Lynnong.

Peij

i.	Ka kambah snem thymmai	..	1
ii.	Na ki jingjylliew	..	15
iii.	U riew-ïaid-wir ka East End	..	35
iv.	Na ka London Pohkhrum	..	44
v.	Ka jingpynim ïa u jaid makïa	..	56
vi.	Nga la long uba ïakura	..	64
vii.	Ka jingsei ïa ka ban pynim ïa ka mynsiem		72
viii.	Ka jingphla u shipai	..	89
ix.	Ka jingsiewspah ïa u samla ïakhalai		101
x.	U samla phylliew bitor kiad	..	112
xi.	Ka jingpyllait ha Ijipt	..	125
xii.	U samla baiap-bieij thïatar	..	136

HYNREI MYNTA NGI IALONG KHRISTAN

LYNNONG I

KA KAMBAH SNEM THIYMMAI

H. V. CLEAVE

“Tám ito i khúnlung, bad rah sha ñing.”
U trai jaka jong ka Jaka Syiem u la kren jam
ha nga. Katto katne minit mynshuwa ka tnga
jong nga ka la rung ha jyngker. Kata kam
shym la long ka jingwanjngoh ka banyngkong
ha kata ka janmiet. La bún búnsien ka la wan
kylla ka da kyrpad ña nga ban leit sha ñing.
Man katba ka wan nga la phah noh suda ña
ka bad ka byrngem bad ka smai. Hynrei ha
kane shisien ka la wallam bad i khúnlung, ka
da kyrmen lehnohei ban ktah ña u ksai jing-
ieit kpa ha nga. Ka khmat i khúnlung ka la
nang pyndom pynban ña nga, bad ka la nang
pynsgew dukhi ña nga. Ha ka jingbuaid nga
la jám sha khmat ña ka ban shoh ña ka ban
da kam lap ba kloï kynriah. Kumta ka la leit ;
hynrei shuwa ba kan mih bloit na jyngkhang,
ka la buh la i song rit jong i khún briew ha
madan ba siang da u shaba kurat.

“Tám kloi ito i khúnlung, bad rah sha ïing ;” la pyrta biang u trai jaka. Hangne te la lah ka buit kynthei bad nga tip ia kata. Bad ka thnom artat ia la ka tnga, nga la dem ban tám la i khúnlung. Kumne pléng ka buit jong ka ban pynleit ia nga sha ïing. Ka ba-shalak—ka da shalak than hi kein. Nga smai ba kan sa shah shitom na ka bynta kane. Bad ia kaba shah kam pep.

Ym dei ba nga da jied hi ban puson ia kito ki sngi jong ka pop bad ka jinglehraiñ. U Blei u tip, nga don ki lad baroh ia ka ban ïaid beit. I mei baieit jong nga i la leh katba kot i bor ban pynlong briew ia nga. Ym tang katta, i ïai dwai ruh. Bad step bad sngi la bad miet, ka mynsiem baïaishah jong i ka ker sawdong ia ka shkor u Blei na ka bynta jong nga. Ki jingïaid kulmar banyngkong jong nga ki la pynäp jak ia ki jingkwah jngai jong i na ka bynta jong nga. Ka jingtyllun jong nga ha ka pop ka la pynpait dohnud ia i. La katta ruh im man kein kaba dwai.

Ngam mut ban jer kyrteng lut ia ki kam dakaid ba nga leh. Ka jingbuaïd, ka ïakhalai bad ka jingkren bein blei ki long ha khmat eh. Ka jinglong bam lah synshar ka la wallam jingjynjar ter shi ter ia nga—bad khamtam eh ia kiwei pat ki briew. Ka tnga bapli ka la shu shah diengshaindoh. Man ba nga buaid—bad nga ju long kumta ruh búnsien—dei halor

jong ka ba nga pynhiar kput. Ha kum kito ki por ki khún ki tip ïa ka ban kiar sharud. Ki ju par sor bad bak na ïing kum ki khún khnai, ki da tieng ban shang ha khmat. Kumno ba nga lait na ka kam pyniäp briew ngam lah tip, lait sa tang da ka jingaiei u Blei. Namar ka kam pyniäp briew ka don barobor ha ka jingmut jong nga ; bad ha kawei ka por ïa u khún san jong nga la ai da ka wisil pulit, ba u lah ban khot jingiarap lada jia ba ka btnei ka jingbitar shla buaid.

Teng-teng ha ki por ba nga sngewpyngngad bad sngewkwah briew nga khmih lynti ïa la ka tnga ban ïawad sngewbha lem kum ma nga. Haba ngi sngew don paisa ban pynlut ngi ïaleit jngoh lang ïa ki jaka die kiad, ki jaka pyni baïoskob bad ki jingïalehkai thïatar. Ban ïoh ïai wad jingsngewbha, dei kata ba nga leit lut la ka jingim. Shisha kein ki khún ki shah sh tom, namar ki jingïoh jong nga ki rit. Ka la long shisha ka basniew ba ka tnga ka donkam ban thaw lad hi ban pyndap bäm bad jaiñ la ki khún banang ïabún ; hynrei haba nga la nang pynlang sha kata ka jingkit da ki jinglehmrad bam lah ban ong jong nga, la don ki por ha kaba ka lajan beh lamwir.

Ngam lah ban klet--nga kwah lada nga lah--kumno ha kawei ka sngi nga duh ïa ka. Bun bún sngi ka la ïaishah bad nga, la ka mynsiem jong ka ka kum ba kan pait. Khat-

duh khatwai ka la byrngem ba lymda nga kylla la ka jingleh kan pynkut hi noh da lade. Nga tang shu ym shem ia ka ha iing nga la tip ba ka la leh kumba ka byrngem. Ba nga sheptieng aïu kan wan jia ia nga pat hadien nga la her lamwir sha surok kum u lamwir. Ka la leit beit sha kharai um bad nga la lap ia ka. Nga la ring biang ia ka sha iing bad ka jing-kular artat la artat ba ngan kylla noh : ia kita ki kular ngam don bor ban sumar, la nga don jingmut babha shisha katno katno, namar nga la long u mraw ka pop.

Kiba kum kita kein ki la long ki jingjia ba-jynjar jong ngi ha iing ha sem. Kawei hadien kawei ka snem ka iaid, khlem wallam ei-ei kaba kham bha nalar kaba iai leh biang ia kijuh pa kijuh ki pop, bad ka jingthrang pat ia ki bathym-mai. Ngam shym la long khlem ka lad ia kaba ngan kylla bha. Katto katne kynjat na ka jyngkhang bah jong ngi la don ka iing mishon, hapoh ka jingpyniaid u S. R. Lockey, u phajri jong ka nongbah London. U ju wan kai sha nga barobor, bad la nga leh bam khein briew, bad teng-teng bad ka jingsngewbitar briew, u la iai pyrshang jai pa jai ban pyn-sngap ia nga ia ka khubor jong u. La don ki por ha kiba, haba nga sngew pyngngad, nga shahshkor ia u. Nga tip ba u tip bha ia ki jinglong ha iing ha sem jong nga, bad kata ka la nang pynjew jingmut ia nga. La nga la ngop jur, nga la pyrshang ban pynkohnguh ia

lade ba ngam shym kham sniew ban ïa kiwei.
Kaba sngewphylla haduh katno ka jingsngew-
hok lade ka don ha u bajot tam eh !

Hynrei la katta uta u briew um man ieh.
Ha ki por ki babiang thik thik u wan mih paw
ha khmat jyngkhang jong nga, u ai la ki kot
bad u la nang ïai pyrshang ban pynwan ïa nga
sha u Khrist. Kumta ki bnai ki ïaid lait. Ki
minit jong ka baje u Blei ki nang march stet
namar jong nga. Ka bam poi khmih lynti satia
ïa ka ban jia ka sdang ïa ka ban jia.

Ka miet kut snem ka wan poi, 1923. Ia
nga, ïa kaba kum kata ka por ka ïabiang ban
burom snem rim da kaba dih buaid. Ha kata
ka janmiet nga la shang na kawei ka pata-kiad
sha kawei ka pata-kiad, nga da ïeng khawai
kiad bad shah khawai kiad. Ynda la miet
ngain nga wan phai sha la ïing. Ka shikyn-
hün ki lok barim jong nga ka la shah khot
sngewbha ban ïakhmih kai khatduh ïa ka
Snem Rim ha ka jingïalang jong ngi. Ki la
lah pdiang ïa kata ka jingkhöt, ki da tip bha
ba yn sa don pahuh-hai ka dih. Kim shym
bakla. Ki tang shu poi, la khawai ïa ki da ki
klat bashlei haduh rymmiang, bad la kyntu ba
kin ïadih hun ha ban da jhor mutlop.

Ngi hi ïa lade ngi la kham ïajam khyndiat,
hamar ba ka khatwei baje ka la jan tied,
hynrei ngim da ïajam eh katta katta kat ban

nym lah iohsngew shuh ia kaei kaba jia shabar ka jyngkhangit jong ngi. Hangta, ha surok, ka jingiaseng madan ka la sdang, ba la ialam da u lok riewbah jong nga, u Sahep Lockey. Ki la iarwai jingrwai niam.....ngi pat ngi nang iarkhie, nang iabiria bad nang iadih. U dwai.....ka jingiamuja jong ngi ka la nang jur. Nangta uta u Phajri u la kren, lyngkot, hynrei ha shyieng. Nga la iohsngew ia u ba u kyntu ia ki briew ban rung ia ka Snem Thymmai ha lingmane, u da khot ia ki sha ka iing mishon kaba hajan ban laseng Apmiet.

Katno ka jingkyndit ka tnga bad ki lok jong nga haba nga la buh pynstet la ka klat, bad joit nga la ieng, bad pyntip ba ngan leit rung sha ka iing mishon. Khlem artatien ki la ngeit ba nga la shu kut jingmut dohsnieh ba la shit kiad haba nga la kren pynskhem ia la ka jingthmu. Lehse ka lah ruh ban long. Hynrei ka kham palat ia kata. Batai ia ka ba u Mynsiem u Blei u trei ha ka jingkut jingmut dohsnieh jong u riew-shit-kiad, bad lehse kata kan dei.

La don ka jingrisa jong ka jingsngewkyn-dit, bad ka jingiasip-sip-sap-sap jong ka jingsngewbiria katba nga nang rung ia ka iing mishon. Bún na ki briew kiba nga la iadih lem mynshuwa kata ka janmiet ki la don lypa hangta. Nga leh kum bam iohi iano iano, bad da kaba iaid kyüh sha khmat, nga la shong khop. Nga tip ba u Lockey u la iohi ia nga ;

hynrei um shym pyni dak ei ei da kano kano ka jingleh pher ba u ithuh ia nga.

Ka jingiaseng ka la sdang bad ka la nang iaaid. Ia ki jingrwai la rwai ia kiba nga ju nang naduh dang khynnah. Ka long ka banyngkong ynda la bún bún snem ba nga la dem la ka khlieh bad dwai. Nangta ia ki dkhoh na ki Jingthoh Bakhuid la pule, bad u Phajri u la sdang la ka jingkren. Ka jingkren kaba thew ia nga. Nga tip. Hynrei ngam shym pyni jingdom ei-ei. Baroh ka jingsngew ialchpyrshah ia ka Gospel ka la wai imat ha nga. Nga la sngap kum u briew uba shoh jadu. Man la ka jingkren shla ia ka pop, ka ktah jur ia nga. Ha kata ka khyllipmat nga sngewthuh ia lade u basniewtam. Hynrei don ka jingkyrmen—hooid, don ka jingkyrmen wat kum ia nga ! Ka Snem Thymmai, ong u nongkren, ka wallam ruh ka khubor jong ka lad thymmai. Uta uba ong, “Ha khmih, nga pynthymmai ia kiei kiei baroh,” U mon bad lah ban pdiang ia ki mynsien ba la jot bad ban saindur thymmai biang ia ki. Ka long kaba lah ban ichnoh ia baroh ka jingbamlah bad ka jingjynjar jong kaba la dep lem bad kaba sah jong ka ri bamthikna jong ka snem ka ban sa khlad. Ia ka Snem Thymmai lah ban rung lem bad u Khrist ; bad kata ka mut ka jingmáp ei, bad ka jingsukjai bad ka jingjopthiaw.

“Hato don hangne mano mano u ban ai ia U Trai Jisu ka lad ba U wad : uno uno u

ban shariah ïa U da ki jingim jong ngi myn-
 ta, shuwa ba ka baje kan tied khatar baje?"
 Nga la tur sha khmat kum uba buaid.
 Lano lano ngan nym lah klet ïa ka jingphuh
 kmen ka khmat u nongkren, katba u ïaksoh-
 kti bad nga. Bad um man pyllait. U da
 khmih shain ha ki khmat jong nga, bad ba u
 sma ide ba nga dang don katto katne ka jing-
 sma kiad, u la kren pyrshah. "Cleave," u la
 ong, "lada phi da mut shisha, ïathuh ïa kine
 ki briew kumta." Kane ka la pynpoi sha kaba
 ngam khmih lynti ; hynrei kam lah shop ïa
 nga. "Ngam ju mlien kren ha u paidbah,"
 nga la pasiaw. "Hynrei ngan pyrshang ban
 rwai.....lada phin shah ïa nga."

Ka bor kynmaw ka la trei kam ha kata
 ka miet. Ym don kaba ktah jur ïa nga palat
 ban ïa ki jingrwai bathiang ka Gospel ba nga
 la nang la dang khynnah. Kumta nga la tyrwa
 ban rwai, bad haba la kylli ïa nga aïu ngan
 rwai, nga la pán ïa kine ki ktien :—

Nga sngew ka ktien u Trai ba ong,
 To wan ha nga shongthait,
 Pynthïah la ka khlieh ruh de,
 Ia me ngan ym kyntait ;
 Nga wan h'u Jisu kum nga long,
 La jingkit ruh nga rah ;
 Nga shem ha U ka jingjahthait,
 U pynsngewbha ïa nga.

Na ka kot jingrwai ba la ai ha nga nga la rwai lut ia kane ka jingrwai, dkhot pa dkhot. Lada nga buaid de khyndiat haba nga sdang, shuwa ba ngan pynkut nga pyngngad kdar **

“Khie leit sha iing bad iathuh ia ka tnga jong phi ia kaei ba la jia,” ka la long ka jing-sneng iakhlad u Phajri ia nga ha kata ka step Snem Thymmai. Ngo la lap ia ka ha jyingthiah, thait ha kaba ap, bad tieng ia kaba ngan wan. Nga la kyrsiew ia ka, bad da kaba kren kumba ruma, nga la phla l'u Nongpynim. “Ko ieit,” nga la ong, “nga la phai sha ka jingim thymmai. Nga la wan na iing mishon, bad nga la pdiang ia u Jisu Khrist”. Ka kynthei bapli, ka la sngap ia ka jingiathuh da ka jing-sngewbein briew kaba kam sngew lah ngeit. “Phi, la phai sha ka jingim thymmai? *ma phi!*” La don artat bad ka jingklur-khur pdot kaba sngewpher ha u ryndang jong ka. “Nga iathong phin sa iathuh da kumwei pat tang hapoh artaiew.”

Ka long kaba eh ban shah, hynrei kaba jem ban sngewthuh. Haduh katno ba ka la shahshitom ha ki kti jong nga bad ban kren ia ka ban kylla bha pat ka long ka jingkren-biej—bad ka jing-iaipynthymmaidur ka long ka ktien ia kaba ym pat iasngewthuh ha kata ka por. Hynrei kan sa nang khein-kor ia ka jingmut jong ka. Ha ka taiew ka babud u shakri babha jong u Blei uba la long ka lad

ia ka jingkylla ka bamut jong nga u la wan sha nga barobor, bad katba u la nang pynshai ia nga ha ka lynti Khristan, ka tnga jong u ka la nang iabatai bad ka tnga jong nga. Kam ju tip ei-ei shaphang ka Gospel, ba kam pat ju ioh ki kabu kumba ioh ma nga haba dang samla. Hynrei ha kaba kut ki ar taiew, ynda ka la phylla na kawei ka sngi sha kawei ka sngi ia ka jingkylla kaba la trei ha nga, ka la pyrtat jam ban ioh ia kajuha ka jingkyrkhu. "Ngam sngewthuh," ka la iasaid, "hynrei, O, lada ka lah ban leh kumne ia u tnga jong nga, nga kwah lem ia ka, nga kwah lem ia ka." Bad, iaroh ia u Blei, ka la ioh lem ruh, namar ka jingkyrkhu ka jingpynim ka la long ka jong ka ruh ka tang shu bret ia lade ha u Khrist u Blei.

Ki kambah shadien pat ki bud ! Ka tnga jong nga ka la don ka paralok, bad ryngkat bad ka ngi la ju iapynlut bün kynta ha ki kam sngewbha ka pop. Ka jingkylla kaba la paw shai ha ka iing jong ngi ka la pynshaiong ngain ia ka. Ngilathuh ia ka ba u Nongpynim u la trei phylla, bad ngilathuh ia ka pynkren lem ia ka sha ka jingtyrwa kylluid jong U ia ka ban ioh map ei bad ai jingaiei. Ka la ngeit, bad ka la lait-im war. Nangta nga don i mama. Shisien i la ialap ia ka Gospel ; hynrei kum u Demas, i la phai-dien pat. Ka khubor jong ka jingkylla ka bamut jong nga ka la bthei ha ka mynsiem baiaid sakma jong i kum ka khubor na u Blei hi. Da kaba kylla ka bamut,

i la wad ia ka ban phai kylla hiang, bad i la shem jingjahthait ha ka diengphna.

Mynta ba nga la aiti la ka jingim jong nga ha u Blei, U la sdang ban plie lynti ia nga. Ia nga la pynithuh ha u pastor kata ka jaka kum u briew u babit ia ka kam kdew jaka-shong ha iingmane. U la pdiang ia nga, u da kmen ha ka jingphla mynsiem jong nga, bad khlem artatien u da kyrmen ba ngan pyni ia lade u riew-kitkhakam u babha. Ha nga la kumno kumno, kane ka kam ka la long ka jingpyndep ia ka jingkwah bakyrsoi jong nga ban iathuh ha kiwei pat ia la ka jingsuk ba dang shem thymmai. Ba la buh ia nga ha ka ben khatduh jong ka iingmane, nga la pyn-donkam ia ka lad ban pyndait budam ia ki rangbah bad kynthai, katba ki mih na iingmane. "Phi ha ka liang u Trai ?" nga la ju kylli ; bad lada ki sngewsbun ban mynjur, nga ju ialam ia ki sha ki jaka shong bashadien bad iathuh ia ki aüu ba u Trai u la leh na ka bynta jong nga. U Trai u la shah sngewbha eh.ia nga ban ialam kumne bün bün ki mynsiem sha U.

Bad mynta U la leh kham palat ia nga ban ia kaba nga la ju nud ban kyrmen. U la khot ia nga sha ka jingiasyllok lem jong ka Mishon Sor Bah London kumta ba ma nga, uba la don shisien sha jngai bah, u ialong shilok bad u hynmen baieit uba da ka jingiaishah-slem

jong u bad da ka jingpynpaw ba dei ia ka lynti jong ka Jingim, u la wallam ia nga sha ka jingkyrkhu ha kaba nga mynta nga ieng.

Shikyntien iakut iawai. U Blei u leh shibun na ka bynta jong nga. Hynrei nga lah ban ong beit ba U la kham leh palat ia ka tnga jong nga. Ka la shah diengshaindoh ia ka jinglehmrad jong nga. Mynta, ainguh ia u Blei, ka tip sa kawei pat ka liang jong ka jingim, bad ka long ka nongiarap jong nga ha ka kam jong ka Gospel. Ka jingsngewsih bakhraw tam jong ka hadien ka jingkyllabamut jong ka ka la long ba kam don ryndang ban pynkyntang sha u Khrist. Ha ki sngi jong ka jingbamkylla ka bamut jong ngi, ngi la ju thlia ia ka shaphang ka jingbamlah jong ka ban rwai. Hynrei hadien hadien ka la sdang ban kwah ia kane ka jingaisap.

Ha kawei ka sngi ka dang shongkai ha iing ha ki pud ba ka dang pynshait bha pat la ka met, ka da pyrshang ban pynwan biang ia ka bor ba ka la duh ha ki sngi ki jingjynjar ba la dep. Ha ki por janmiet kiba shong ha iing ki la ialum lang sawdong ka jyngtem piano, bad ki la rwai ki jingrwai ba ju rwai. Ki la pynbor ia ka ban rwai, hynrei kam treh. Ha kawei ka miet don mano re mano ba la kham shon jur ia ka ban ia kaba mynshuwa, "Balei phim rwai, mem Cleave? Baroh na ngi ngi la shim bynta. Ka dei ka pali jong phi mynta."

Ba ka thait ban kyntait, ka la mynjur ban pyrshang. Hynrei ka tang shu ang la ka shyntur ban rwai la lap kyllep da ka jingsngewbamlah bad jinglehraiñ bajur. Da kaba mareh kynsan na kamra, ka la wad jaka rieh tngen halor jyngthiah, ha kaba ka la iám suk shi suk ha ka jingsngewjah burom.

“A, Blei,” ka la pyrta ynda la thanda ki ummat, “lada phin ai ia nga ka ryndang nga kular ban aiti ia ka pat sha phi.” U Blei u la shahshkor ia kata ka jingdwai bad U la jubab ia ka. Naduh kata ka miet kam ju don jingsngewrem shuh ha kaba kohnguh haba ong ia ka ban rwai. Mar khongpong ka aiti sngewbha katta katta ha ka jingiaroh ia u Blei haduh ba la khot kylleng ia ka ban rwai ha ki kamrabah Mishon bad ki iingmane ; bad mynta ka long ka nongiarap bakordor jong nga ha ka kam ialap niam jong nga baroh. Da shisha, “U Trai u la leh ia kiei-kiei ki bakhraw na ka bynta jong ngi ia kiba ngi dei ban kmen.”

SNGAP U DANG KHOT IEIT

Sankey 449

Key G.

{ |s₁ :d :r |m :- :- |d :- :- |r :d :l₁ ||₁ :- :- |s₁ }

1. Phi b'la jah, wan phai, phi b'la thait, wan noh,
Khmi! Nongaplangbrot U dang khot ia phi ;
U wad ban pynim, U ap ban pynkhuid ;
Wan kloi pdiang ia U—kein wat pyntud hi !

Lang—Sngap U dang khot ieit, jai jai U ia khroh,
Sngap Nongaplangbrot U khot mynta ;
Sngap U dang khroh ieit, jai-jai U ia khot,
Jem jai U ia khot, “Wan noh sha Nga !”

2. Peit U ia ap slem : lei phin shu iap ei ?
La phi ia id sakma, la jngai jngai na sem —
Snam-kor ka jong U ia phi ban siewspah ;
Jingieit•baphylla kat kane nym shem !
3. Sngap ia ka khubor sngewlem ka jong U !
Khlem pop, ia pop phi U bah ha diengphna
Jingim bajanai, jingim bamjukut,
Kuna ka jong U ia phi U tyrwa.
4. Wan noh ha lynti, lynti bashisha
Rung da U Jisu, Jyngkhang long ma U
U long Nongsharai, sngap U dang khot ieit :
Ha ka jingilot wan, wat ia id sakma shuh.



LYNNONG II

NA KI JINGJYLLIEW

W. E. (PATSY) SULLIVAN

U shipai-ryngkew, u shipai-um, ne ha ki pâr—kine lai ki shah ha khmat jong nga ia kaba ngan jied. Nga la long u khynnah uba dang khatsaw snem, hynrei nga la long lypa ka jingpyndum buit ia kiba pyniaid ban pynbha pat ha ka Seng-pyniaid Phareng mynta ban iabha lang suk lang. I mei jong nga i la ieh-noh ia nga kum u bamlarkam shuh bún snem mynshuwa. Ka por banyngkong eh ba nga iapeit pyrshah ia u nongbishar (ha kata nga la dang khatar snem) i la iathuh ia u ba nga long sha palat ka bor synshar jong i. U nongbishar u la kylli la ngam don kpa ia ka ban bat lakam ia nga. La iathuh ia u ba i pa jong nga i don ha duriaw, bad ba namarkata la khanglad ia i na kaba peit ia ki kam ha iing ha sem. Nga lah ban dang pynlang shuh la ka jingong ha kata ka jingiathuh jong i. Ka la long ka jingbamlah sngewthuh i pa jong nga ia ki kam kulmar khynnah kaba la pyneh dohnud ia nga ban ialeh pyrshah ia kano-kano ka jinglehpyrkhing baroh. I la long u briew u bam don jingsngewlem, bad i bam don shi lieb

ka jingsngewsynei ha ka long-briew jong i. Ia ki kam runar ki barit baria i ju pynshitom jur sat eh. Naduh ki por ba nga dang rit nga ju tieng ia ka sngi ka jingwan phai jong i na duriaw, nga da tip bha ba tad ynda ka lieng jong i ka la king noh pat, ka jingim jong nga kan shu iai long ka ban shah khyrwit bad shah byrthen lynter.

“Ngan rat ia ka jingsniew na une u khyn-nah,” i la ju ong ha i mei, ynda i la iohsngew ia ka kam runar thymmai ia kaba nga la leh. Katba nga phai dien ha kito ki jingiakren pyni bamsuk jong ki, nga sngewskhem ba ki thri kiba i ai ia nga ki trei kam pynban da khong-pong. Ba nga tip bha ba ka jingdon baaipyrkhing jong i kam slem, nga shu ap tang ia ka por, bad nga pyntngen ia la ka mynsiem bamong jong nga da kaba thaw buit ban phet, kham shykhei ia kiba la ju leh mynshuwa.

Hadien ki jingiатыngkhuh kiba khek shi khek bad ki pulit, bad ynda la shipor de ha ka jingpyniaid skul ban shna pynbha pat, la rai jingmut da kaba shu ai lad ia nga ia ka ban kylla bha pat da kaba shu pda ia nga sha ka pyrthei. Namarkata, lai tylli ki jingtyrwa—u shipai-ryngkew, u shipai-duriaw ne ha ki par. Ka banyngkong, nga la pyrkhat, ka sawa la kum ka jingleit shah pynban ha ka jingnang ai pyrkhing; ka baar ka lah ban pyniashem pynban bad i pa, kaei kaei kaba

ngam da kwah eh kein, kumta nga la pashat sawar ia lade sha ki pár. Khmih ia nga, namar-kata, uba dang khynnah ha ki snem, ba u dei leit lynti artet sha Yorkshire, ban ioh la ka bámbad, kumba la kyrmen, ban pyndait lakam ia ka mynsiem ha ki thliew-tih-dewiong.

Ki khyndai snem ba nga pynlut ha kata ka ri shatei ki long ki snem jong ka jingnang-ngam bad ha ka pop. Ia ki jingsniew ba ngam tip shuwa ban mih na London, nga la ioh tám shen-shen na ki riew-tmut-tmut-tmet-tmet kiba nga jied kum ki paralok jong nga hangta. Ki la hikai ia nga ban dih kiad bad ban iakhalai, bad nga la kham nang palat ma nga ha kine kiei kiei ban ia ki. Bam don mano mano ba ha iing ha sem, nga la pynlut baroh ka por ba nga ioh ban tyngkai ha ki jingsngewbha, bad ia ki paisa jong nga ruh hangta baroh. Ka jingjynjar ka la sdang paw heh ha khmat jong nga haba ka trai jaka ka la pynkynmaw ia nga ba ka baiwai jong nga ym shym la siew bún taiew. Nga la kular ban siew pyndep ia kiba ka shah, nga da tip janai ba ngan nym lah ban leh ia kata. Khatduh khatwai ym don lad ia nga sa tang ban phet tuh ia ka ban lait siew. Ym da jngai eh nangta nga la ioh kam ha kawei pat ka par, bad nga la sdang sa shisien pat ia ka jingim lut phut bad shukor.

Kaba kum kane ka jait jingleh kan don la ki pud, khlem pep. Ia ka kyrteng jong nga

la tip kylleng ka jaka tih dewiŋg, ba lymne ki trai khyndew lymne ki nongaikam ki mon shuh ban pyrkhat ia ka jingkyrpad pán-kam jong nga. Kumta nga la kut jingmut ban iehnoh ia kata ka distrik. Ka ri Wales ka jngai kat ban biang, bad ka tyrwa lad baheh ia ka ban ioh kam.

Ka snem 1913 ka lap ia nga ha ri Wales, khlem kano kano ka jingthmu ia ka ban kylla bha pat ha ka dohnud jong nga, hynrei la suk jai ka jingpyrkhat ba mynta nga don ha ka jaka trei ka ban nym pynwit ia nga ia ka ban pynhun la ki jingkwah brai jong nga. Slem katno ngan jin da la phet pynstet ha ka lynti basniew ha kata ka Jaka Syiem, ngam tip. Nga la iehnoh ia ka ri Wales da la ka mon sngewbha, ba ym don daw palat lait na kane, ba ngam lah shah ia ka jingiärwai riewblei jong ki lok jong nga ha ki par dewiŋg. Ha kito ki sngi ngan jin da la rkhie bein ia ka jingpyrkhat ba ka jingiätip lem ka la trei kam. Hynrei pynban dei kata kaba la jia. Nga la byrngem bad smai ha ki lok jong nga ha ka khmat dewiŋg, hynrei lehnohei. Ym lah pynsngap ia ki na kaba rwai. Kumta nga la kynther dewmet ia ka ri Wales, bad nga la leit beit sa sha ka jaka tih dewiŋg ha Kent.

Nga la don hangta haba ka khieh ka thma bah. Kata ka jingngat pap, kaba la rai ia ki nusip jong bún ki briew, ka la pyniär ia ki

sawdong pud jong ka jingim jong nga, bad ka la ai ia nga ki lad bam ju phohsniew. Namar nga don ki jingpyrkhat jngai—lada nga tang shu ioh pyndonkam ia ki ban pynioh la ki jingthmu khwan myntoi la jong. Ki briew ki ong ia nga ba nga don ki jingaisap bapher. Lehse ka dei. La kumno kumno, nga la kiew kam pynkloi ha ka kynhún Shipai. Arsien la ai burom ia nga, na ka bynta ka jingshlur ha madan thma, bad kumta de la kren iaroh ia nga ba ngan leit sa sha ka kam rangbah.

Ha Woolwich nga la leit pule ban pynkhreh ia kaba ngan kiew ka kam rangbah shipai. Ngam shem jingeh ha kaba pynleit jingmut ban minot. Ka jabieng jong nga ka pdiang ia kano kano ka jingdonkam ba ka dawa halor jong ka. Ka dohnud jong nga, pat, kam long ka jong nga ia ka ban shah synshar. Ym don jingaibatai ka ban iadei shaphang jong ka ha kane ka por ban ia ka jingong ba kaba “b: m nan khlem jingkyrmen.” Kata ka jinglong trai khlieh basniew kan dang pynpaw pat ia ka jingjot jong nga hi.

Ka por ka nang iaid, ba ynda nga la pass ia ki eksamin jong nga baroh, nga la dei ban pdiang ia ka jinglong rangbah. Ym don ei ei shuh kaba dang sah mynta sa tang ban ioh la ka riam rangbah shipai bad la ka jingpynbiang tiar biang tar. Ha kawei ka sngi la ai tyngka ia nga ba ngan ioh thied katto katne ki tiar

badonkam na ka bynta ka song-leit-lynti jong nga. Ka tyngka, ïa nga, ka la ju long barobor ka tynrai jong ka jingsniew. Ha kata ka miet, ba la buaid da ka jingsngew bún tyngka jong nga, nga la leit sha West End. Ki katto katne kynta hadien ki la long ka jinglehlmwir suda. Nga ïai kyrpad ïa u Blei ban ïarap ïa nga ba ngan klet ïa ki. Nga ngeit U dang jubab ïa ka jingdwai jong nga.

Haba mih ka step, la shem ïa nga ha ka jinglong buaid, ha ka kynhún bapoh tam. Ki nongpynïaid bahalor kim nang jied kumno ban leh bad nga. Bak sha Phrans nga dei ban leit phai, ba la pynhiar kam ryngkat sha u paid babún. Katno nga kynnoh pop ïa lade ïa la ka jinglehbieij! Lada ngan ïaishah sa tang khyndiat, ka prais ka la dei ka jong nga. Mynta, ym sah ei ei shuh, ei ei ruh ém sa tang ka jingpynrem lade bad ka jingsngewsaitmet lade kaba kynroi, ym dei na ka jingsngewthuh la ka pop, hynrei namar nga la pynsep-ei la ki jingpyrkhat jngai kiba nga la ïai pynim jingmut tang da ka jinghapklep bamutlop jong nga. Da ka jinglehraiñ ha khmat ki briew kiba nga ju kob sarong ïa la ka jingtbit la jong, nga la kut jingmut ha la ka lynti jong nga. Búnsien-búnsien nga la pyrshang ban pynkut ïa la ka jingim. Ha kane ka sien ngan leh ïa ka. Shen shen ngin sa dei leit top ha kliar. Ban pynshah ïa lade ha khmat ka suloi u nongshún kan long ka kam ka bajem eh. Kan long ka jingïap ka bathikna bad bastet.

Tang shu riew wiar ka wisil, nga long u banyngkong ban kiew hajrong kynroh kaba kot haduh shadem. Kum u briew uba shongksuid nga la tur ruma sha ka bynta ba i-shyrkhei tam ha ki lain bamarpyrshah. Ki kuli ki paswia kum ki ngap sawdong jong nga. Uwei na kita u dei ban tangon ia nga hapdeng katto katne minit. Hynrei lada la ker tawiar ia nga da ka kynroh nar ngan nym da lah ban lait na kito ki kuli. Kiwei ki kyllon sawdong jong nga, hynrei nga pat nga nang tur sha khmat. Ka thma kata ka sngi ka la wallam jingjop ia ki shipai jong ngi. Ia nga pat—ka mynthi kat kata—ka la wallam ki burom thymmai jong ka thma na ka bynta ka jingshlur ha pyrshah ki kuli tup.

Kumta ia ka jingsarong basngewmong jong nga la pynkoit, bad sa shisien pat nga la pynskhem biang la ka jingim shipai. Hamar kane ka por ngam don jingpyrkhat ei ei ba ka jingpyllait-im ia ka jingim jong nga ka lah ban long na ka bynta kano kano ka jingthmu babha shadien. Hynrei nga la sdang ban nang sngewshaniah ha la ka bok kaba la nang paw shai haba nga la tip ba yn pynkynriah jaka ia nga na ki jingishyrkhei ka ri Phrans ban ialet synrap bad ka kynhún shipai Phareng ban pynsting ia ka ri Russia.

• Ha Russia nga la lap bún ban pynsngewtynnat ia nga, bad kumba nga la ioh kiew kam

biang ha ka kynhún shipai, nga la don ki lad baaikyrpang ia ka ban pule minot ia ka buit ia pynbha lang ka jong ki Bolshebiks. Kane ka jingsngew tynnat bam lah buhrieh ha ka jingthaw pyrshang ki Russia ka la pynpoi ia nga sha ka ban shah kynthoh napdeng ki para rangbah shipai. Ki la khmih ia nga da ka khmat sniew kum u briew uba don ka jingpyrkhat pynkulmar paidbah. Hynrei nga long uba sumar ban nym wallam jingjynjar ha la ka khlieh la jong, bad wat haba nga la nang ioh shibún kaba myntói ia nga ha ki snem ki ban wan, nga la nang shu bat ia la ka jingtip ha lade.

Ka jinglong bam kit khia ba napoh jong nga, la kumno kumno, kan dang wallam jingjynjar halor jong nga. La dei u bnai September 1920. Ki briew jong ngi ki la dei kynriah sha Archangel. Ha nga la ai ka kam ban iada ia ka kynhún baiaid nadien jong ki shipai jong ngi, bad ban peit ia ka bām ka dih. Da kaba sniew bok kito ki bām ki dih ki don de bad ki butor kiad. Ki briew jong nga kum ma nga, ki la shah shitom shibún ha ka jingiaiaid hiarthma, bad kim da donkam jingpynshlur bún haba nga la sdang ban pynmih kiad khlem da ioh hukum. Ha kata ka miet, ia ngi kiba la dei ban ieng sharai, la lap ki bam long kam shuh namar ba dih.

Don tang kawei ka ban bud—ka Bishar-shipai bad ka Jingiap. Ka sngi ban bishar ka

la poi. Ki bniat jong nga ki la dait dam ia ka doh ha ki rymmiang shyntur jong nga katba nga dang ap ia ka rai bam lah ban lait... "La rai pynrem ia u." Niuma, la kumno kumno, nga la khmih lynti ia ka. Shen shen kan don ka jingwan jngoh khatduh ka jong u Shapleiñ, ka jingkhót sha madan, ka kynhún ki nongsiat—bad u Patsy Sullivan un sa leit-wan ryngkat bad u kuli ha ka shadem jong u.

Hynrei ia ka rai ym shym la pynbna. Donkam ka jingpynskhem u Rangbah Shipai Bahalor. U la lah mih, bad u don hapdeng ki duriaw bajrong. Ym don lad da kumwei pat sa tang ban ialam ia nga, uba la shah set, sha England, ha kaba ka rai kan ioh ia la ka jingpynskhem badonkam, bad ha kaba ka dor jong ka jinglehieij runar yn siew. Ha kum kine ki jinglong ka jingleit lynti ka shu long tang ka jingpyndik mynsiem ba shu pyn-túd ia nga. Ha ka jingset koidi ba marwei, nga shu puson la ka nusip jot la jong ka ban bud. Ka jingleit-ïing aïu kaba kum kane! Ka jingsawa halor lieng kaba pyni ba lajan ban kiew ryngkew ka la long ka jingsawa ba pynsngewsih. A, ban da ngi la ngam baroh hapoh duriaw! Nangta i'u nar pynsangeh jhad la pynngam, ki jingpyrta na ryngkew ki iasawa kylla bad ki jingkyang jong ki riew-lieng. Shen shen kin sa wan na ka bynta jong nga, bad nangta.....

U brierw ha ka riam shipai u la rung ia ki kamra phatok jong nga, bad u la ai dak ia nga ban bud ia u. U la ialam ia nga sha ka jaka shong u Rangbah shipai jong nga, uba ikhia ha ka jingkhmih bad ruh ha ka jingsawa. "Sullivan," kher u la kren, "phi dang don hapoh ki hukum. Phi kloï ban leh la ka kamram jong phi? Don ka jingiakulmar ha ryngkew. Donkam man u brierw ha ka jingjia kynsan ba kyrkieh. Phin ialam la ki brierw ne phin sah hapoh lieng? Jied." Da kaba eh ban ngeit la ki shkor la jong nga la jied. Ngan shim ia ka kyrdan ha khlieh ki brierw la jong. Nangta la pyntip ia ka jaka. Ngi la don ha Devonport. Katto katne na ki shipai, ba kim lah iaishah ia ka jingpyndier ha kaba pynsappra, ki la leh lamwir lamtham hapoh shnong, bad ka kut shipai kam biang ban pynbeit ia ka jingkulmar. Ka jingpán iarap la pynlong sha u Rangbah Shipai jong ngi ia ka ban pán brierw, hapdeng kita nga la dei ban shim la ka kyrdan.

Ha kata ka miet ngi la lah ban pynbeit, bad la ioh ia ki jingsngewnguh jong kito kiba halor. Ka bainong ia nga ka long ka jingmáp ei. Ha ka jaka ba ngan shem ka jyngtep ha England, nga la rung biang ka jingim bamynshuwa ryngkat bad ki lad baroh ban im kham bha. Sa shisien pat, nga ong ia lade, "ka bok jong nga."

.....

Ngam shym la pynsyrrwa la ka por ha ka por jinglong shipai. Ba nga don ka kynja jingnangkloi ia ki ktien, nga la ioh ka jingtip ka babiang ia bún ki ktien ha ri Europe, ba kumta nga shem lad kloi ha ka kam khai rangbah. Ki jingioh jong nga ki bha, bad nga la im suk kynjai. Ia katto katne snem ka jingshem bapynshyrkhei jong ka jingjia ha Russia ka la pynthanda ia nga. Ngam shym la long u briew u babha da kumno kumno—hynrei nga la long u briew u basumar. Hamar kane ka por nga la shongkurim, nga da jied ia ka lok jong nga da ka briew kaba sheptieng Blei, ka bam tip ei ei shaphang ka jingim ha la dep jong nga. A ka bapli sangsot, shen shen kan sa tip u briew aü uba ka iatehlok.

Ki jingkwah brai barim ki la wan phai biang. Kawei ka kam hadien kawei ka kam la ioh, tang ban duh biang. Ym lah don nongaikam ba yn khmih lynti ki ban iaishah slem ia ki jingmlen bapathar jong nga. Suki suki la pra ka iing ba ju iashongsuk. Ka pop ka la nang wallam la ka por ot, ban ot ym tang da u briew uba la bet ia u symbai kthang hynrei da ka kynthai baluilui de kumjuh. Khatduh khatwai, ynda haba ia ka kam hok ym lah ioh, nga la phai la ki jingpyrkhat sha ki kam dakaid. Ki jaka ha kiba nga shait ngam ha ki jingkwah brai jong nga ki pynpoi ia nga sha ka jingia-ithuh ithaw bad ka pyr-

thei-pohkhrum jong ka London. Ki *kruk* ki kmai ka tuh babún rukom ki long ki lok jong nga. Ki iathuh ia nga ia ki kam shlur jong ki, bad shen shen nga long uwei na ki. Ka jingtip baiar jong nga ia ka pyrthei ka la long ka spah-bah ia nga. Ka la pynshlur ia nga ban thmu jngai ha ki kam runar. Nga ñiew-bein ia ki kam tuh kloh pla sopti bad mar khutia mutia bad nga peit sha ki bakham heh.

Kumta shipor nga la nang roi ha ka kam bamman jong nga. Hynrei ka aiñ barobor ka jop ha kaba kut, bad nga páw u riewduh. Haba dang ieng shah bishar ha Old Bailey, nga la shahshkor katba ia ka rai ban trei shitom khatphra bnai la pynbna pyrshah ia nga. Ka jingbitar shla jong nga ka bam lah set shuh. Nga da tip ha la ka dohnúd ba nga dei tang ia lade ban kynnoh pop, la katta ruh nga tim ia ka jingim baiadei lang na ka bynta ka nusip jong nga, bad nga la smái ban pynhiar kput. Kaba leit shakri ia ka jingrai halor jong nga ka la ai ia nga ka lád babiang ban thawrai ia la ka jingim shadien. Haba ki jyngkhang phatok ki la plie wang ban pynlaitlúid ia nga nga la sdang kloil-an ban pynlong kam ia kita ki jingthaw buit. Nga tip ba hapoh ka sla ba-ijaijai jong ka jingpyniaid ia ka im lang sah lang jong ngi don ruh ki jingtúid um bapynkulmar na shapoh jong ka jingsngew pyrshah sorkar bad jingkwah ialeh pyrshah. Hangne ngan ioh biang la ka kyrdan. Ia ka

Bolshevism—ka jinghikai thaw pynkulmar—nga tip na shapoh. Ia ka jingwanpoi jong nga hapteng ki iengialeh pyrshah la risa da ka jingkmén. Ia nga la ithuh kum u nongialam badonbor, bad la pynshlur ha ka jingpynkhih hapaw bad barieh pyrshah ia ka jingpyniaid ba la ju don.

Ha kito ki sngi nga la long u briew uba ki ithuh baroh ha ki dong surok ba ha Bermondsey bad kylleng kata ka thaiñ kaba ha ka London Bashathie. Na ka rynsán ba hapteng madan, nga la kren iarah ia ki jingbha jong ka jingleh ki Bolshebik, bad la kular ia ki nongtrei ka ri England ba ka jingiaishakri slem jong ki ia ka jingpyniaid ki riewdon tyngka kan kut noh, bad ba yn buh pli da ka juk jong ka jingpahuhhai, ha kaba ki paidbhur kin poi sha la ka bynta. Ka la bha ia nga, lehse, ba kito kiba la shahshkor ia ka jingpnah ktien jong nga kim shym la bud ia nga haduh iing.

Lada ki la leh kumta kin jin da la iohi ia ki khún ba ki shahshitom na ka bynta ki kam sniew u kpa, bad ia ka kynthai ba ka phret met bad mynsiem. Tang ar tylli ki kamra ba jynjar sat ngi la iadon. Ka tnga jong nga ka la shu shah dohsnieh tang na ka bynta ki khún shynrang arngut. Ia ka jingkhlem dohnud jong nga lah ban mutdur da kane ka jingshisha ba ha kawei ka jingjia, haba la phah

noh ïa ka sha ka jaka shong pyngngad ban bām lyer nga la shim lajan baroh ki jynghuh jynghat jong ka ïing bad leit lam sha ka dong surok, bad hangta nga la lilām ïa ki, iwei pa iwei, tang ban ïoh thied kiad.

Mynta nga phai pat la ka jingmut sha ka niam. Ha ka jingkren tohmet jong nga na ka liang pynāid hima sima, nga la pynrem ïa ka kum “ka jingkyllān khlein ïa ki paidbieij.” Hynrei nga tip ïa ka jingdonkam ba nga dei ban tip bha shaphang kane ka bynta, bad kumta, shuwa ban pyrshang ban kit er-ïong ïa kano kano na ki kut bakhlain jong ka niam Khristan, nga la minot thop ïa ka Baibl, bad nga la pynkhreh lypa ïa lade da baroh ki jingainia jong ka jingbamngait. Ba la kieng atiar da ka jingstad nia ba trei kam bha, nga la mih bluit sha ka jingāleh. Ki jingāseng madan ki la long ka jaka siat khnam bakyrpang jong nga bad nga la don ka jingsngewkmen ksuid ha kaba pynieng la ka rynsān ïalap marjan bad ki nongālap Gospel, bad nga da pyrta pynrem.

Ngi la seng ka Komiti Pyrshah-Blei ha Bermondsey, ha kaba nga long u nongālam. Ki lok jong nga ki la shah shkor da ka jingphuh sngewbha katba nga nang kdew ha ki ïa ki kam shlur jong nga ha ka ban ïaleh pyrshah ïa ki nongsaidda jong ka niam Khristan. Ba la sngewshlur da ki jingthabkti jong ki bad

da ka jingsngewjop lypa jong nga hapoh lade; nga la rai ban hiarthma sa ia ka iingjaiñ ki nongshún.

La don uwei u briew khamtam ha ka thaiñ jong nga ia uba nga la khein ba u long u nongshún uba iadei dor. Ka kyrteng jong u ka la long u Cleave. Ka jingiasngewsih bakongsan jong nga ia u ka la long ba u la thaw ka jingiaseng Jinglongshipara, ia kaba la leit hajir da katto katne kijuh hi ki briew kiba nga pat nga ikwah na ka bynta ka jingiasngewlangkynhún. Kawei ka taiew hadien kawei ka taiew u la iasenglang bad ki ha ka kamra-bah ba la pynsnoh bad ka iingmane ka jaka pastor. Teng-teng, la iathuh ia nga, ba haduh 200 ngut ki ialang. Kaba kum kata ka jingiohbriew ka la pynkthang ia nga. Nga la kut jingmut ban ai da kaba pyrshah, bad ban pynpra ia kane ka jingialang.

Nga shu don kata ka jingsngewthuh ba lada yn pyni lut la ka bor baroh kan long ka buit ialehthma ka babieij. Kumta nga la sdang da kaba sumar ban shu pynjakhom ia u nongkren, katba u nang ialap ia kaei ba u khot "ka khubor ba tang ma ka kaba lah ban pyl-lait im ia ki." Naduh sdang, la kumno kumno, nga la tip ba nga ialeh ka jingialeh kaba ngan rem. U Sahep Cleave u don ki iingkynshew-bor shibún, hynrei lehse ka bakhrawtam eh ka jong u ka la long ka biria palei mynsiem ia kaba

ym lah pyndom. Ha ka bakut jong ka jing-iaseng ka banyngkong, ha kaba nga la thaw jingkulmar katto katne, u la wan ha nga, bad u da buh top la ka kti ha ka tyrpeng, u da ong, "Kumno, Patsy, phi la sngewmuja ia lade ha kane ka janmiet. Nga ruh kumjuh. Wan pat ha kawei ka taiew, bad ngin sa ioh sa kawei ka kylliang." Man ka taiew nga la leit phai, nga da pynthymmai ia la ka jingkut jingmut jong nga ban thad rong ia une u briew na ka bynta ka thok ka shukor ba u la long. Hynrei ka jingmih jong man la ka jingiaseng ka la long kumjuh—ka jingwiat phuhsamrkhie ka ba-ipalei mynsiem, ka jingkynjut kti kaba shit mynsiem, bad ka jingkhót ia ka ban wan biang.

Kiei kiei kim shym la iaid kumba nga la khmih-lynti. Nga la mutdur ba u nongialap un kren pyrshah ia nga na kaba sdang, bad kumta un háp ha ki kti jong nga. Ha ka jaka kata, u la leh bam ioli ia ka jingdon jong nga haduh ngan da kren pynwit bad nangta pat mian mian bad jai pa jai u la iatainia bad ki jingujor jong nga—lane da kaba sianti u la shu buh ia ki sha kyndong. Ka la long ka buit—ka buit ialehthma Khristan—ba ha khlieh tam. Bad ia nga, kum u khúnlung khlem jingiarap, la shah ring sha ka jár kaba ngam don khmat ban iohi.

Ha kawei ka janmiet nga la don ha kata ka Jinglongshipara kumba mynshuwa, nga da

kyrmen lehnohei ba nga lah ban palat bor ia u nongialap. Ha kane ka jingjia, la kumno kumno, u la sdang la ka jingkren ha kawei pat ka sur. Nga tip ba ka thew beit ia nga na ka khyllipmat ba u kren. Ka dkhot ka la long, "To da hiar, namar mynta ka sngi nga dei ban shong sah ha iing jong me." U la ong ba ki briew mynta ka sngi ki donkam ban shahshkor ia kata ka jingsneng kynpham. Bün na ki ki shong ha ki tnat dieng jong ki jingpyrkhat ba la don lypa jong ki, na kaba ki sngewsarong than ban hiar. Hynrei U Khrist u khot ia ki ban hiar, bad hiar ki dei lada ki dei ban rung sha kata ka jingim kaba wallam ia ka jingkyrkhu bashisha. "Ko ki para," la pyrta u nongialap," don na phi kiba donkam ban hiar na ka jingshün jong phi ia u Blei, arsut ha ki kjat, ha kjat kein jong ka diengphna, ha kaba u Khrist u la iap na ka bynta ki nongpop. Une u briew, u Sakhaos, u la iohsngew ia ka jingkhhot, bad u la pdiang. Ha kata ka miet u la long u briew u basuk tam ha ka pyrthei, namar u Kynrad u la long uba thiah basa bad u. Phin wan hiar ha ka jingkhhot jong U? Khrup ha ki kjat jong U, da kubur ia U kum u Nongpynim bad u Trai? Ne phi kloi ban iathuh ia U ha khmat jong U ba phim kwah ialong lok bad U?"

Nga la leit sha iing, uba shaiong ngain. Ha ka kamra rit jong ngi ba ngi shong nga la bret khrup ia lade ha ka shuki shaniah. Lada

ki shuki ki lah ban kren briew, kata ka shuki ka lah ban iathuh ka jingiaethuhkhana kaba palat ia kaba lah ban ngeit. Dei ha ka ba nga la thaw buit ia ka jingpynkhih kulmar. Dei ha ka ba nga sngap ia ki jingpyrháp kjat ha ki kyrdon maw jong ka iingwai jong nga ka ban iathuh ia ka jingwan ki rangbah pulit, ki ban rah ia ka purwana ba nga la shah kem, Dei ha ka ba nga la pule kynther ia ki kot lenblei, nga da pynkhlain ia lade kum u Apostol jong ka jingbamngeit bad ka jingialeh pyrshah. Kata ka shuki ka la long u lok rim bad u nongiarap. Hynrei kam ju la bat ia u briew bakyih kumba ka la bat ha kata ka miet.

Da ki kynta nga la shong jar. Ka tnga jong nga ka la iaid kynjing mian sawdong ka kamra, khlem da nud ban kren, hynrei ka da sngewphylla ia ka jingjarjar jong nga bad ia ka jingipyngngad. Haba ka por ba ju leit shabar jong nga ka la poi, ka la shlan ban kylli la ngan leh kumba ju leh. Nga la kyrngah ka khlieh. Hangta, harud ding iingshetja, nga pynpaw kdar la ka jingim baroh. Katno ka jingim banohriat ka la long! Ym don jingia-kren kyllain shuh mynta: ki jingker baiada baroh ki la pra. Ki ktien jong u nongialap ki la law lyngkhuit ia ka mynsiem jong nga. Ngam lah lait shuh na ki, hynrei, palat ia kata, sha lyndet u nongialap nga la iohsngew ia u Blei hi. Nga tip ba Uta ia uba nga shún bad ñiewbein u dang khroh ia nga. Nga tip ba

ka long sa tang ka por mynta kaba ap shuwa ba ngan aiti lut sha kata ka jingieit ba palat liam. Nga la pyrkhath ia ki briew kiba nga ju ithuh—ki briew kiba la ngam-ngop ha ka pop kum ma nga. La pynkylladur ia ki (kumta ki ong) da ka jingwanbsut u Khrist. Nga la pyrkhath ia u Sahep Cleave hi, uba dawa ba u la lait-im na ki pop bam lah ban ong da kajuh ka bor blei.

Hynrei u Soitan um man pyllait jem khlem ka jingialeh. Baroh shimiet ha ka sngi Thohdieng bad Sngi Saitjaiñ u la hat ia ka kut pyrshah ia ka jingieit baker tawiar u Blei. Kaba bün na kata ka por bamiaikut shuh nga la pynlut ha ka shuki-shaniah rim jong nga. Ha ka Sngi u Blei, la kumno kumno, ka jingialehpyrshah ka la wai. Nga la donkam tang ka lād ban phla ia U, bad nga la tip ba baroh kan sa dep. Nga la leit beit, namarkata, sha u Sahep Cleave. Um shym la i leh-lyngngoh ei ei ban iohi ia nga. La don khyndiat ba nga la lah ban ong. Nga la kem ia ka kti jong u. “Nga donkam ia ka jingiarap jong phi..... Phi tip katto katne ia kaei ba la long Nga la long naphang shaphang ia kaei ba nga la ngeit Mynta, u Blei to Un iarap, nga kwah ban long naphang shaphang na ka bynta u Khrist.”

U Jisu Khrist u la jop.

SHA YN DON MO KI KHLUR ?

Key A.

{ :m₁ .f₁ |s₁ :fe₁ .s₁ |d :m .,r |d :t₁ .d |r₁ }

1. Nga pyrkhāt tói mynta ïa ka ri baphyrnai ;
 Ngan sa poi ynda sngi ka sep noh,
 Jingaiei baphylla Nongpynim ngan ïai rwai,
 Pansngiat khlur la nga lah mo ban ïoh ?

Lang.—Yn don khlur, yn don mo ha pansngiat ka jong nga,
 Ynda por ba ka sngi ka sep noh ?
 Bad ki riewkhúid haneng, ha ki pulit shong neh,
 Pansngiat khlur la nga lah mo ban ïoh ?

2. Ha ka bor jong u Trai ai ngan trei ngan ïai dwai,
 Ia mynsiem jong ki briew ba ngan ïoh,
 Khlur tyngshaiñ ha pansngiat ka jong nga kin phyrnai,
 Ban ïai kiew jingsawa jingiaroh.
3. A jingkmen te kan long khmat jong U ngan ïoh peit,
 Mawlynnai ha ki kjat ba ngan buh ;
 Kan pynthiang jingsuk bneng ha shnong ksiar ba nga
 Lada ïoh pansngiat khlur de nga ruh. [leit,



LYNNONG III

U RIEW-LAID-WIR KA EAST END

S. J. GREEN

Nga dap khyndai snem haba i mei i iap. Na ki jingjia baroh jong ka jinglong khyannah jong nga kata ka jingduh ka long ka jingai jing-kynnaw bakthang tam. I mei i la leh katba i lah na ka bynta ka jingbha jong nga. Im tip ei ei ia ki jingpynshoi kiba ker tawiar ia u khyannah, ba la kha bad ba im ha ki jaka jakhlia jong ka Bethnal Green. Haba la shim noh ia i na nga, ia ka jingda ba tang kawei la pynkynriah na ka jingim jong nga. La iehnoh ia nga ha ka jingsumar i kong, iba khlem artatien in da la leh katba lah na ka bynta jong nga, ban nym dei na i pa ba wan bsuh hapdeng, bad iba ban ia nga ba ngan iasah ia im lang bad i. Ka jingpynbiang kamra ba i pa i lah ban ai ka la long shikamra, kaba i ia shong lang. Mynsngi mynsngi, nga iohi tang khyndiat eh ia ka khmat jong i lane ngarn ju iohi ia i: i ju mih na iing ha ka por hynñiew baje man ka step, bad ka la ju long lajan shiteng synñia shuwa ba in wan phai. Im shym long i bam sbun ia nga, lada shim ia ka jingmut ba ju kren ia kata ka ktien. Niar ba in ktah kti ia nga.

Hynrei nga shah ki jingpynmynsaw kiba kham pangmet na ka jingiehnobhein jong i ãa nga—ki jingpynmong, ban nym dei na ka jingaiei u Blei, ki ban pynpoi ãa nga ha ka jinglong rangbah uba la ngop bad ngam ha ka jingsniew bad uba la thang narsaw ha ka mynsiem. Habadei badei i ju ai ãa nga katto katne paisa shuwa ba in mih mynstep na ãing, ba ngan thied jingbám. Teng-teng im ai ei-ei. Mano te ban phylla ba nga la nang ki buit pynhun ãa la ka jingthngan da kiei-kiei ki bam bit satia.

Èa ka por ba nga dap khatsaw snem, nga dang ha skul—lane la tharai ãa nga kumta, namar nga dei ban phla ba nga ju phet skul tuh da kaba sngewphylla man ka sngi. Bam don mano-mano ban pynbiang ãa ki jingdonkam ban kyrshán hi ãa lade, bad kumta, ha ka jaka ba ngan don hapoh klas, búnsien la shem ãa nga ba nga die ei-ei khnang ban ïoh paisa khyndiat khynsoit. Ka long kaba lyngngoh kumno u khynnah East End shen shen u nang ka buit ãa ohdor ! Ha kito ki sngi ; ym pat don aĩn pyrshah ãa ki khynnah kiba ãakem sim bad kiba khaĩi surok ; kumta nga la beh ãa la ka kam khlem jingpynwit. Da ka jingshlur khlemraĩn basngewstad ba don ha ki kynja ba kum ma nga, nga la hiarthma ãa ki ãingkiad da ki mar-die jong nga (bad ki ãing para kiad ha kito ki sngi, bad ha kata ka thaiĩ, ki long ki jaka shang briew ba-isaitmet) nga da pyni ba nga u bam kai kum u norgdie jingdie.

La don ki por, kein shisha, ha kaba ngam don baiseng ia ka ban thied mar, bad namarkata khlem don mar ban die. Ha kum kita ki por, nga la ju ieng shabar ki khyrdop iingshnatiar, nga da kynjoh ktien, ia ki nongtrei katba ki mih, bad nga da kyrpad na ki ki lyngkhot jingbám ba tam ba lait na ki jasong jong ki. Lada teng-teng nga donkam ban ring pyrkhing ia u panpoh ban leit thiah noh bad ka jingdait thngan shapoh, mano ban leit salia ia nga ia kata ?

Da kumno *ka la leit jia long ba*, haba nga la dap khatlai snem, nga shu leit ioh “ka sartiphi ked trei,” kaba ai bor ia nga ban mih skul, ngam lah sngewthuh. Ka jinglah ban ioh, la kumno kumno, kam shym la kham pynbha ia ka nusip jot jong nga. Ka kam banyngkong eh jong nga ka la long kaba die kot-sada—ka rukom im kaba kumba sdien ha suin, ka bam ai lad ia nga ia bún ki rukom leh pahuh. U Jakob u la ioh maw uwei ia ka ban pynlong maw syng-khlieh shimiet. Nga la don uwei bún bún miet. Namar ha kane ka por nga ju mlien thiah shabar iing, nga da shem jaka rieh tngen ha ki mawkyrdon jong ki Jingtei baheh jong ka Surok Eastman, ka jingeh ka bam kham khraw, lehse, ban ia kaba leit sha iing i pa, haba kawei ka kamra ka pyndap jaka barobor hynñiew ngut kiba iathiah.

La don ki miet ha kaba nga sngewbha ban shem ka kabu ban ioh kaba kum kane ka jaka

rieh tngen bajynjar sat, hynrei nga k'hieh kyüh
 ka met mynta ka sngi katba nga nang pyrkhath
 ia ka jingbún jynrein bad ia lade ba na
 pyrshang ban iohthiah katto katne, katba nga
 iathiah lem ha ka madan khрум jynghthiah bad
 lai ngut kiwei pat ki para khynnah rit, katba ha
 ki jynghthiah ba haneng khlieh jong ngi ki khieh
 bad ki ksaid saw ngut ki briew.

Nga la don ha ka tmier jong ka jingshem
 suhsat. Kawei pa kawei imat kumba ka trei
 ia ka ban pynjot ia ka jinglong mynsiem jong
 nga. Ym don na ki pop jong kiba ha shuwa
 jong nga ba la buhrieh na ki khmat jong nga.
 nga la tip, bad la sngewthuh kham bún ia ka
 jingbamman jong ka pyrthei ban ia bún kiba la
 san. Hynrei (bad nga ai burom ia u Blei) da
 ka bor kambah aü re aü ia nga la pyllait im na
 kaba iashim bynta ha ki jingmlien bapoh jong
 ki lok jong nga. U Trai, ha la ka jingisnei
 jong U, U la bat ia nga na ka kam awria,
 bad hamar ka por ba nga don ha ka jingmyn-
 saw bajur tam, U la pynim ia ka mynsiem
 jong nga.

Ha ka jingim jong i riew-iaidwir barat la
 wan poi uwei u Phajri Sorbah London. U la
 kren sbun ia nga, bad u la pyni ia ka jing-
 sngewlem bad nga ha ki jingiaksaid jong nga.
 La nga tip khyndiat eh ia ka niam, nga la shu
 pdiang ia ka jingkhoh ieit jong u ban leit jing-
 iaseng, ba la khroh eh da ka jingiaikyrapad jong

u ia ka jingbha jong nga. Nga la pyniasoh ia lade sha ka Skulpypnpaw jong u ; hynrei nga sheptieng ba nga la siew bainong bein ia ka jingsbun jong u ; namar nga la long ka jingshyrkhei ia ka skul. Kawei na ki nonghikai jong nga ha kito ki sngi, kaba la wan sngap hadien ha ka jingiaseng ialap jong nga ia ka Gospel, ka la wan ha nga da ki ummat ha ki khmat jong ka. "Ban pyrkhat ba ma phi !" ka la ong. "Katno te phi la long ka jingshem shitom sat ia ka jingim jong nga !"

U Trai u la ioh ia ka dohnud bakynriang jong nga da ki ar tylli ki dkhhot : "Naba u Blei u la ieit katta-katta ia ka pyrthei katba U la aiti noh ia la u Khún ba la kha marwei, ba uei-uei ruh uba ngeit ha U, un nym jot shuh, hynrei un ioh ka jingim bamjukut." Ioan. iii : 16. "Bad hynrei kat kiba la pdiang ia U, ha kito U la ai ka bor ban long ki Khún u Blei, kata ha kito kiba ngeit ha ka kyr teng jong U " Ioan i : 12. Haba nga la shem ia ka bor jong kito ki dkhhot ha ka jingim jong nga, nga la kham pyndonkam ia ki ban ia kino-kino kiwei pat ki dkhhot ha kaba iadei bad kiba wad jingpynim, bad nga la iohi ba la pyndonkam búnsien-búnsien ia ki ha kaba pynim ia ki mynsiem. Shen-shen hadien ka jingkylla ka bamut jong nga, u lok Phajri jong ka Sorbah u la buh kam ia nga ha ka Skulpypnpaw, bad ba nga sngew ba ka la long ka badonkam ia nga ban pynroi la ka jingnang jong nga, nga la thied ia

ka Cassel's Self-Educator (ka rukom siewdor kaba ai-lad ban pynsiew khyndiat pa khyndiat da ki por ka la don wat naduh kito hi ki por), bad nga la sdang ban leit ia ki skul miet ha ka Kamrabah Jingialang *Mildmay*. Nangta nga la leit sha ki skul miet L.C.C bad sha ka jinghikai shna tiar. Nalor kine ki jinghikai, nga la pynioh por ar janmiet ha ka shitaiew ban iarap ha ka kamra-bah Mishon, katba ia ki Sngi u Trai la pynlut sha ka jingiaseng pynpaw bad ka jingshakri ia ka Gospel. La ngam shym la sngewthuh ia kata ha kata, u Blei u la nang pynkhreh ia ka kam jong ka jingim jong nga.

Hadien ka jingkylla ka bamut, u Trai u la pynleh na ka bynta jong nga ha kaba pynbiang ia ka jaka shong jaka sah, ka shipara kha ka da tyrwa ia nga ka jaka shong iingbasa ha ka iing jong ka bad ia ka bam. Nga la ioi ia ka bam kum u nongshna almari bad nga la don ha kata ka kam tad haduh ba ynda sngew ba u Mynsiem Bakhuid u ialam ia nga, nga la pan kam na ka Mishon Sorbah London, bad la pdiang. Nga la ju don mynshuwa ka jingkmien ha kaba ialam katto katne na ki lok para ba-iatrei lem bad nga sha u Nongpynim, bad haba, ha ki snem babud, nga la dei kit khlieh ia ka kamra-bah mishon ha Kingsland, u sikreteri jong kata ka kam u la long uwei na ki lok ba-iatrei lem bad nga ia uba nga la ialam sha ka jingshai. Ka la long kaei-kaei kaba jem kaba

la pynkylli ïa u shaphang u Blei. U la ïohi ïa nga ba nga dem la ka khlieh shuwa ban bâm jingbâm ha ka ben, bad u la kylli ïa nga balei nga leh kumta. Nga la batai ba nga dang ainguh ïa u Blei na ka bynta ka jingbâm jong nga ; bad hâba hadien pat, u la kylli la u lah ban ïabâm lem bad nga, nga la ïohi ïa u ba u dem ka khlieh de. Ka la long ka kyrdon jingjâm kaba jem na ka jingsngewnguh sha ka jingngeit, bad hadien ka jingkylla ka bamut jong u u la phla bha.

Ka long shisha ka sakhi jong ka jingthaw-buit u Trai ïa ki jingim ki khûn jong U ba nga mynta nga shakri ïa U hapdeng kita ki jaka jong ka jinglong khynnah jong nga. Ki ïing-thiahbasa baïadei lang jong ka *East End* ki long ki jaka trei bad jaka phla jong nga ; bad nga ïai ïohi man ka sngi ïa ka khubor ka Gospel ba ka jop ïa ka lynti jong ka ha ki dohnud ki briew kiba ka bynta jong ki ka long lehse ka bynta kaba nga la donkam ban shah ha kito ki snem bajynjar. Katba nga phaidien sha kaba la dep, nga sngewthuh ba thik kumba u Trai u pynkhreh ïa u Moses na ka bynta ka kam jong U kaba ha ka ri Ijpt bad ka rikhlaw jong ka Midian, kumta ujuh u Blei bastad-kut U dang pynkhreh ïa nga ïa ka jingshakri ha ki jaka jakhlia bad ki ïingshongbasa jong ka *East End*. Bún búnsien u Trai u la pynphai ïa u nongïaleh pyrshah jong ka Gospel sha u nong-sngap uba leh sngewtynnat—bad ha ki katto-

katne sha u khla ka wait jong kajuh hi ka Gospel—katba nga nang iathuh ia ki briew kumno ka jingaiei ka la pynim bad la kyntiew ia nga na ki jingjylliew, bad kumno u Nong-pynim u la iai long u Lok bai-don ryngkat ha ka rang ne slap, ym tang ha *England*, hynrei ha Phrans ruh hamar ka Thma Bah.

“Hato u Blei u lah ban iarap ia u bashah thngan bad uba iaid wir khlem iing?” la pyrtia ha nga hamar ka jingkren ba nga dang ai ha kawei na ki iingshongbasa ba nga leit jngoh.

“Hooïd, kein, U lah,” nga la jubab.

“Pynshisha ia kata,” la kren kyrtoh u nongkem-ktien sha nga.

“Te ma nga ei,” nga la jubab, bad nga la nang iathuh ia u kumno u Trai Jisu U la iarap bad kyrkhu ia nga. Kata ka la pynkut ia ka jingiaainia. Namar phim lah ia ainia bad u briew uba la iohmad hi na la ka jingshem la jong ia ka bor pynim bad jingsumar jong u Trai Jisu Khrist.

WAN

A. H. 24.

Key F

{ :m .m |s :- .t, :m .r |d :m :m .m |l :- .s :f .m |f :- }

1. Jngai n'u Blei jngai bak n'u Jisu,
Iaid-wir ha lynti ka pop
Khlem da tip jingpynim u Blei,
Jisu khot ia phi b'la ngop.

Lang : Wan, dei Jisu ba khot,
Wan, U khot ia phi,
U dang mon ban pynim mynta,
Wan, kumne noh hi.

2. A ban lei phin dang iaid sakma,
Jisu khot ia phi mynta ;
Ka jyngkhang isnei ka dang plie,
Te phim wan noh balei sha ?
3. Slem katno phin iai pynlyngngiar ?
Slem katno phin iaid sakma ?
Sngap, Jisu u iai khot ia phi,
Hato phim phai noh mynta ?
4. Phin shu sah jngei bak n'u Jisu
Bad ka bamjukut ha khmat ?
Haba phi iohsngew ia jingkhot,
Phi dang lah ma ban kyntait ?
5. Phi lajan wan sha u Jisu,
La "phi jan," phim lah lait im ;
Tang mynsiem ba iai shaniah "lut,"
U la ai la ka jingim.

LYNNONG IV

NA KA LONDON POHKHRUM

C. J. HAYNES

La kha ia nga ha Bethnal Green ha iing-duk ha kawei na ki lynti khim babún kiba don ha ka bynta jong ka *East End*. Uwei “u nong-pyniathong” u la ieng ha kawei ka dong. Imat kumba u long shibynta jong ka surok hi, kum uno uno na ki dieng ilektrik ha kiba u ieng shaniah, bad ha kiba u peit bishar ia ki kot iathong kiba wan lang ha ki kti jong u. Hapdeng jong ki jingkynmaw jong ka jinglong khynnah jong nga, uta “u nongpyniathong” u i paw heh. Kiba bún na ki khynnah kiba iaioh bynta lem kum ma nga ha kaba shong ki iing dum jong kata ka lynti khim ki don daw ban kynmaw ia u. Ki tyngka kiba dei ban bsa bad pynphong jaiñ ia ki ki iaid sha ki pla sopti jong u. Kim don daw ban sngewnguh ia u. Hynrei um shym long tang ma u ka daw jong ki jingjynjar kiba jyllei. Ka jingbuaid kiad ka la long ka jingsniew kaba uba rit tam na ngi u sngewthuh, kaba long daw ia ki jingiakulmar ba barobor kiba pynthut ia ka jingi hthiah jong ngi.

Ki kmie ki kpa jong nga ki la phah ia nga sha ka Skulpynpaw ha ka lingmane *Shoreditch*. La buh ia nga ha ka klas kaba iakynduh ha ka jrong baranda, bad ka jingangnud jong nga ba tang kawei ha kito ki sngi ka la long ban pynsyntuid arsut ia uwei na ki paia kiba kyrshán ia ka. Ha kawei ka sngi, nga la iohi ia ka lad ban pyndep ia la ka jingkwah, hynrei ia ka jingkmén jong nga la pynkylla shen-shen sha ka jingshaíong kylla haba nga la shem ia uba khmih iingmane ba u ap ia nga napoh. U la ai ia nga shi thab smak na ka khlieh, kaba ngan nym lah klet shuh, lehse.

Ynda nga la dap khatsaw snem ka rta, nga la pyrkhat, kum kiba búñ kiwei pat ki para khynnah ba ka Skulpynpaw ka iadei tang ia ki 'khynnah rit', bad ym dei ia kiba la rangbah kum ma nga. Kumta de nga la iehnoh. Ynda nga ialang bad ka kynhún ki riewpynkhein-aiñ, nga long uba kloi ia kano kano ka jinglehbiria (namar kumta nga khein ia ka) kaba la wan poi. Ki Sngi u Blei nangta ki la ai lad ia nga ha kaba pynbyrngia ia ka jingkwah leit peit "dur baíoskob ne sinema", hynrei wat kine ki jaka tamasa kim lait na ki jinglehkuimar jong ngi. Ngi la sngewbiria ban pynkynshait um na ki tyndong pynlip ding ha u nongleic-khmih-kai; hynrei ka jingleh runar jong ngi ka la nang kham jur haba ngi la iashoh bein ia u nongap uba wan ban set ia ka um. Kawei pat ka rukom leh tamasa jong ngi ka la long ban

pyrta, "ka ding ! ka ding !" hapdeng ka jing-pyni, bad kumta ban thaw pynkulmar da kaba pynher syrngiew. Haba kiba kum kita ki jingleh ki la sdang myllen noh, ngi ju buh jingmut ha uno re uno uba i-luilui, bad ia uta uwei na ngi u ju thaw iakajia, u da khot jingiarap ia kiwei pat na ka kynhún, da ka jingaidak kaba la iapynbeit lypa, bad ngi sa ia iehnoh ia uba pli synei ba la shah shoh bein ha ban da jem jhor.

Ha ka por ba nga la dap khathynriew snem, nga la long u pura ka buaid, bad nga lah ban dih kiad katno katno katba lah u rangbah. Katba nga phai dien sha kato ka por, nga sngewthuh ba wat ha kato ka rta kaba dang khynnah samla, ym don ktien ba lah ban batai biang thik ia ka jingmysaw mynsiem ka jong nga. Nga la ioh hún ki kam, hynrei ka kam batista kam shoh jingmut ia nga, kumta nga la iehnoh ia uwei u nongaikam hadien uwei pat, nga da iabret nusip bad ki nongtrei sngi jong ka rudwah. Kata ka kam bylla sngi ka iadei thik bha bad nga. Nga lah ban leit trei haba nga mon, bad ban sangeh noh haba nga sngewkwah. Khathynriew snem—bad pynban ha ka lynti ba noh arsut sha riat.

Ha kawei ka janmiet, ar ngut ki nongsyn-tiat pulit ha ka riam ba iaphong lem baroh ki la iapynsangeh ia nga. Ki la iathuh ia nga ba ki la peit khmat ha nga la katto katne

por. Ki la mahám ĩa nga na kaba ĩai búđ ĩa ka lynti bieij jong nga, bad ki la sahám pyn-tieng artat hangno khatđuh khatwai kan lam ĩa nga. Nga la rkhe patied ha khmat jong ki, bad la kyntait ĩa ka jingai sylla jong ki. Nga la ĩakynduh biang ĩa ki shen shen hadien. Hynrei ha kane ka por kim i don jingmut shuh ban sneng pyni ĩa nga. La khot ĩa nga na ka bynta ba nga shoh ĩa ka kynthei hamar ba dang buaid. U rangbah pulit, uba la ai sakhi pyrshah ĩa nga, u la batai ĩa nga kum “u nongĭalam gang jong ka kynhún pynkhein-aiñ bashyrkhei ha kata ka thaiñ, kiba long de ka jingshyrkhei ĩa kiwei pat ki briew.” I mei ba la tymmen bapli jong nga, iba la leit hajir ha ĩingcashari, i la siew ĩa ka kuna. La mahám ĩa nga na ka jaka shong bishar ba lada ngam kylla la ka jinglong, yn phah ĩa nga lai snem sha ka skul shna pynbha. Kata ka jingbyrngem ka la pynwit ĩa nga, bad nga la kut jingmut ban leit long shipai noh. Ha ka ophis pdiang shipai thymmai ha Whitehall, nga la ai snem thok bad kyrteng bakla, bad namar ba nga long uba santer ha ka rynĭeng, la pdiang ĩa nga ha ki kynhún ba ap phira.

Ka jingim shipai jong nga ka la long kaba lyngkot—khlem da sngew muja ei ei. Ka la sdang naduh u Nailur 8 tarik, 1919, haduh u Naitung 1 tarik, 1921. Hamar kata ka por nga la ĩoh leh bún kiei kiei ĩa kiba ym shah ne khmih lynti ĩa ki shipai ban leh. Ki kot

beh kam ia nga ki pyni ba nga la shakri tang sawphewlai sngi bad ka kynhún shipai jong nga. Ia kiba sah na ka por jong nga la pynlut ha kaba jah khlem ioh bor, ne ha aspata bad ha ki kamra set shipai. Khatduh khatwai nga la iehnoh noh, bad leit sha duriaw ha ka jhad kaba iaïd swait sharud ryngkew. Ha kaba leit phai sha Gravesand, nga la kiew ryngkew, bad la ai ia nga ka shithi na i pa kaba iaathuh ia nga ba i mei i pang, bad ym khmih lynti shuh ia i ia ka ban im. Nga la leit sha iing shisyndon, thik tang kat ban iohi ia i mei shuwa ba in iap. Hadien ka jingiap jong i, nga la kut jingmut ban sah ha iing katto katne sngi ; bad ka la dei kata ka jingduna huit kaba la pynduh ia nga ia ka jinglaitluid jong nga. Ha kawei ka step, u pulit u la poi shuwa ba ngan khie bad u la kem ia nga ba nga phet. La ialam ia nga sha ka Thanat Surok Rim, bad la wallam ha khmat u nongbishar, uba la phah phai biang ia nga. Ha kawei ka sngi nga la phai kylla sha ka kynhún shipai jong nga uba la shah kem koidi. La bishar ia nga kum u shipai, bad la rai ban shah set hynriew bnai nangta yn sa beh ia nga na ka kam shipai. La pynlut ia kito ki hynriew bnai ha "ka lingiit"—ka ktien bapyn-donkam ki shipai ia ki Kamra-set-shipai ba ha Aldershot.

Ha kaba nga shah beh na ka kam shipai, nga la thaw pyrshang ban pynbha rat ia lade.

U nongpule Jingthoh Bakhuid jong ki shipai u la wan jngoh ia nga ha "ka ling-ïit," bad u la shon ia nga da ki ktien jong u. Nga la sdang ban leit jingiaseng ha lingmane Shoreditch, hynrei kum u briew ha u Lukas XI. 24-26, nga la shem ba uwei u ksuid u la mih noh tang ban shu pyllait jaka ia kiwei pat kiba kham sniew ban ia u. Ha ki ar tylli ter ter ki janmiet Sngi u Blei nga la leit iingmane. Ha ka balai nga la mih da ka jingthmu baroh ban bteng ia kaba la leh Hynrei katba nga nang shur shajan ka khyrdop mano pat ban ieng ha kawei ka liang jong ka surok lait sa tang ka kynhün ki lok barim jong nga. Ha ka jingpeit jong ki, ka jingthmu babha jong nga baroh ka her bak. Nga la iaiaid lem arsut ka surok, bad ha ka jaka ban rung ha ka ling u Blei, nga la rung lyngba ki jyngkhang bakhang hi jong ka patakad. Ha kata ka janmiet nga la buaid phar jakter.

Hadien kane, nga la iadon biang bad la ki lok rim jong nga, kiba la niew ia nga kum uwei u 'riewshlur namar ki jinglait phet jong nga na ki shipai. Ka jingjam jong ka jingim basniew jong nga nangta ka la nang iaid stet. Ka badih bad ka baiakhalai ki long ki kam ba barobor jong nga, katba ia ki jingialang lok jong nga la pashat hapdeng ki riewpynkheinaiñ. Ngi la iathaw buit lang bad ngi la iatuh ruh bün. Ha kawei ka jingjia, ngi la donkam ban rah ia ka synduk-nar tyngka na kawei ka

ĩing sha ka kali motor kaba dang ap. Ka synduknar ka khia palat ĩa ka ar mon laiphew ser, bad ĩa nga, namar ba nga met-bah, la jied ban rah ĩa ka, ban ĩarap da ar ngut kiwei pat. Haba ngi poi ha surok, ngi ĩohi ĩa u pulit. Ki lok jong nga baroh ar ngut ki la jah ngaiñ, ki da iehnoh ĩa nga bad ka synduk tyngka, kaba ka jingkhia jong ka ka la pyndem khohsiew khrup ĩa nga. Nga la tharai ba katto la dep. Hynrei da ka jingsngewphylla bad ka jingsngew lait mynsiem wo jong nga, uta u pulit u la ĩaid noh bad ĩaid kylla biang pyriban kumba ju leh, khlem da tip ĩa kaei ba jia ha khmut jong u !

Hamar kane ka por nga la ĩoh jingtrei khnang ban tyllep-eit-miaw na ka jingsuba sniew nangno nga ĩoh tyngka, hynrei nga la tuh wat ĩa ka ĩing-trei-kam kaba la ai kam ĩa nga. Ha ka jingdum, nga la rong tiar jan man ka miet, bad shem kloī ruh ĩa ki ban thied ĩa ki. Ka kam pynkhein-aiñ ka jem jai-jai ĩa nga, bad imat kumba nga la nang roi ha ka jingbamhok jong nga. U Blei u tip, nga la kie jngai jngai, hynrei jngai sa katno ngan dang leit shuh nga lah mynta ban shu antád da ka jingsngewshyrkhei. U Trai, la kumno kumno, U la don kiwei pat ki jingthmu na ka bynta ka jingim jong nga ban ĩa kata kaba shu pynsyrrwa ei ha ki kam pynkhein-aiñ, bad ha ka jingisnei jong U U la bat ĩa nga bad la pyllait im ĩa nga na ka pop jong nga.

Ka la long ka Sngi Thohdieng. Nga la dih kiad ha ban da jhor mutlop baroh shisngi, bad nga don ha ka por pyrkhat basniew. Ha ka iingdie-kiad Bishopsgate don mano-re-mano ba kren siat ha nga ba nga long ka jingiakren rkhië bein na ka bynta ba nga kloi eh ban khawai kiad ia ki lok. Nga la sngew ba ngam dei ban shah rkhië bein kumta, bad nga la smai ba ngan pynhiarkput ia kita ki briew kiba siew kylliang bein ia ka jingsbun mynsiem jong nga. Hadien ha kajuh hi ka sngi, nga la iaïd lynti beit sha Bishopsgate bad katto katne ki lok. Ngi la poi sha ka dukán kopfi, bad hangto nga la iohi ia ujuh u briew ia uba kliaw nga buh ingtyrkhong. Nga la bein pyrshah ia u. Ki ktien dom ki la búð. Nangta ki jingiakura. Nga la ai ngak ia uta u briew. Ar tylli ki syrti ki bá laiñ. Shuwa ba ngan pei jingmut ia kata ia ka khmat jong nga la ot shaid da ki ar tylli ki jingtar syrti bajrong. Ka wisil pulit wiar ka riew—barobor ka jingaidak ha ka kynhún gang ia ka ban kynriah kloi. La don ki iing batawiar ha kyndong surok kiba la ju ai jaka rieha barobor ia kiba kum ma nga. Ha ka jinglong ba kum ban kyllon nga la wad jakarieha ha kawei. Hynrei tang shu iakynjah ka jingiahumham, ki nongiarap jong nga ki la ban ia nga ban leit sha aspata. Shipor nga la ia pyn-eh, hynrei na ka jingtlot ba nang jur na ka jingphlei snám, khatduh khatwai nga la kohnguh. Ainguh ia u Blei ba nga leh kumta,

namar ka mut ka jingpyllait-im ĩa nga ha ka met bad kumjuh ha ka mynsiem de.

Ki jynghang jong ka Aspata Mishon Mildmay, Bethnal Green, tang rung ym pat lap ba pynrung ĩa nga, ki nors bad u doktor ki la da ĩasumar pynstet ĩa ka jingmynsaw ba-ishyrkhei jong nga. Wat hapdeng ka dawai ban nym pyntipbriew shuh ĩa nga, naba kumta nga sngewthuh la ĩathuh ĩa nga, nga la ĩa-ksaid bad ĩaleh pyrshah kumta ba ki donkam ban khot ĩa u nongap ka kamra bah ban shong kulai halor jong nga, bad ban pynsangingh ĩa nga. Shisien ki la sur-ksai ĩa nga, bad katba ha jynghiah ki rangbah aspata ki la phah khot ĩa kiba ha ĩing ha sem jong nga. Kim shym khmih lynti shuh ĩa nga ĩa ka ban im.

Pyrshah ĩa kine ki jingkhmih lynti, la lap ĩa nga uba dang im ha kawei pat ka step. Ki rukom leh jong ka aspata ki la pyndum buit ĩa nga. La don ki jingĩaseng ha ki kamra pang, kumba shu ong noh, bad ki nongtrei imat kumba ki kitkhia bha ĩa ka mynsiem jong nga kumjuh kum ĩa ka met jong nga. Dei shaphang ka met ba nga khuslai jingmut, bad sngewpyrshah ĩa ka lyer nia.ong jong ka jaka. La kumno kumno, nga la donkam ban sah hangta ar taiew. Kata ka la ai por ĩa nga ban pynpyrkhat. Ka la ai ruh ĩa nga ka lad ban shahshkor ĩa ka jingĩathuhkhana ka Gospel, kaba la sdang ban pynjem ĩa ka doh.úd

jong nga. Ka sngew thymmai bad phylla katta katta. Nga tip ba nga shonghok ia ka dujok, hynrei u Blei u dang iai tyrwa ia nga ka jingim bamjukut lyngba u Khún ba la sahnarphna jong U.

Ha kawei ka step ha kaba la dei pynmih ia nga na aspata, ka nors kaba dei kirkhlieh ia ka kamra pang ka la pynlong jingiaseng dwai. Ka la kynmaw kyrpang ia nga, bad katba ka nang dwai, u Mynsiem u Blei u la pynlwet thiaw ia nga. Nga tip ba ym don ei-ei ia nga tang ban pdiang ia u Trai Jisu kum u Nong-pynim jong nga. Kumta nga bat ia U ha ka ktien jong U, bad la snoh ha U ia ka jingpynim. Shuwa ba ngan mih na aspata, kajuh ka nors ka la ai ia nga ka Testament Bathymmai. Kata kam shym la long da kumno-kumno ka jinglehsbun khatduh ba ka la pyni ia nga. Namar naduh kata ka sngi ka la pyni ka jingleh sngew-tynnat ia nga palat ia kaba ju long—ñiuma te, mynta ka long ka tnga baieit jong nga bad ka para baiatrei-lem bad nga ha ka Gospel !

Hadien ka jingshongkurim jong ngi ngi la wad jingtnei jngai na ka bynta u Khrist. Hynrei ka jingkoit jingkhiah jong ka ka la khang lad ia kane, bad kumta nga la tyrwa ia lade sha ka Mishon Sorbah London, bad la pdiang ia nga kum uwei na ki nongtrei.

Da kaba sngewrit nga ainguh ia u Trai na ka bynta ka kti ba pynroi jong U ia ka kam

shakri jong nga. Ha ka kamra bah Mishon ka banyngkong jong nga, ha Hackney Wick, nga la don ka jingkmén ha kaba iohi ba i pa i kylla ka bamut. I la dang iai long u mawbynna ba im ia ka bor pynim bad sumar jong u Trai Jisu naduh kata ka por. Ka kam kaba bud ka la long ha East Ham. Hangne i pa bad ma nga ngi la iakmen lang ha kaba iohi ia iwei na ki kynthéi bashipara trai bad nga ba i shim bynta lem ban ieng na ka bynta u Trai.

“Bad ioh ngan sngew kiew palat eh ia lade.....la ai ha nga ia u shiah ha ka doh.....”. Man katba nga khmih ha ka iit, la pynkynmaw ia nga ia kaei ba nga la long, bad ia kaei, ban nym dei na ka jingaiei u Blei, ba nga lah ban dang long. Namar nga rah ha ka khmat jong nga ar tylli ki dak mong bajylliew. La pynlong ia nga kumta da ki jingpruid syrti.



KHIE LEIT IATHUH.

“Khie leit sha la iing sha la ki jong ruh,
bad to iathuh ia ki, ia kaba katno ba u Trai U
la leh ia me.” Mark v : 19.

A. H. 25

Key F.

{ .m :m .,m |m :- .m :m .m |f :- }

1. Khie leit sha iing bad leit iathuh
B'U Khrist U pyllait war ;
Ka jingkylla ba phi la ioh,
Ai kin iohi lem phar.

Lang : Khie leit iathuh, khie leit iathuh
Jingleh u Blei ia phi ;
Khie leit iathuh, khie leit iathuh,
Ba kin iakwah lem pli.

2. Khie leit sha shnong bad leit iathuh
Kumno phi shem ia U ;
Uba iohi ia pop jong phi ;
La snam U pynmih ruh.

3. Khie leit iathuh kylleng sawdong
B'Un pynbiang lem ia ki ;
Ba dei namar jong ki U wan
Shah-iap ha Kalbari.

4. Khie leit iathuh sha duh ba jngai
Ba kin ioh jingkyrkhu ;
Tad sha bakut satlak pyrthei
L'u Trai ba phi phla ruh.

LYNNONG V

KA JINGPYNIM IA U JAIT MAKIA

E. A. WILLIAMS

“Khynnah ! Alle hangne ! Phin leit sha skul.” Iba kren i long i pa jong nga, Moses Williams. Nga la long te i khynnah hynñiew snem ka rta na ka jait makia. Dang ha kita ki snem nga la leh kat kaba nga mon, ka jingbat lakam ña ka jinglong kulmar jong nga ka la long ka jingtieng ña i pa. Haba i la sngew salia, i ju phanang ña ka tupia ha nga ; bad teng teng i dom, bad nangta nga ñohsngew ña ka jingpang u dieng ba la kalaiñ stad ha ka kti bakhlain jong i. Kumta, katba nga nang imsngi la ka jingpyrkhat lehshlur jong nga ha ki rukom phet tuh baroh nga la sumar ban nym leh ei-ei ka ban wallam ña nga hapoh ka jingmai na i pa jong nga. La sngewthuh shai ba ka jingpynleit skul ña nga kam shoh jingmut ei-ei ña nga. Nga la sei nia ban uxor, hynrei i pa i eh kum u maw. “Ngam ju ñoh jingshongskul palat ña ka shitañew ha ka jingim jong nga baroh. Hynrei ym don daw balei phim dei ban leit. Bad phi dei ban leit ruh !” i ong.

Kata kein ka la long kaba kut jong ka jing-
iakren. Sha skul nga la leit. Habadei badei i

pa jong nga i ialam hi ia nga da lade, tang ban pynthikna ba nga la poi hangta. Ha kiwei pat ki jingjia, i mei i ju pynkhmih ia nga ba nga la poi suk hapoh kamra skul. Hynrei la ki kit khia tói katta, nga búnsien nga ju leh buit ban pár tuh sha khlaw bad sha ki kper soh, nga da pynlut ki kynta ba nga dei ban pynlut ha skul ha kaba lute ia kaei ka bam dei ka jong nga.

Ka iing kali ba tyllun shalyntem. kaba long ka iing jong nga, ka shaniah lyngngeh ha ka kharai um bajyndon. Ha kata ka iing kali kha ia nga. Bún na ki khynnah kiba iaöh bynta lem bad nga ia ki bok ban shongskul jong ka Skul Rim Woking ki ia im lem ha ki iingkali kiba ialang lang kynhún kynhún sawdong ka jong ngi. Hynrei la don kiwei de ki khynnah kiba dei na ka shnong rit, bad kiba im ka jing-im kaba pher bak na ka jong ngi kiba shong iing dara. Kawei kaei kaei kaba la ju pynbi-shni ia nga barobor ia ki ka la long ka song jingbám sngi ba ki wallam sha skul ba kim banse. Nga ju ap búnsien ia kito ki pla bamaian ba ki plie, bad nga ju ikwah ia kaei ba don hapoh.

Ha kawei ka sngi nga la pynkyndit ia i mei da ka jingdawa : “Nga kwah jingbám sngi khyn-diat ban rah sha skul.” “Jingbám sngi !” ka la jubab, ka da kren ban biang ia ka ktien nadien jong nga ; “ka jingbám sngi aiu kata ?” Ka ktien kí jait shang-makia ym imat ba ka don ia

kane ka ktien ki bam dei jait makia. Nga la iathuh ia ka ba u dei u ruti bad "ei-ei de hapdeng jong u." Ka la kyrngah la ka khlieh. "Lada phi kwah jingbám sngi, phi dei ban pyn-
ioh hi da lade."

Kata ka la ai jingpyrkhat. Ha ka lyngkha kaba mar syndah bad kata kaba ngi, shong la don ki kajor ba dang sdang heh. Nga la kyn-jut ia uba heh tam ba nga lah ban shem, nga la ñiad ia ka ktieh ha ka sopti-lor jong nga, bad la thep ia u hapoh pla sopti. Haba nga poi ha skul, kiwei pat ki khynnah ki dang iadwai. Nga la rung ha ka kamra buh jaiñ, bad nga la sdang wad ter ha ki pla sopti-lor kiba sdien ha kynroh. Nga la lap bún ki jingsong, kiba rit bad kiba kham heh. Ynda la iit haduh ban da lap ka song kaba heh tam na ki baroh, nga la tynñian ia ka shapoh pla sopti, bad la thep pli ia u kajor ha kata ka pla na kaba ka song heh ka la mih. Ka song tuh ka la paw ba ka dei da ka lyngbung jam ba byrtet—i jingbám bang ba ngam pat ju iohi mynshuwa. Ha ka por bám jasngi, nga la wad i kyndong bakynjah bad hangta nga la bám ha ban da hun jai. Ynda hadien kata ka sngi, uta u khynnah ba nga la tuh u la kylli ia nga la nga tip hangno ka jingbám sngi jong u ka la leit. Nga la kyrngah ka khlieh. U la pyni ia nga ia u kajor ba u la lap ha la ka pla. Nga la khmih bishar ia uta, "Phin leh aïu bad une?" nga la kylli. "Ei-ei ruh ém," la long ka jubab jong u, "ngam donkam ia u."

Kumta nga la pán ĩa u na u, bad nga la bám hangta hangta hi ! Kata, la kumno kumno, kam long ka bakut jong ka jingĩathuhkhana, u lap ĩa ka jingthok jong nga, bad u la bein ban ĩashoh bad nga. Kata ka jingĩashoh ka la sdang ĩa ka jingĩakajia hapdeng jong ngi kaba la neh haduh, ngan da la dap khatlai snem, ka por ba nga phet skul.

Nga sheptieng ba nga la ĩoh jingmyntoi tang khyndiat eh na la ki nonghikai. Kawei ka lynnong kaba bang eh ĩa nga ka long ka jinghikai shaphang ka mariang, bad ka lah ban long ba nga la kham nang shibún ĩa kata ka subjek namar ki jingshang lúm jong nga ban ĩa kiba nga ĩoh ha skul. Nalor i nonghikai jong nga, nga don sa iwei pat iba ai jinghikai ĩa nga ha ĩing, ita i long i mei, iba pyrshang ban pynang ĩa nga ĩa ka rukom ĩaid die jingdie kylleng kylleng. Nga ngeit i lah ban die kano kano, hynrei haba nga la mih skul, shem ba ngam bit satia ĩa ka kam ĩing, bad nga la sngewbha ban rung ka kam mahajon dewĩong.

Ka paisa ba nga ĩoh bún ba ka leit ha ki ĩing pyni dur baĩoskob, ha ki sikret bad ha ka dih. Nga la long u buaid haba nga dang khathynriew snem ka rta, bad bún sien nga pynsuda ĩa u bitor uba ar pela ka kiad khlem da weng shuh ĩa u na ka shyntur. Nga la ju dih sikret haduh ngan da tlot ĩar. Ka jingkoit jingkhiah jong nga ka la don ha ka jingshahshitom, bad bún sien

búnsien ki kmie ki kpa jong nga ki íám ha kaba íohi ía la u khún la jong ba u jot.

Baroh shikatto, kiei kiei bakynja mynsiem ki long nongwei ía nga, kumba long ki íingmane bad ki jingíaseng. Ka kotbah kam don bynta ha ka jingpynsan pynrangbah ía nga. Lada don kano kano, nga isih ía ka niam khlem da sngewthuh satia ía kaba ka mut, lait sa tang ba ka khang ía nga na kaba íoh ía la ka mon.

Nga tip mynta ba dei ka jingngop jong nga ha ka jingsniew bad ki jingthmu u ksuid kiba pynlong ía kane. Kaei ka jingmih kan jin da long lada ka jingaiei u Blei kam shym la wan bsut hapteng, ka long kaba sngewtriem ban pyrkhath.

Ka jingkylla ka bamut jong nga ka la wan jia na kaba leit ha kawei ka janmiet Sngi u Blei sha jingíaseng. Shisha kein nga la leit da kaba thmu ban thaw kulmar bad pynwit ía baroh ha nga lah, hynrei u Trai ha ka jingisnei jong U U la don kiei kiei ba la buh lypa na ka bynta jong nga ía kiba ngam tip. U nongíathuhkhana u la long u nongsumar kper uba kyrteng u Croft. Ka dkhoh jong u ka la long na ki Roman VI. 23 : “Ka bainong jong ka pop ka long ka jingíap, hynrei ka jingaiei u Blei ka long ka jingim bamjukut, lyngba u Jisu Khrist uba u Trai jong ngi.” Katba u nongíathuhkhana u la nang kren u Mynsiem Bakhuid u la íoh bat

skhem ia nga. Ha ka bawai u nongĩathuhkhana u la kylli ia nga marwei la la pynim ia nga. "Hooïd," nga la jubab, bad nga la lamler ha khmat u Blei. Nga la leit phai biang sha ka kamra bah sa shitaiew hadien bad nga la ioh-sngew ia u nongĩathuhkhana ba u iathuh ia ka jingĩathuhkhana kaba ar ha kajuh hi ka dkhot. Da shisha u Blei u la kren ha nga ha kata ! "Ka jingai ka dei ia nga, ka dei ia nga," nga la ong ha lade, ioh u Soitan un shukor ia nga na kata. Ha kata ka miet, ha kaba nga poi ha sem kulai ha kaba i pa i ri kulai bad i buh jin kulai bad lakam, nga la dem khrup ha ki khohsiew jong nga bad la kyang: "Ko Trai Jisu, lada nga dei hok ia kaba ngan im, to pynim ia nga mynta." Ngam lah batai ia ka jingsngew jong nga, lait sa tang ban ong ba ngam don marwei shuh. U Trai u la don hangta ! U la búd ia nga na jingĩaseng sha iingkulai bad U la pynkylla ia u nongpop bajynjar kum ma nga. U la leh ia ka ha ka janmiet ba beh éríong jong u bnai Lber, khatphra snem ba la lah, bad U dang iai pynim ia nga naduh kata !

Kata ka sem rim ka ieng ha ka jingmut jingpyrkhat jong nga kum ka khyrdop bneng. Dei hangta ba la pynkha arsien ia nga bad ba la pynriewspah da "ka jingai bam lah iathuh." I mei bad i pa ki tip ia kata. Da kaba artatien ha kaba nyngkong, bad da kaba eh ban tip kumno ban pyrkhat shaphang jong nga, ki la ngeit khatduh khatwai ba u Blei u la máp ia

nga bad la pdiang ia nga kum u jong U hi. Ka jingpynpyrkhat ka la seisoh ha ki jingim jong ki de, bad nga la don ka jingkmén ha kaba iohi ia ki baroh ar ngut ba ki pdiang ia u Nongpynim.

Ha kaba phai dien biang nga tharai ki jingpynpyrkhat niam banyngkong eh jong nga ki la sdang na ka jingwanjngoh jong ki Phajri Sor sha ki kper Hampshire ha kaba nga iatám núb bad ki briew jong nga man ka snem. Ha iing-dara bad ha kper ki iakren bad iarwai sha-phang u Jisu bad ki kren skhem ha nga ia ka jingieit baphylla jong U. Uwei pat u kynjri bad ka L. C. M. (ka Mishon Sorbah London) ka la long ka Klass Hikai Phajri ia kaba nga la ju leit bún bnai ha ka ling Mishon. Kaba kum kata ka la long ka jingthrang jingtip jong nga ba nga la len ia lade ia ki jingdonkam na ka bynta ban ioh leit ha Woking sha London, bad ban bsa jingbám ia ka jingmut bad mynsiem da kiei kiei ki babha ba la hikai bad ba la pyniadei. Ia kane baroh la pyndonkam da u Blei ha kaba pyn-khreh ia nga na ka bynta ka jingdonkam ba nga pyrshang mynta ban pyndep kum u nongtrei jong kajuh ka Jingialang. Ka long baroh da ka jingaiei——baphylla shisha shisha katta katta ba wat mynta nga eh ba ngan shemphang lut baroh.

U LA LEIT SHA KALBARI NAMAR JONG NGA.

"Hangta ki la sahnarphna ãa U." Lukas xxvi : 33.

S. S. 82.

Key G

{ |s₁ .,s₁ :d .,r |m :d |d .,r :d .,l₁ |s₁ :- }

1. A jingdum ka miet ba tap mynsiem jong nga !
Nongpynim katno kordit b'U shah ;
Haba Sngi jong U Mynsiem ka wan phyrnai,
Hér jingdum na nga phar, wan jingshai !

Lang : U la leit sha Kalbari namar jong nga,
Namar jong nga, namar jong nga.
U la leit sha Kalbari namar jong nga.
U la ãap ban im ma nga.

2. U nongpop bakhynñiuh ha ki kjat nga dem,
Jingaiei, jingmáp ba ngam pat shem ;
Nga ïohsngew jingsawa, "Khún, me khuslai lei,
Ram jong me la siew dep, nga máp ei."
- 3 A, jingieit baphylla Nongpynim jong nga,
Khet U ïeh ban shah ha Golgotha ;
Haba ïuh kor tylliat wain marwei U ïuh,
Jingiaroh ãa U long junom duh.

LYNNONG VI

NGA LA LONG UBA LA IAKURA

J. P. ADKINS

KA JAKA NONGIALEITKURIM BABHA (BRIDEWELL PLACE), No 3 ka la long kaba shlei da ki Phajri Sor. Ka la long ka jingjia ba man u bnai ha kaba kine ki nongtrei ki ialang ha ki jaka pdeng na ki thaiñ baroh jong ka London. La don ka hum-hum-ham-ham jong ka jingiakren saidthma, katba ki rangbah ki ia-khublei kynjut kti uwei ia uwei pat. Kyndit kyndit, ar ngut ki samla ki iakynduh mar-khmat. Baroh ar ngut ki long kiba dang shu lah pdiang thymmai. Ka jingialyngngoh jong ki ha kata ka khyllipmat ia ka jingia-ithuh uwei ia uwei pat ym kloi lap ba iohi da kiwei pat. Ki katto katne ki jingiakren stet ki la iaaid hapdeng jong ki. Nangta ki la iakynjut-kti, da ka jingsngewshitrhem kaba pynpaw imat ia ka jingialong lok slem ba naduh barim bajah. Hynrei kam dei da kumta. Ha lyndet jong kata ka jingiakynjut kti la don ka jingjia (ba la dep) ba kham sngew phylla ban ia ka puriskám kai. Nga la long uwei na kita ki ar ngut ki briew bad ngan iathuh la ka bynta jong ka jingiaathuhkhana.

... ..

Nga la long u khynnah Deptford, bad u khynnah bam lah synshar naduh dang rit. Lymne ha iing lymne ha skul ngan nym pyndem ha ka jingshah synshar. Ka kam leh kulmar bapynking jabieng kaba shait pynsngewbha ia nga ka la long ban kiew ia ka kliar jyngkhang-iit jong ka skul-sngi jong ngi, bad ban sdien padoi ha ka kynjang kaba lajan 100 phut. Kaei kaba pynlyngngoh ia nga ka long ba ki briew kin her syrngiew da ki jingpyni khlain kai ba kum kita. Ngam ioh ei-ei nangta hynrei tang ka jingpynsngewsyier. Lehse dei kane ka jingsngewkwah pynkhih syier kaba la buh ia nga hadien hadien ha ka jingshitom. La kumno kumno, haba nga la dap khatsaw snem nga la phet na iing, ba sngewbtai ia kajuh ka jingim. Ynda la iaidwir ruma shipor, nga la leit kylla shipai. Nga la long uba hehmet ban khein na ka rta, kumta nga la ioh long da kaba shu iathuh lamler ha kaba ai ia lade khatphra snem.

Naduh dang rit nga ju sngewmuja eh ha kaba iakura, bad haba dang shiphew snem nga la kynjoh sha ka jingtbit kaba katto katne. Ha ka kynhun shipai, nga la ioh lad bha ban pynroi la ka jingtbit hapoh ka jingkhmih badei rukom, bad nga la diaw shikatdei haba i mei, iba shem hangno nga don, i la pynpei ia ka jingthok jong nga sha ki bahalor, bad pynshah beh kam. Ngam lah khlem da sngew ba la i mei i la leh da ka jingthmu kaba bha tam, i la

bakla. Wei lait hi na ka jingai pyrkhing shipai nga la beh brai ia ki jingsngewbha ban iakura, hapteng ki jingialang ki bam bha satia. Ka jingshlur jong nga ka ioh ka jingsngewieit na kiba kham tohmet jong ki paramarjan jong nga, bad ym slem hadien ba la pynrung ia nga sha ka jinglong membar bad ka kynhún pynmareh thong. Ngi la long kiba iathong khlem siew—bad kham sniew ia kata, da kaba leit na kawei ka jingpynmareh thong sha kawei ka jingpynmareh thong hamar ki somoi pyniamarehthong, ngi la iakamai tyngka la biang ban pynshlur ia ki lynti bamhok jong ngi. Habadei badei ngi ju ia ai ka jingpynikai hapteng madan da kaba iakura, bad pynsngewsih ia baroh ki nongwan. Kito kiba la pdiang ia ka jingiakob jong ngi shen-shen ki sngewsih ba ki la leit leh kumta ! U paidbah u siew bha na ka bynta ki jingialeh-tamsa ba ngi ai ia ki.

Ha pyrshah jong ki somoi jong ka jingpynlutpor, nga la don ka met kaba khlain, bad nga la shah khot búnsien ha ki jingialeh kiba da buh dor. La don kiba kren kunok ba ka jingim bashaphrang jong nga ha lypung kan long kaba pawnám. Ka jingpyrkhat jong nga sha ka kam shipai ha ka snem 1917 kam iapynwit ei ei bad ki jingkwah jngai jong nga, hynrei da khongpong ki la ai lad thymmai ia nga ia ka ban pynkhlain la ki dohksah, jngai na ki bor-ring basniew jongki lokjong nga. Khatduh khatwai la jied ia nga ban leit sha Phrans,

ha kaba nga iohi katto katne bnai ka jingia-shakri smat, bad kumta de nga la phai sha la iing uba mynsaw. Hynñiew bnai la pynlut ha aspata, hamar kata ka por la soi ia ka Sngi lasuk Thma, kumta haba ki doktor ki la pyn-dep bad nga, nga la leit phai sha ka jingim bam long shipai. Nga la leit phai sha i mei ryngkat bad kata ka jingkut jingmut ia ka ban iaid beiti, bad nga la donbok la biang ban ioh kam ha ka jaka buh kynshew doh kaba heh. Hynrei ki jingkhlain jingmut jong nga ki la pra ha kaba nga la ialang biang bad ki lok barim, bad ka jinglong bakhatduh jong nga ka la kham sniew ban ia kaba mynshuwa. Ha ki jingsniew akor bamynshuwa jong nga nga la pynlang sa ka iakhalai bad ka dih buaid, bad suki suki nga la kylla u kmai nongtuh.

Katto katne por hadien kane, nga la shongkurim, bad na ka jingsngew burom ia ka khynnah samla kaba la long ka tnga jong nga (nga la ithuh ia ka naduh ngi dang iarit), nga la nang kham antad ha ki jingmlen jong nga. Hynrei ka jingpyrshang leh kam babha kam lah neh, bad nga la phai biang sha ki lynti bad jaka iaid barim. Nangta nga iashoh bok, kumba ong mano re. Ki nongaikam jong nga ki la pynkiew kam ia nga, bad ha ki khyndiat snem nga la ioh kynshew £ 700 (kata, palat 7000 T). Hamar ka jingiakhiih iapep trei nga la iatyngkhuh bad ki Riewkwahialong kynhún jong kawei ka thain, kiba la shún ia nga namar

ba nga la pynkohnguh ïa ki katto katne ki rangbah ban sah ha la ka kam. Ka jingim jong nga ka la long ha ka jingmynsaw. Uwei u briew leilei u la jied khmat ïa nga. U la wan ha kawei ka janmiet bad ka syrti kaba u thmu ïa nga. Nga ïabiang bor bad u, la kumno kumno, namar haba la mahám lypa la pynkieng atiar lypa ruh ïa nga, bad nga la leit ïashem bad u da ka pistol. Nga la smai ba, lada nga tang shu ïoh lad, ngan ïawieh bad u. Lehse ka la bha ïa ngi baroh ar ngut ba ngim shym ïakynduh——te nangta !

Hadien kane, ka jingïoh spah jong nga ka la iehnoh ïa nga. Ka jinglong khlemkam bad ki jingsniewbok ter shi ter ki la wallam arsut sha ka kyrdan duk. Ha kane ka jinglong, katba nga dang wad ban bylla sngi ha ki jaka jingkér hiar jhad, nga ïoh ka kam ring jhad bad uwei u kapten jhad, uba tlot ka longbriew, uba la khawai kiad ei ïa nga bad la kular ban ïarap. Ba nga long khlem paisa ïa lade, bad ba ïoh de ka kabu na ka jingbuaid bamtipbriew shuh jong u, nga la law suk ïa ka baje kieng bad kynjri jong u, kaba nga la buh bynda, bad nangta la phet rieh sha ka jaka kyntang kaba ha ka ïingjaiñ Gospel bamarjan. Ha kata ka miet ei ei la jia kaba la pynkylla ïa ka jingim jong nga.

Ha Phrans, kum uno uno uwei pat u briew, nga la phai ban pyrkhat ïa la ka jingim

ba la pynlehnohei jong nga, bad nga la kut jingmut triang ia ka ban pynbha pat ia lade lada nga tang shu poi ha iing. Ynda la poi biang ka jingim ym kum u shipai, nga la klet ia ki jingthmu babha jong nga baroh. Hynrei ka jingiap i mei ka la ktah kham jur ia nga. Nga la ieit ia i ha ka rukom tohmet, bad ka jingkynmaw ia ka jinglong-riewblei jong i, ryngkat bad ka jingtip ba i la dwai khlem da púd na ka bynta u khún ba iaíd kulmar jong i, ka la shon jur ha nga. Ia kito ki jingdwai la jubab ha kata ka miet, katba nga shong ha kata ka iingjaiñ Gospel.

U nongialap (u la long u Sahep Fred Elliot, uba pawnám kum u ebanjelis) u la pynmutdur ia u Lúm Kalbari bad ia u Nongpynim ba shah shitom : ka Khlieh ba la shah trúd shiah, ki San tylli ki Jinginong, ka Snám batúid, ka Jingkyang jong ka Jingkordit sat, ka Jingkynjah jar bakynsan—haduh ba ka ioh kem ia nga na u pdot, kum ban ong, bad ka la set skhak ia nga. Nga la lwet jin ; ki ummat ba khlem pyrkhat ki tuid ha ki ngab jong nga ; bad ha ka jingkhroh ia ka ban rai kut nga la tyllun sha khmat bad la aiti lut khlem tyngkai shuh sha u Blei. La pynim ia nga.

Ka mynsiem banyngkong eh ba nga jop na ka bynta u Trai ka la long ka tnga la jong. Lai sngi hadien ka kambah jong ka jingim jong nga, ka la kubur ia u Nong-

pynim. Ngi la ialah mynta te ban ia im lang kumjuh——bad ngi la ia im suk ruh. Mynta ka sngi, kaba la dep ka páw kum ka bam sngew lah ngeit——ka jingphohsniew bakynsha basngewshyrkhei, ia kaba yn klet noh. Ba la pynim ban shakri, ngi kmen ha ka jingshisha ba u Trai u la khot ia ngi sha ka jinglonglok jong ka Mishon Sorbah London.

... ..

Nga lajan klet. Nga la sdang ia ka jing-
iathuh jong nga da kaba kdew sha ka jingiakyn-
jut-kti. Lada phi wad ia ka jingbatai jong kata
ka jingiakynjut-kti, phin shem ia ka ha kata ka
jingshisha ba u briew ia uba nga la iakynduh
ha ka Jaka Nongleitkurim babha (Bridewell
Place) u ruh pléng u dei u dkhot jong ka jing-
ialong shipara ba nga dang iasoh shen, u dei
uta u briew uba la rah la ka syrti kaba u la
thmu ia ka jingim jong nga !

NGA LEIT SHA BNENG

Alexander's Hymn No. 184.{ .s₁ :d .d |m :- .r ,d :|₁ .d |s₁ }

1. Arsut lynti jong ka pop nga taid,
 Bad man ka sngi n'u Blei nga khlad ;
 Na l'u Jisu nga la iaaid sakma,
 Mynta nga leit ha lynti babha.

Lang.—Nga leit sha bneng ha lynti babha ;
 Nga leit sha bneng ha lynti babha ;
 Nongpop baieit, wan lein bad nga,
 Nga dang leit sha bneng ha lynti babha.

2. Jingkmen ia nga ha kata ka sngi,
 B'u ktah ia khmat ba ngan iohi ;
 Ban im bad dwai U hikai ia nga,
 Nga leit sha bneng ha lynti babha.

3. Ngam lah ban shem hi ia ka lynti,
 U Trai ia nga U ksoh na kti :
 Jingaiei ruh ka iai bat ia nga,
 Nga leit sha bneng ha lynti babha.

4. Nga leit sha bneng ruh sha la ki jong,
 Ha bneng ia nga ki ap de dngong ;
 Bad l'u Jisu te junom ban sah,
 Nga leit sha bneng ha lynti babha.

LYNNONG VII

KA JINGSEI IA KA BAN PYNIM IA KA MYNSIEM

A. E. CHANTRELLE

“Alle khmih ia i pa,” I kong i la shim ia nga na ka kti, bad ia lam ia nga sha ka kamra ha kaba, la don ka met-ia p i pa jong nga ha ka synduk ia p'riew ba dang plie rynghang. Nga dang rit eh ha kata ka por ban sngewngiew ia ka khmat ia p, lane ban sngew khih mynsiem ei-ei ha ka jingleitnoh i pa jong nga. Lymne nga sngewthuh ba i pa jong nga i la dih kiad ia leit artat sha jyngtep—ka jinghappap ba ki jingmih nangta shen-shen kin sa rung ha ka mynsiem ka iing jong ngi.

Ia i mei iba dang i-samla, la iehnoh bad saw ngut na ngi ban pyndap bam da ka jingjaw-syep ka rengmat jong i. Ki sngi badum jong ka jingkyrduh bad jingshahthngan ki la shong sah halor jong ngi. Ki lynti ai bam jong ngi shen-shen ki la dkut, bad ka jingeh ban shem bam bad baiwai iing ban iabiang ka la ktah jur. I mei i la pynjngai ia ka sngi basniew slem katba i lah. Hynrei khatduh khatwai ki nong-pynbalia ki la shimti noh, bad kat kaba sah na ka iing jong ngi ka la ia id lait na ki kti jong ngi ban siew ia ki ram ki shah ba la lang.

Kumta ngi la shu pynkie ïa lade sha ki jaka jakhlia jong ka Peckham. Ki jingshem jingeh jong ka jingim kiba ngi la donkam ban shah kim long ei-ei ban ïapyrshang bad ki jingmynsaw mynsiem ha kiba ïa ngi la lyngshop. Ka jaka ki paramarjan ka don ka budnám bam sngewtynnat satia kum ka jaka shong ki kmai nongtuh ba har rukom. Ki paramarjan jong ngi ki kynthup ïa kiba rung tuh mynmiet bad kiba leit khura ïing. Wat kum u khyannah nga la ju ïalang lok bad kine ki briew, bad nga poi kynmaw ïa uwei lei-lei, uba la ju pynsngewtynnat ïa nga da ki jingïathuh jong ki kam shlur jong u pyrshah ïa ka aiñ. Ha kawei ka jingjia, nga poi kynmaw, u la wallam sha ïing lai riam ki jaiñ. U la shu tuh ïa ki ; hynrei ha ka jaka ban pynïaid dor ïa ki ban ïohnong ïa lade, u la ban eh ïa i mei ban shim ïa ki, ba u tip bha ba ngi ïadonkam jaiñ syaid eh. Habadei badei kiwei kiba tip bha ïa ka jingshitom jong ngi ki ju wallam jingbám bang, hynrei kine ki jingkhawai sngewbha ki ïadon kai tohkhat-let. Haba ki jingdait thngan ki la kham jur ban ïa kaba ju long, ngi ki khyannah ngi ju ïaleit shong harud ka dukán die khasdieh jong kata ka thaiñ, ngi da kyrmen ba uno re uno u nongthied uba sngewsibun mynsiem un ïa ai paisa ïa ngi ban thied "shi anna paisa."

Haba pyrkhat ïa kine kiei-kiei, kam long kaba phylla ba katba nga la nang san nga la don kata ka jingnang ban ibein ïa ka aiñ bad ïa

ka jingpyniaid ryntih, bad ngam don jingkhein kor ei-ei ia ka spah kiwei. Haba nga la dap khatsan snem nga la kloï ba yn khot ia nga u kmai ka tuh, bad nga la iohmad nyngkong ia ka kam pynkhein aiñ, ha kaba ynda la pynshit ia nga da kiba kham san, nga la ioh tuh ia kawei ka baje ksiar. Kane ka jingjop ba plie lynti nyngkong eh jong nga ka la nang kham pynkwah jngai shuh-shuh ia nga, bad haba ioh kam ha rel, bún ki parsel ki iaïd sakma da ka jingbthah jong nga. Ym shem jingeh ban shem ki ban pdiang ia ki mar tuh ; don kawei ka kynthei paramarjan, kaba ap dukán kopphi ha ka dong surok—kane, bad kiwei-kiwei de kum kine ha kata ka thaiñ, ki la iarap ia nga ha kaba pyniaid siew ia ki mar tuh.

Ka jingkthang jong ki snem ka jinglong khynnah jong nga ka la wanrah kawei pat ka jingmih, la kumno-kumno, nalor kaba pynmien ia nga ha ki lynti jong ka jingbamhok. Ka la pynmih ka jingpyniohi bakynriang ia ka im lang sah lang, bad ia ka jingdei bynta jong nga sha ka. Hato balei sha, khlem don daw ei-ei na ngi, ka jingim kan kylla suda na kito ki jingsngewbha baroh ia kiba ka pyrtthei sawdong jong nga ka pynbiang, bad kiba, da ka jingkhmihthuh nga tip ba ki long ki jaka ia kynduh paidbah jong ka jingim jong kito kiba kham bit kham biang ha ka longbriew manbriew ? Ka imat ha nga ba ka jingpyniaid ia kane ka rukom ia im lang sah lang kaba shah ia kiba

kum kine ki jingbam iāioh ryngkat ka la long kaba la bakla palat khlem jingkyrmen, bad nga la kut jingmut ban leh la ka bynta ha kaba pynbeit iā kata. Kiba kum kita ki jingangnud ki la iōh pahuh ka jingpynshlur napdeng ki riewiākhieh pynkulmar hima kiba ha kane ka por ki la pynpaw iā lade ka jingshlan ba wan mih nadien ka thma. Bún na ki rangbah iā kiba nga la pynbna ban bud ki la long kiba bha mynsiem, kiba pluh da ka jingthrang bajur na ka bynta ka jingpynbha iā kito ki riewsniewbok kiba shlei ha ka thaiñ ba shajan jong ngi. Hynrei ki nongrim jinghikai jong ki ki la iālam khatduh khatwai sha ka jingieng iāleh pyrshah bad ka jingkhieh iāleh pyrshah Sorkar, bad ka jinglong batur ruma kum ka jong nga ka kloi shim iā ki jinglong ba iaid tmier riat na ka jinghikai saiñ hima sima jong ki.

Ha kane ka por nga iātrei bad ka Kompeni Jingkynshew Daitthah Baiatylli, bad nga la shem hapdeng ki para baiātrei lem bad nga kiba kloi ban sngap iā ki jingpynrem ruma jong nga iā ki Jait bakhraw ba ki ong, bad sha ka jingkren kynnoh iā ka buit leh jubor na ka bynta ban pynkyllon iā man la ka seng kaba imat ba ka ieng pyngkiang iā ka lynti jong ka paradais jong ki nongttei. I jingtuid ba malu mala eh jong ka jingbamhun hapdeng ki briew la pyniaid sha ka jingtuid umbah jong ka jing-iapynkhieh hima sima, bad nga la pynshlur iā ka mynsiem iāshún da ka jingngeit ba kan

ïarap ban pyntur sha khmat ïa ka Daw-hok. Ha ki khyndai bnai nga la dei kitkhlieh ha kaba pynïatylli ïa bún ki jingïapep trei kam, bad ha ka jingïakhih pyrshah ba kham jur ha ka kam shna tiar shna tar jong ka snem 1921 nga la long ma nga ha khmat. Nga la shongkurim ha kata ka por. Khlem ka tulop ïapep trei kam bad khlem ka jingai jingtngen na ki Bahalor ba ïadei na ka Aifñ ïa ki Baduk, ka la pynpoi sha kaei·kaei ka ban ïa ïapthngan shisha-shisha. Ha ka jingbitar shla jorg ngi ngi ïakynnoh pop ïa ki rakot ba Bat-tyngka na ka bynta kane ka jingshah jynjar kaba ngi pynwan hi ha lade, bad ngi la nang pynjur ïa ka jingïaid ïalap jong ngi pyrshah ïa ki nongbanbein ba ngi shu mutdur hi.

Kito ki la long ki sngi leh kulmar. Ki kynhún runar samla ki dei kitkhlieh ïa ka jingpynjot ïa ka spah bad ka jingpynmynsaw ïa ki briew. Ngi ïa ot pynpér ïa ki lieng. Ki rangbah ïa kiba ngi khein kiba wan trei pli, bad ki nongshetkylla ïa ka dawhok jong ki nongtrei, ki shah shoh ha ban da biang ha surok. Ngi ap thap ïa ki katba ki nang mih na ki ïingtiar, bad ban nym na ka jingwan pakhang ki pulit, yn jin da la jia ka jingïapynïap briew. Nga la buh shún ïap khamtam eh ïa uwei u briew. Ka kyrteng jong u ka la long u Adkins, u rangbah nongpeit ha ka lingjingkynshew, bad uba nang pyntrei dat. Nga la smai ban pynháp ïa u ban siew na ka bynta ka jingshetkylla jong

u, bad nga la rah ka syrti na ka bynta kane ka jingthmu. U ioh jingtip ia ka jingthmu jong nga, bad u la pynkhreh ia ka jingialeh ba u la khmih kmang lypa da kaba rah ka pistol. Ba shu donbok kumno re kumno, ngim ju iapoi iakynduh hajan ban iapynmynsaw uwei ia uwei pat. Ha ki snem kiba hadien nga la dei ban iakynduh bad une ujuh u brieve kum u para nongtrei ha ka Jingshakri Khristan.

Ka jingiapep trei jong ka snem 1921 ka la pynlong ia nga ban duh la ka kam. Palat lai snem nga la long khlem kam, bad hamar kata ka por ngi la long khlem iing khlem sem bad khlem paisa pailain. Ha kane ka por baroh nga la ialeh bun kam ha ki jingiapynkhih hima sima, nga da pynkhreh ia lade hi na ka bynta ka jingialeh ia kaba nga ngeit kan dang wan. Haba ka jingiapep trei baheh jong ka snem 1926 ka la bthei phur, nga la long nongialam ha ka kynhun Baasngewlangkynhun, bad dei kitkhlieh ia bun ka jingthaw kulmar kaba la jia ha ka London Shathie-Mihngi. Ha kawei ka jingjia, nga la pyniatylli ia ka jingiaiaid paidbah thik hajan ka skul ki khynnah bapang, ha ki Jaka tiar ki Nongshna maw-it. 2000 ei-ei ki iatynnian ha ka surok khim, ba ki shahshkor ia ki ktien jong nga. Ha iing, ka tnga jong nga ka don ha ka jingsngew syier mynsiem ba ka jingim jong nga ka don ha ka jingmynsaw. Khatduh khatwai da kaba pynkohnguh katto katne ki lok ban iasynran bad ka, ka la wan

sha kata ka jingwan iohi ia ka jingialang. Nga dang pynshit ia u paidbhur ban ialeh da ka bor, bad shipyrton ki pulit ki dang pyrshang ban pynsapra ia u paidbah bad ban ioh kem ia ki nongialam. Ba ka iohi ia nga ba nga don ha ka jingmynsaw, bad ba tip bha ba ym don jingainia ei-ei ban lah pynkohnguh ia nga na ka jing-khluit lamwir bieij jong nga, ka la kyrpad ia ki lok jong ka ban shu ring noh ia nga da ka bor. Kumta la shu ring bor ia nga na ka pulpit ba shu pynieng shipor ia nga, bad la shu shop bor ia nga pyrshah ia ka mon jong nga sha ka iing ba marjan, ha kaba ka tnga pat ka dang ap ia nga.

Da kaba sniewbok, ia iwei i khynnah rit la kum pyniap ryngkhat ha ka jingwantur ki pulit. U paid haiñ u saw, bad u la smai ban pynhiar ka kput. Nga la leit phai sha ka jing-iaxhih kulmar, ban iashim bynta ha ki katto katne ki jingietyngkhuh ba-isaitmet hapdeng ki nongmih khmat jong ka aiñ bad kiba pep jing-trei. Ngi la kawang kat da kaba ngi ioh ha ki katba ki la nang iaid lait ha ka surok ba hapoh. Ngi la ialeh ia ki da ki bitor lemoned kum ki tiar jong ngi. Ha kawei ka sngi, nga la iohi ba pyniap ia u pulit ha khmat jong nga.....

Ia ka ban phai biang ban trei ha ki jingker hiar jhad bad ha ki rel kam iaháp satia bad ka jingmut jong nga. Nga ñiew ia ka kum kaba pynkhein ia ka jingiatche soksular bad kiba trei

ha ki par. Hynrei shaphang ka London hi ka jingiapep trei ka la wai, bad kito na ngi kiba la kham leh kulmar ki la sngewdei ban shu shong kynjah noh shipor. Dei hamar kane ka por ba don ba la wan kai sha nga.

Haba nga plie ia ka jyngkhang khmat iing namar ba don ba tied jyngkhang, nga la shem ia u briew ba ieng ha ki mawkyrdon ia uba ngam ju la iohi mynshuwa.

“Khublei, para,” ka la long ka jingkhublei pynkloi jong u. Nga da ngeit ba u dei uba ki phah na ka komiti jied rangbah hima sima, ba kumta de nga la khot ia u ban rung. Ka kham bha ban iakren bad u ha ka barieh ban ha kaba iohi ki briew. Nga la ong ia u ban shong, bad nga la kylli kumta kumta noh ia ka jingsngew jong u ia ka jingshetkylla bam lah shah jong ki nongialam trei jhad bad ba pyniaid briew ne mar. Ka jubab jong u ka la long kaba sianti, hynrei kam shym pynsngew suba ei-ei ia nga, bad shikynta pura nga la pynsngewtynnat ia u da ki jingiathuh ia ki jingsngew jong nga, ki jingsheindaw bapynsngewsih bad la ki jingpyrkhat bajngai.

“Bad nangta,” u la ong, katba nga la pynkut ia la ka jingiathuh, “phin iaishah ban sngap ia nga shiminit? Phi don ei-ei ba kum ka Baibl ha iing?” Nga la khmih ha u da ka jingshohbieij ngang-kyr-ngang, bad ka jingrai

jingmut banyngkong jong nga ka la long ba nga iadei kti pléng bad u lamwir. Nga dei ban shu pynbieij ia u haduh ba ngan da pynmih ia u bak na iing. Kumta nga la iehnoh ia u da kaba lehmynwad Baibl kawei. La don katto katne ki kot jot ha almari, bad nga la khura lut ia ki, ngam da khmih lynti tang khyndiat eh ruh ban shem ia kata ka kot ba nga wad. Hynrei hangta hapteng ki lyngbung kot jot la don ka Baibl. Nga la plied ia ka ha ka sla nyngkong eh bad shem ia kane ka jingthoh, "Ha i Beatrice na la i kmie jong i, ha ka sngi-kha jong i ba khatlai snem." Ka la dei ka jingthoh ba dei ia ka tnga jong nga. Da kaba leit phai bad kata ka kot ha ka kti, nga la ai ia ka ha uta u nongwankai basngewmaian, bad nga la ap sa aiu pat ka ban bud.

Ki jingong jong u hadien ki la pynpaw ha nga ia ka jingthmu bashisha jong u. Une pléng um dei u lok baiapyrkhat saia pyrtnei, hynrei u Phajri Sor London u da hiarthma ia ka iing jong nga da ka jingthmu ban iakren niam. Shipor nga la lamwir thlam, bad nga la iathuh ia u ban sangeh ka kren niam ha ka jing-iakren. "Nga dei u Komunist," nga la iathuh ia u, "bad namarkata nga iapyrshah ia ka niam bad ia ka iingmane." Hynrei ym lah pynsngap satia ia u. U la iathuh ia nga ba u la wan ym ban iakren niam ne ban kren iaroh ia ki iingmane. "Nga la wan ban kren ia phi shaphang u Khrist," u la ong, "bad nga kwah ban pule ha

phi ia ka dkhot na ki Jingthoh Bakhuid kaba khang ia phi, lane iano iano, na kaba thew siat pyrshah ia U da ki jingthewsiat kiba phi la thew bam dei ia ka Balang jong U." Ka bynta ba u la sei ka la long na u Mathaios IX. 36. "Khmi, lok jong nga," u la ong, "ba dei ia u paidbah ba u Jisu u la iohi, bad u paidbah u kynthup ki bariewspah bad ki baduk, ki bakor-jait bad ki bapoh briew. Ym don jingpyniapher jait bad u Khrist, namar U la iohi ia baroh ki briew kum ki langbrot ki baiaid sakma na U hi, ba la jah khlem nongsharai."

Shisha de, nga la don ki jingujor ba nga ju don ba la pynlang lypa sha baroh ka jingkren jong u shaphang ka pop bad ka jingpynim, bad ngam slem ruh ia ka ban pyni jingstad. Nga la ju ia ainia bad ki nongtrei Khristan mynshuwa, hynrei mynno mynno ruh em ngam pat ju lap u briew uba tip bha katne katne ia ki Jingthoh Bakhuid kumba tip une u briew. Nga la sdang ban sngew ba u la dei ban shu spel lyndet ia ka Baibl. Khlem da treh ban shah ring sha ka pud jong ka jingkren antad stad ki riwestad, u la snoh rdin ha ka Kot jong u, bad u la pyniaph-nia ia baroh ki jingujor jong nga da ki jingsei dkhot jong u na ki Sla jong ka.

Kane ka banyngkong ha ka jingim jong nga ba ngan shah khñiot ha kyndong da u nong-ialeh uba nga tip u long uba kham palat. Nga

la kyrthat, ksaid, bad ïai kynriah jaka, hynrei lehnohei. Man ka por ba nga pyrkhat ba nga la lait na u, u la wallam pa wallam pat sha ka jingkren jong ka Jingthoh Bakhuid. Um shym bein ïa ki jingtrei smat jong nga ha ka saiñ pyrthei ; hynrei mar khongpong, u la ai jing-ïaroh ïa nga ba nga pynlutbor ha ka jingialap hiarthma ïa kaba nga ngeit ba ka long ka babha na ka bynta kiba shah lehbein. Hynrei u la dawa ban pynithuh ïa ka jingshisha ba nga la bakla ha ka rukom leh jong nga. Ka lynti ba tang kawei jong ka jingpynim, ba ïadei shimet-shimet bad ba ïadei lang, ka la long ka lynti jong ka Diengphna. Ka pop ka la long ka daw jong ka jingjynjar baroh ba tip ha ka pyrthei. Ka jingpynkoit ba tang kawei ka long ka jing-kubur ïa u Khrist kum u Trai halor baroh.

Sa tang kawei ka jaka-rieh ïa nga ba ngan rieh, bad kata ka long ka jingsngewhok lade. Ngam shym kham sniew ban ïa kiwei pat ; nalor kata, hato ngam shym la shah shitom na ka bynta la ki para briew ? Lada u Khrist u la don la u Kalbari, nga ruh nga don la u jongU nongwankai u la sngap. "Baroh kaba phi ong shaphang ïa lade ka lah ban long ka bashisha phar kdar," u la mynjur, "hynrei katba ka lah ban ïoh ka jingkren ïaroh na ki briew, kam lah pat ban ïabiangdor ïa ka jingpynim kaba na u Blei. Kawei ka bynta jong ka jingpynim ka long ka lynti ba la pynbna ha ka Jingthoh Bakhuid : "Da ka jingaiei la pynim

ia phi, da ka jingngeit kein ; kata ruh ym na phi hi : hynrei ka long ka jingai u Blei : ym na ki kam, ioh uno-uno ruh un sngew sarong.”

Ka ktien khatduh jong u ka pynsawa baje iap-briew ia ka jingialeh pyrshah jong nga baroh. “Sngewsarong....” Kata, nga-tip, ka iadei thik ia ka jinglong jong nga. Nga la pynskhem la ka jingsngewshaniah ha ka jingngeit saiñ-pyrthei jong nga, ha ka jingtbit pyn-iaid jong nga, bad haba ka jingjop ka wan nga ngeit ba ka jingjop ka jong nga. Mynta da ka jingpynshai ka bam wan na u briew hynrei na u Blei, nga la ioh jingshemphang ba ngam lah ban leh ei-ei ma nga namar ngam long ei-ei ma nga. Tang kumba la thaw thymmai ia nga da ka kti u Blei, u jynghaw bakynja mynsiem, nga lah ban kyrmen ia ka jingshakri ha ka pyrthei. Nga la iathuh ia u lok jong nga, u phajri ba ngam ju la ialeh pyrshah tipbriew ia ka jingshai haba ka wan ha nga. La pynsan pynrangbah ia nga u Roman Katholik, bad la kylla iehnoh ia kane ka jingngeit namar ba duna ka bor pynbthei bakynja mynsiem kaba nga la kyrmen ia ka ban shem. Mynta, la kumno kumno, ha ki sla jong ka Baibl, nga la shem ia ka jinglong barieh jong ka jingim. Nga la kloi ban bud ia i jingkynjat jingshai.

Bad kumta de ngi la iadem khohsiew, bad ia ka jingim ba la pynsyrrwa jong nga la aiti lut

phar sha u Khrist uba la iap na ka bynta ka jingsiewspah jong nga.

... ..
 Ka tnga jong nga ka la mih shabar hadien ka shiteng sngi ban pynbeit ban im hadien habud bad la ka kmie jong ka. Ka la ud la khñium la bún bnai ia ka jingbampeit jong nga. Ngam don jingbang ei-ei lait na ki jingleh bún kam jong nga ha ka saiñ pyrthei, bad ka tnga de ka la shu shah ia ka jingleh bam salia jong nga haduh ba kan da lwet thiaw ka mynsiem jong ka; kan sa phai noh de sha la ka kmie.

Ynda u phajri u la mih na iing, nga la ap ia ka ba kan wan iing, nga da tip ba haba ka wan kumta kan shu long ban teh song la ka pla, bad ban khublei khatduh ia nga. Ka la pynpyrkhat ia nga da ka jingngewphylla soi jong ka jingshisha ba dang shikynta mynshuwa, ki jingpyrkhat leit noh jong ka kin nym wallam jingsngewbabe ei-ei ruh ém ia nga. Mynta pat, la kumno-kumno, ka jingjia ka la paw heh ha khmat jong nga na ka liang jong ka jingduh bam lah ioh shuh, ia kaba nga dei katba ka long ban khang shisyndon. Namarkata, haba u shabi jong ka u la riew tiak ha ka jyngkhang, nga la pdiang sngewbha ia ka da ka jingsngew-shitrhem kaba la pynlyngngoh ia ka.

“Ko Beat,” nga la ong, “nga la kylla ka bamut.” Nga la theh lut phar la ka jingĩathuh

shaphang u nongwankai bam shym khmih lynti, ia ka jingiapyrshah jong nga bad ia ka jingbamieh jong u, bad ha ka jingmih baiakut iawai ia ka jingpdiang jong nga ia u Khrist. Ka la shu peit shlip ha nga, "Mick," ka la long khatduh khatwai, "U Blei Badonbor u la dei ban shoh-ïap ia phi. Nyngkong eh phi long u Roman Katholik ! Nangta phi long u Komunist ! Bad mynta phi ong phi long u Khristan !" Ka la shong trait ha ka shuki bahajan eh, bad ka la pynphai sha nga ba ngan peit ia ka pohjat ka juti jong ka, "Khristan, ne aïu phi ong ? Hato u Khristan un shah ia ka kynthei ba kan iaïd kylleng-kylleng kum ha kane ka rukom ?" Nga la khmih bad iohi ia ka kjat muja jong ka lyngba ka thliew baheh kaba ang ha ka snieh juti. Nangta nga la iohi ia ki jaiñ jakhlia bajot rathew ia kiba ka phong. Ki khmat jong nga ki la noh ngok ban jngoh sa sha ki jaiñphong la jong : ki patlun raked balati, bad ka sopti-poh ba la kad bad babit jakhlia. Uba kum uei sha u bieij matlah nga la long !

"Khmih hangne, Bih," nga la ong. "Ka long kordor kein ñiuma ba nga tip shaphang kane ka jingim thymmai. Hynrei shuwa ba u phajri un iehnoh ia nga u la iaathuh ia nga ia ka ban kynmaw lada jia ba nga shem ia lade ha ka jingeh. Ka la long kane : 'U Blei jong nga un pyndap ia ka jingdonkam jong phi baroh.' 'Chantrelle,' u la ong, u da shim ia nga na ka kti, 'Shim ia kata kumba ka dei ia phi hi ha la

marwei. Da tynjuh ìa u Blei. Nga tip Un nym iehnoh ìa phi.' Ngam tip aü phi don ban ong shaphang kata, hynrei nga bat ìa u Blei ha ka ktien jong u."

Nga la dem khrup ha ki khohsiew jong nga, bad la iohi ìa ka de ba ka leh kumjuh. "Ko Blei," nga la ong, "ngam tip shibún shaphang jong Phi, hynrei u phajri u la ìathuh ìa nga Phin pyndap ìa ki jingdonkam jong nga baroh. Ka tnga jong nga kam don shijur ki juti ba ideirukom ha ki kjat jong ka. Shaphang jong nga, ñiuma khmih ha kane ka soptipoh ha ka ingdong jong nga. A Blei, sngewbha ìarap ìa ngi. AMEN."

Ha ka sngi ka babud, uta u phajri (ka kyrteng jong u ka long u Sahep Joseph Currie) u la wan khot ìa nga kat kum ka jingpynbeit, bad u la ìalam ìa nga shabar. U la kylli ìa nga la ngan sngewsmat ban ìasynrán bad u sha ka jingiaseng ki kynthei ìa kaba u dei kitkhia. Nga la mynjur. Haba ngi la ìapoi ha ka kamra bah u la ong ba lehse ngan sngewbha ban phla jingshem mynsiem ìa ka jingsuk ba nga dang shem thymmai jong nga. Ha kaba nyngkong nga la kyrngah—hynrei ngam lah ban ong ba ngam ju mlien ban kren ha u puidbah, bad kumta u la pynkohnguh ìa nga ban kiew hajrong rynsán. Ngam tip aü nga la ong; hynrei imat u sngewbha, bad kumjuh ruh kiba sngap ìa nga.

Katba nga iakhublei khatduh ïa u u la pynkham ka enbelop ha ka kti jong nga. "Kawei ka mem ka la ai ïa nga ïa kato," u la ong, "na ka bynta jong phi." Nga la shim ïa ka, nga da sngewnguh ïa u na ka bynta ka jingsbun jong u. Ynda haba poi ha ïing, nga la plied ia ka. Ka la don ka lut shipound (kumb 15 tyngka). Kloi lan nga leit shim u let nga thoh hajrong ka enbelop : Ka jingjubab ïa ka jingdwai—shipound. Shijur ki juti 10 shilling ne shiteng pound. Ar tylli ki sopti-poh 9 shilling shiteng." Nangta, da u pin, nga la sam pyndait ïa ka enbelop ha ka khyrnit atoskhana, ha kaba nga tip ka tnga kam pep ban ïohi.

JOP KAT UWEI

A. H. 93.

F.

{ s :- .l :s |m :- .r :d |l :- :- |s :- :- }

1. 'Lei phim pyrshang jop kat uwei,
Bak na lynti ka pop ?
Iathuh jingieit u Jisu,
'Lei phim sdang mynta noh ?

Lang : 'Lei phim pyrshang jop kat uwei ?
Uwei ba laid sakma ;
'Lei phim pyrshang jop kat uwei
Bak sha lynti babha ?

2. 'Lei phim pyrshang jop kat uwei,
Tang da jingwiat ne ktien,
Kyntiew dohnud sh'u Jisu,
Dwai wat la shikyntien ?

3. 'Lei phim pyrshang jop kat uwei,
Namar l'u Nongpynim,
Bat jingmut kliaw jingkhuslai,
B'U shah shitom mynsiem ?

4. 'Lei phim pyrshang jop kat uwei,
Mynta ka kam la syier ;
Don ba nang iap hajan phi,
Ym dei ban dang pyndier.

LYNNONG VIII

KA JINGPHLA U SHIPAI

STANLEY W. SHRIMPTON

Don ar tylli ki jingong ha u Esekial XXXVI
ba nga lah ban shim kum ka kular u Blei ia
nga. "Ngan leh kham bhə ia phi ban ia kaba
sdang jong phi" (dk 11); bad "Nga u Trai nga
la kren ia ka, bad ngan leh ruh. (dk. 36).

Ym shym la ai ha uwei pa uwei ia ka ban
kha ha Piccadilly ; hynrei kata ka surok bah
London badonnám ka la long ka jaka ha kaba
la kha ia nga. I pa jong nga i la don ha ka jing-
trei hangta kum u bania rupa, bad ki kam
ki duk ha ka iing jong ngi ki suk bha
kynjai. Kumno re kumno, da kaba sniewbok,
haba nga la dap saw snem ka rta ka kylla lieng
ka kupar, bad ka jingshah jynjar ka la long ka
bynta jong ngi. I pa jong nga i kylla kitram
haduh u niuhmat ; ia ka jingtrei la pynsangeh ;
ia ka iing jong ngi la knieh na ngi ; bad ngi la
dei shong thad-lad ha surok. Ka la dei ban
pynpait dohnud ia i mei bapli, namar i la long
ka kynthei babha, basmat basting, badonbu-
rom, ba kwah ia ka babha tam na ka bynta la
ki khún la jong, ia ka ban treh pdiang ia ka jing-

tyrwa ai bha ban shong ha ka iingtrei ia kiba duk. Hynrei kaba kum keta ka la long ka nusip jong ngi Ngam ju lah laid lait ia ka jaka hikai skul Anerley khlem da poi kynmaw ia ka sngi ha kaba ka plie ia ki jyngkhang jong ka ia i bah, ia i kong bad ia nga.

I mei i la trei shitom ban ioh biang ia ka jinglong laitluid, bad kumta de ka iing ka la ialang kawei ha ki ar tylli ki kamra ha Abbey Wood. I pa, i da hiar na ka kam bania-rupa sha ka kam nongbylla-sngi, i la ioh kam bam thikna ha ki surok; bad kumta, mian pa mian, ngi la pynlang sawdong jong ngi khyndiat khyntsoit kiba pynhun ia ka longiing longsem, bad khatduh khatwai ngi la lah ban kham pynbha ia la ka jingshem jong ngi da kaba kynriah jaka sha iwei i iing rit.

Ka jingim, la kumno kumno, ka dang long hi kaba eh ; bad haba nga dap khatar snem ka rta nga la donkam ban tawad wad kam. Kaba die kot khubor ha surok, ban ioh ar shilling shi-teng (kata, kumba ar tyngka ei ei) shitaiew, ka la long baroh ba nga lah ban ioh kam ha kaba nyingkong. Khyndiat por hadien uwei u nongdie dohkha ba ialang lok u la pynioh kam ia nga da kaba tyrwa lypa ia nga hynriew anna. Namar ba u shah ia nga ban long nongiarap ia u katba u nang pynlut ia ka por ha ka iing-thiah-basa ba hajan, nga la shem ki lad bad ki lynti ia ka ban pynkiew la ka jingioh khlem da donkam pan

kyntiew tulop na u nongaikam jong nga. Kata ka la long ha ki por shuwa bam pat don ki kot die nokot kiba thoh dor hi.

Ha kane ka por baroh, nga shu dang leit skul hi por mynsngi, la nga sheptieng nga ioh jingmyntói tang khyndiat eh na kane kumba nga ioh na ki jingleit jingiaseng Skulpynpaw jong nga. Hadien ha ka jingim jong nga, u nonghikai jong nga jong kito ki sngi u la kynthoh ba ngam long "u riewkhuid ba dang sei shylluit." Nga don ka jingsngew ba u la pynhiar dor thala ia nga ! Haba nga la dap khatsaw snem nga la khublei khatduh ia ki sngi ka jingleit skul, bad ioh da ka kam rangbah. Nga la leit trei ka kam kyndat-ktieh ha ka wah Thames, bad ka kamram jong nga ka la long kaba stah pring ia ki khiew shet umthnam. Ka la long ka kam syaw ding ; hynrei nga la kohnguh sngewbha ban trei ha ka namar ka jingioh bainong heh jong nga lai phew shilling kata, arphew tyngka tam ei ei shitaiew.

Nga la don ar ngut ki hynmen shynrang kiba, khlem artatien ban lait na ki jingshem bam biang satia ha iing ha sem, ki la leit kylla shipai. Lehse kane ka la ai ia nga ban kwah ia ka jingim shipai, la ka jingiohi ia ki shipai ba ki shad shipai barobor ka la ju pyniapbieij ia nga. Shisnem hadien ba nga mih skul, nga la leit pyni ia lade ha ka ophis bapdiang shipai thymmai, hynrei da kaba sniewbok ia nga, ia

ka jingmynjur i pa ruh da donkam. Ia kane i la kyntait ban ai — la i la ai ia nga ei ei kaba la'iaineh slem slem ha ka jingkynmaw jong nga hadien ba ka jingpang dohnud ka la jem ! La pynkhlain jingmut ia nga triang, la kumno kumno, bad naduh kata ka por nga la kut jing-rnut ban kynrup ia ka lad kaba nyngkong eh kaba tyrwa ia lade ia kaba ngan long shipai.

Nga la dap khathynñiew snem shuwa ba ka lynti kan plie lad kylluid war. Nga la kiew kyr-dan na kaba kyrshut khiew shet umthnam sha ka jinglong shuwa u khynnah airong, nangta u khyn-nah moramot tyndong-nar-um bad khatduh ia-wai sha u khynnah ot doh, ha ka kam khatduh nga la sngew ia lade ba nga la kiew ha kliar jong ka jinglong donburom. Dei katba nga dang ia-trei smat bad kane ka kam ot-doh ba nga la lap ka jingshem ka bakhraw. Ka kynhún shipai ap shnong ka donkam shipai samla ym da donkam jingmynjur na ki kmie ki kpa. Ha kawei ka step Lah Sngi u Blei nga la mih na iing. Shuwa kata ka janmiet nga la shah thoh kyrteng ha ka Kynhún Tiar Garod Syiem kaba ha Kent. Kum u shipai uba shlur, nga la leit sha iing ban pynbthei khubór ba nga dei leit sha Dover ha kawei hi ka step. I pa i la shu pyllait suk ha kata ka kam da kaba kren kynthoh : “U la thaw hi la ka jynghthiah, ai un mat iathiah kata ha ka.”

Ka Dover, jong ka snem 1907, ka long ka jingai jingkynmaw bam khuid jingmut. Kaba

nyngkongha ka jingim jong nga ba nga la laitluid na ka jingbat pyrkhing bad nga la ïaid jngai ha ka lynti ka pop. Hadien khyndiat bnai nga la kynriah sha ka kynhún shipaithma bad la buh ha Woolwhich bad ka Kynhún Aptiar Kulai Syiem. Ka kam kyrshut khiew umthnam, tói, kaba la sniew la biang; hynrei ki ar tylli ki kulai ba nga dei khmih, ki la palat than ia ka pud. Nga la pynkohnguh ïa lade ban trei bad ka haduh ban da poi ka jingpyrkhat ban leit ïa trei lang noh bad i bah ha Gibraltar. Nga la thoh sha i, bad i pat, ba i da pyndonkam ki bor shipai, i la dawa ïa nga na ka Kynhún Aptiar Kulai Syiem sha ka kynhún shipai jong i hi ka Aptiar Garod Syiem. Ha u September (Nailur), 1908, nga la leit da ka jhad sha kata ka "kut Mawsiang."

Lai snem nga la long hapoh ka jingkhmih i bah. Nangta, ha ka 1911 la dei phah ïa i sha India. Nga la kylla long u sei-kulai ïa uwei u rangbah shipai nga da don lai tylli ki kulai hapoh ka jingsumar jong nga. La don shibún ka ban pynsngewtynnat ïa ngi (la kam long jing ïarap, nga sheptieng) ha ka jingim ha Gibraltar bad ka ri Spain ba shajan. Ha ka lyiur, ka ïaleh polo; ha ka aïom slap, ka behmrade; katba pateng pateng ngi ïadon jingpynmareh res, na ka bynta jong kata nga la hikai pynmlien bha bún bún na ki kulai. Katno tylli na ki kulai jong nga ki la jop, ngam ïai lah kynmaw shuh mynta hynrei shibún na ki lok jong nga ki la ïathong

tyngka na ka jingtip jong nga ïa ka rukom ki kulai. Kaba ïasei tyngka, la kumno kumno, kam ring jingmut ei ei ïa nga. Nga sngewmuja tang ha la ki mrad la jong, bad ka bainong jong nga ka long ban ïohi ïa ki mrad ba-itynnat na sem jong nga phlait ba ki lait ïa u dieng ïathong sha palat jong kiwei pat.

Ki jingsngewkynmaw jong nga ïa ka "Gibraltar" ki shoh rong bún rukom. Ha kawei ka jingjia, ha kaba nga ap ai jingbám ha ka ïingbám ki rangbah shipai, nga la dei ai bām ïa u Syiem Portugal ba ha kata ka por. Naduh ka snem 1914 shaduh ka bakut jong ka Thma-bah, la buh ïa nga ha ka jaka buh suloi ba heh ha kliar jong u Mawsiang kut, nga da ïohi kylleng sawdong ïa ki Jaka ïaid jhad. Wat ha kito ki sngi jong ka jingthait bad jingjrem met, la kumno kumno, la don ki jingïalehkai tamasa ba pynklet. Nga la pynlut shibún na ka por jong nga ha ka jingpynkhlain ïa lade da kaba sdien bajikor halor u dieng, nga da thrang ban kylla long u stad ha ka hikai khlain ha kano ma kano pat ka por hadien habud. Na ka bynta kata ka jingthrang mynsiem nga ai-nguh ïa u Blei mynta ka sngi. Ka la ïada ïa nga na ki katto katne ki kam jakhlia jakhlaid na kiba ki lok jong nga ki la liat. Ki jingpynshoi ki kynrei. Teng teng ngi la ïoh ban poi sha Spain. La don ki jingpyniatu masi, ki jingpyniapuh syiar—bad ki kynthei. Hynrei u Blei u la buh ka kti halor jong nga. Ngam nang ban kren Spanish

bad na kata ka daw ngam shym iakhleh bad ki trai-shnong kata ka jaka. Shisha kein, la dei kane ka jingbam nang kren, kaba la pynlong ia nga ban leit jngoh ia ka lingmane Methodist, ha ka ba nga la lah ban iakhleh bad katto katne na ki para-ri jong nga. U pastor u leh juh bha ia nga, namar nga long u shipai, bad ba u shem ba nga sngewbha ban rwai, u la pynkohnguh ia nga ban rwai marwei. Ha kawei ka sngi u la ong ia nga ban iasoh ha ka kynhún nongrwai. Ia kane nga la kyntait, nga da iathuh ia u shai ba ngam dei u Khristan, bad ngam kwah ban long u ar-sap. Bam pat pynkylla thymmai kumba ka long bad nga. nga tip ba u Tomi ba iakhalai bad ba kren beinblei um lah ban iaoh bynta hok ha ka jingshakri ia u Blei.

Dei u para shipai uba la wallam ka jing-kyrkhu ia ka jingpynim ia nga. U la poi bad ka pyrton shipai baheh na England. Ka kyrteng jong u ka la long u Gunner Jones, haba um pat long shipai u long uba leit jingleit; hynrei la u long ne um long shipai, u long u riewkhuid jong u Blei, bad u nongialap jong ka Gospel ba bamjukut. U la long u bam ju tieng, bad ka khubor jong u ka shoh ia nga man katba u kren. U la kren ia ka jingieit u Blei, hynrei um ju iehnoh ia ka hok bad jingbishar-hok jong U. Nga khlem da tip, u Mynsiem u Blei u la sdang ban trei ha ka dohnud jong nga. Nangta, ha ka wei ka miet Sngi u Blei u la ialap na u loannis Vi: 66—"Naduh kata ka por, bún na ki synrán

jong U ki la iakylla dien noh, bad kim iaiaid shuh lem bad U." U la ong ba, khongpong ia kaba ki briew ki ong. ka long kaba lah da kaba donburom eh ban long u Khristan ha ka kyn-hún shipai. Ym donkam ban long u arsap, lane ban bud na jngai. U Khrist u la tyrwa ka jingpynim kaba dap biang, kaba lah ban ri sumar ia ka mynsiem. La don 400 ngut ki briew kiba sngap ia kata ka khubor. Hynrei nga la tip ba kam dei na ka bynta ki 399 ngut, hynrei na ka bynta jong nga.

"U tip aïu shaphang ki shipai ?" ka jing-sawa ka la ong ha nga, katba nga mih na ling-mane. "U la long u shipai ba tang ha ki por thma. Um tip ei ei shaphang ka jingim shipai bashisha." Kumta nga la pyrshang ban pyn-phet ia ka bor-ktah jong kata ka kynta na ka jingmut jingpyrkhat bad dohnud jong nga. Nga la leit phai sha ki iing-shong shipai, bad nga la iakhalai kumba mynshuwa. Hynrei ha ki hynriew sngi ki babud nga la don hapoh ka jingsngew kynduh jur jong ka pop. Ha ka Sngi u Blei kaba bud, nga la don ha ka lynti sha ka iing-die-kiad Royal Bar ha kaba nga la ju pynlut bún ki janmiet ha kaba iakhawai. Nga la don tang marwei. Katba nga nang iaïd baroh shilynter ka surok, ba la iaï pynshitom jingmut da ka khubor u Gunner Jones, ka jingpyrshah jong nga ka la jah kynsan jar. Ka jingsuk na u Blei ka la shlei ha ka jingim jong nga. Nga la ioh jingkylla ka bamut. Ha ka

shikhyllipmat, nga la long u jynghaw bathym-mai ha u Khrist. Ka jingkylla ka la urlong mar ryngkat bad ka jingiaseng dwai ha kaba u Gunner Jones bad ki paralok shipai Khristan ki dang iasaid na ka bynta ka mynsiem jong nga.

Ka jingpynim, nga la shem shen, kam mut kaba lait na ka jingpynshoi. U nongshún u la wan ban ialeh. Hangno te ngan leit? U la suhbit ba kan nym pynmysaw ei ei lada nga iai leit ha ka lynti jong nga sha ka iing-kiad. Da kumwei pat, u Mynsiem u Blei u la ialam ia ki jingpyrkhat jong nga sha ka lingmane Methodist ha kaba nga la ju leit jingiaseng la búnsien. Iaroh ia U, nga la ioh ka jingjop Khristan banyngkong halor ka pop. Ha kata ka lingmane, ka jingiaseng dwai ka nang iaid. U riewkhuid batymmen jong u Blei u dang ai jingbatai na ka Ktien. Ha ka bawai u la ong: "Ka jingiaseng mynta kan long jingiadwai." Ba nga tip ba "la kha arsien," ia nga, nga la kwah ia ka ban phla. Hynrei ngam pat ju dwai mynshuwa, bad ngam tip aifu ban ong. Ba la iarap ha ka jingtlot jong nga, nga la ieng joit, bad la iai kren ia ka jingdwai u nongkhrong: "A Blei to isnei ia ngi, u nongpop."

Ha kata ka miet, haduh lajan khatar baje, ngi la iarwai iaroh ia u Blei namar ka jingbha jong U. Nangta nga la leit phai sha ki iingshong-shipai, ban iapeit pyrshah ia kaei ba nga tip kan long ka ding jong ka jingtynjih. "Phin

nym lah ieng," la ong u ksuid na krung. "Khmi^h aïu phi la ju long ! ki samla kin iarkhie bein ia phi, bad khmi^h lynti ia phi ba phin ia-shim kti lem ha ki kot iakhalai kumba mynshuwa. Ki la dang iakhalai ha ka por ba nga rung, ka Baibl thymmai ha ka kti jong nga, ba la plied ha u Ioannis XIV. Nga la kut jingmut ban pynlong ia kata ka lynrong ka jingphla jinggeit jong nga. Nga la pule ia ka ha ki lok ba leh lyngngoh jong nga, bad, da kaba tap ia ka Kot, nga la dem khohsiew khrupharud jyingthiah. Nga la kloi ia ka basniew tam ba kan wan jia hynrei phewse, man u briew u iabuh jarjar la ki kot iakhalai haduh ngan da ieng. Naduh kata ka sngi haduh u Naiwieng (November), 1919, u Trai U la pynlah ia nga ban dem khohsiew bad miet la bad step ha khmat ki briew jong ka kamra shong shipai.

Ka kynhün shipai Gibraltar jong ka Salvation Army ka la ai ia nga ka lad banyngkong ia ka jingshakri Khristan. Ha ka snem 1919, ynda nga la iehnoh ia ki shipai, nga la leit sha Cardiff ban shong. Hangta nga la ioh la ka bäm kum u draibar tram, nga da ialap ha madan bad ha ki iing-thiah-basa paidbah katba plie lad. Nangta u Blei U la khot kham thikna sha ka kam jong U bad nga la long u nongtrei, lang bad ka tnga jong nga, ha ki iingshong u Sahep Feyan. Hadien nga la ioh jingtip ia ka kam jong ka Mishon Sorbah London bad ha ka snem '25 nga la pän kam na kata ka Jingialang. Nga tip

ba ka Komiti kan artatien shaphang ka jingnang jong nga. Ka jingtip Baibl jong nga ka long kaba dang duna. Hynrei u Trai U la shimti, bad hapoh ka jinghikai nga la nang pynroi la ka jingtip barit jong nga, bad la pdiang khatduh khatwai ia nga kum u phajri mishoneri.

Ka jaka trei jong nga mynta ka long hapdeng ki bañiah taksi jong ka London ba sha liang shathie. Nga la ioh ka jingkmén ha kaba ialam bún ki mynsiem sha u Khrist, hapdeng jong ki don ki len-blei, u Jiw bad u Roman Katholik. Kaei kaei kaba sngewphylla tam na baroh ka long ka lynti ha kaba u Blei U la ialam ia nga ym duna ia ka khatar ngut ki briew ia kiba ngam shym la iohi la kumno kumno arphew snem, hynrei kiba bad kita nga la ju ialang ha ki sngi ka jingham pat pynkylla thymmai ia nga. Kine baroh ki la iohsngew ia ka jingíathuh jong ka jingshem jong nga shaphang ka jingaiei u Blei, bad don na ki ba nga don jingkyrmen shibún. Uwei u long u pulit íaid syntiat jong ka Scotland Yard; uwei u die ri majai ha surok, bad u im ha ki íing-shong-basa paidbah. Uba hadien u ju sei tyngka ha ki kulai ba nga hikai, bad u la duh lut ka tyngka jong u baroh ha kaba íakhalai. Nga thrang ban long ka jingkyrkhu ia u pat mynta, kumba shisien lehse nga la long u mawjynthut.

DEI BAN TIP KI BRIEW BAROH

A. H. 32.

Ab.

{ :s₁ |m :m .m |x .d :x |d :- |s₁ :- }

- 1 Nga don Nongpynim baphylla eh,
Jingbha jong U ngan iai iarah,
Ia nga U iarah kat sha ba leit ;
Dei ban tip ki briew baroh.

Lang : — Dei ban tip lang baroh,
Dei ban tip lang baroh ;
Nga don Nongpynim baphylla eh,
Dei ban tip ki briew baroh.

2. Jingieit, jingisnei ba khlem kut trai,
Jingkmen ruh bashlei U pynioh,
U kynsai ha ki shiphew hajar,
Dei ban tip ki briew baroh.

3. U da ha jynjar ba ker tawiar,
Jingbha, jingaiei ruh U noh,
A, katno ngam lah khlem da mane,
Dei ban tip ki briew baroh.

4. Jingim bad jingieit ai Un shim lut,
Lynter ruh ha U ngan iai snoh ;
B U wallam jingpynim baphylla,
Dei ban tip ki briew baroh.

LYNNONG IX

KA JINGSIEWSPAHI A U SAMLA IAKHALAI

C. F. BOSLEY

Ka jingĩathuh ha ka Gospel ĩa ka jingpyn-koit ĩa u bapang-ĩapshiliang ka ai ka jingshonkhia ka bakyrpang ha ka byĩta ba la shim da ki saw ngut ki lok kiba la raħ ĩa u sha u Kynrad. Uba ĩathuh ĩa ngi u ong ba ka la long "Haba u la ĩohi ĩa ka jingngeit jong ki," ba u Trai Jisu U la kren ki ktien ka jingmáp bad ka jingai jingkyrkhu ĩa ka met ha uta u briew uba la pang shitom. Uwei pa uwei na ki saw ngut u lah ban sngewkmenha ka jingpyrkhat ba u la long u atiar ha kaba pynĩoh ĩa kane ka jingai bakordor ha u lok jong u. Hynrei ym don ba lah ban dawa tang ha lade hi ĩa ka burom baroh. Da ka jingĩapyrshang ba ĩaleh lang, ka jingbah bam lah siew dor ka la wan ha u briew uba pang tlot. Hato kata kam long kumta barobor ? Shaphang jong nga hi, katba nga phai ban jngoh ĩa ka jingim bakynja mynsiem jong nga, nga ithuh da kaba sngewnguh ba dei da ki bún rukom ki jingpynĩaid, kiba ĩatrei lang kham tam eh da ki jinglongbriew ba la pynkyntang, ka jingkyrkhu jong ka jingpynim ka la wan ha nga.

Haba kren na ka liang briew, ngam shym pynlong ka jingsdang kaba da pher khyllah. La kha ïa nga ha ka khim jakhlia ba ha London jong ka phang Shathie. Ha baroh ar dong don ki ïingkiad. Hangno re hangno hajan pdeng la don ka kamra mishon ba-iduk. Kawei na ki ïingkiad ka dang ïeng haduh mynta ; ka basah baroh jong kata ka khim ka la kynjah, ba la sar noh da ki jingshna pynbha ïa ki ïing ha kata ka phang. Hynrei ka jingpynjot ïa ki maw bad sorki kam lah ban pynduh noh ïa ka jingkynmaw, bad ngam sngewmat lah klet ïa ka jingshem shitom jong ki sngi khyannah, ba la pynlut ha kito ki rúd ki kiar isih bakylla btái.

la ki khyannah jong kata ka khim, ka lynti siang maw bad ka kyrdon maw ki la long tang kita ki jaka ïalehkai. Ka babún na ka por jong ngi la pynlut habar ka kamra mishon, bad kum u khyannah rit búnsien nga ju sngap ïa ki jingiaseng ba ki pynlong hapoh. U phajri Sorbah London u dei shinti, bad katba u ïalap ïa ka Gospel, nga ju shong ha ka kyndon jing-khangit, bam don ban iohi, hynrei u nongsugap u bashah shker bha. Wat naduh kata ka por, kaba sngewphylla shisha, nga la don ka jingkwah ban long ruh u nongiathuhkhana, bad nga la ju leit sha jingthiah da kaba pynim jingmut ïa la ka jingpyrkhat ba shisien ka sngi ngan sa lah ban pynbang ïa ki nongsngap da ka jing-kren jong nga. Ka jinglah ban long kumta ha kata ka por ka paw jngai jngai na nga, hynrei

ka jingkwah long ka ïaidon, bad ka pynshoh-bieij ïa nga katba nga dang thiah pyrkhath ha i jynghthiah rit ba la shna ïa nga ha iingshetja. Khatduh khatwai, haba ka jingsawa ka la kynjah haneng jong nga. ba la pynlong da ki phra ngut kiwei pat kiba ha ïing kiba ïashong ha ki ar tylli ki kamra ba halor ar mala, nga la ïohthiah noh ngak, ban phohsniew biang ïa ka jingthrang dohnúd ba sha khlich jong nga.

Bam don mano mano ban ïalam ïa ki kjat jong nga sha ki lynti kiba kham dei, katba nga nang san nga la búd ïa ka nuksa jong kiwei pat ki para khynnah samla kiba ïaryngkat rta bad nga, bad ha ki bún kiei kiei nga la kylla long u kynja nongïalam. Ki kam jakhlia jong kiba la san hapdeng jong ngi bad kiba ngi ïashong kim long ki barieh ha ngi, namar ngi long man ka sngi ki nongkhmihkai ïa ki jingleh kiba pynmih ka jinglong sniew akor ha ka long-briew bad ka pynduh ïa baroh ki jingshemphang kloi bani jong ka mynsiem. Ka ïakhalai ka la kylla long ka jingtehmraw bakynsai jong nga, bad nga tbit bha ha ki har rukom jait jong ka. Naduh ki sngi ba dang rit jong nga nga la ju ïalang lok bha bad kiba ïapynïakhalai, bad kiwei pat ki dkhoh jong ka kynhún pynïamarehthong, ba la ïai pyndonkam ïa nga da kiba kham san kum u nonglam khubor ha kaba rah ktien ïa ki jing-ïathong. Haba nga la sdang kamai katto katne paisa na ka bynta ïa lade, ngi la pyndonkam sngewbha ïa la ka lad ha kaba pynin-

sngi ia la ka jingsngewbang ba la pynsan pynrangbah bha sha kane ka kam lamwir ba long bih.

Ha kane ka por, nga la ialang bad ka kynhún ki khynnah shnong ha ki har rukom ki jinglehkulmar. Ngi la long ka jingpynsheptieng ia kiba pli kiba iaaid hok, ia kiba ngi la pynsalia da ki bún rukom. Ki kam runar jong ngi, la kumno kumno, kim long ki bam shym iohi da ki pulit, bad ha kawei ka janmiet ynda katto katne na ngi ngi la wan jngoh ia ka thiatar ha kata ka thaiñ, la kem ia ngi katba ngi dang iaiaid baroh shilynter ka surok Walworth, bad la kynnoh na ka bynta ka jingialeh pynkhein burom. Ngi la pynlut ia kata ka miet ha thanat. Ha ka Lah Sngi u Blei ka babúd, ngi la hajir ha ka iingkashari Pulit Lambeth. Ynda la iashah mai bad mahám ban nym iai mlien ha ki lynti basniew jong ngi, ngi la iashah shain kuna, ka jinghap siew jong nga ka da long 7s. 6d (kata, kumba san-piah ei-ei). Ka kyrdan pohjait basniew sat jong ka akor briew jong nga ha kata ka por lah ban bishar da ka jingshisha ba nga siew ia kane ka kuna na ki jingpynlang kiba nga la ioh bat kum u sekreteri jong ka kynhún ialeh phutbol.

Ha kane ka por baroh nga dang iai leit hi sha ka kynhún jingialang ki khynnah ba la pyniaid ha ka kamra mishon. La ka tawiar kynhún ha kaba nga iadon bynta ka la leh ibein khop ia ka jingai iing sngewbha ba la

pynbiang kumta ia ngi, ka da pyndonkam ia ki lad baroh ba ka iing bad jyngebuh jyngsat ka ai ha kaba ngin pynleit por ha ki jingkwah brai iakhalai jong ngi, nga ainguh ia u Blei mynta ba ia une u ksai sha kiei kiei ba kham donburom la pynsnoh Dei lyngba jong kane ka jingia-tyngkhuh, haba shu ai rukom, ba nga la ioh jingtip shaphang ka jingkylla ka bamut jong uwei u briew hangta, uba ka jinglong jong u ka la pynlong ia u u babúdnám ha kata ka dong baroh kawei. La u la shuwa shibún ia nga, nga la ithuh bha ia u, bad u long u sakhi jong ka jingkylla baphylla, ba ka jingpdiang ia u Khrist ka la lah ban pynlong ha ka jingim jong u. Ka kyrteng jong u ka la long u Harold Cleave, shisien u buaid bad u nongiakhilai, bad mynta u Phajri Sorbah London ha ka ling siew Khrong-khajna Ka jingim ba la pynthymmai dur jong u ka la long ka nuksa kaba pyni shai tyngkrein ia ka ban pynsngewthuh ia ka bor u Khrist ban pynim bad da kaba sngewthuh tipbriew shano ka jingim jong nga kan lam bad ia ka jingmih bam lah lait nangta lynda nga pynkylla noh la ka jinglong, nga la sdang ban pyrkhath jur.

Kumba ha kane hi ka por, kawei ka bor-ring thymmai la wallam ba kan ktah ia nga. Nga kynmaw bha ia ka jingiakhiih mynsiem ba ha kata ka khim ha kaba la tip ba la thung Phajri Sor thymmai sha ka kamra bah, hadien jo g ka shiphang por ha kaba ka jingkhmih

pynbeit ba kum kata ka duna. Ka kyrting jong u ka la long u Sahep Oldham, bad nga, hapteng kiwei pat, nga ainguh ia u Blei ba u la jia wan poi sha kata ka thain. Kum ban sdang noh, shen shen u la pynpaw ia lade hi uba iasngewthuh bad ngi ki khyenah. Ka khmat ap sharai jong u imat kumba ka don kylleng ki jaka baroh, bad u la shem shen shen ba katto katne na nei ngi iajuh ban leit sha ka jaka mishon da ki jingthmu ki bam dei rukom. Sbun hynrei da kaba pyneh triang u la pynsngewthuh ia ngi ba kiba kum kita ki jingpynmlien ki dei ban sangeh noh Kane ka jingialulia bad ki jingbeh brai jong ngi ha ka iakhalai ka la pynwan ka jingiadom bajur, bad ngi la kut jingmut bad pynhiarkput. Ha ka taiew ka babud, nga la ialam ka kynhun, kiba da iapyrkhun lang baroh ban pynjynjar, sha ka jingiaseng miet poh-ia. Ki jingthawbuit jong ngi, kumno re kumno, ki kylla lait sharud, namar ngi la wan noh na ka jingialang kiba la pynkular ban leit phai ha kawei pat ka taiew, da ka jingthmu shai ban pynphret lut ia ka jingiakren baroh shaphang ka jingmlien iakhalai. Ha kane ka kynti da ka jingnud ban leh arsap, nga la kren pynrem ia ka iakhalai kum ka pop, bad la pynngeit ia kiba bud ia nga ban pyni ia ka jingsngewpyrshah ia kane ka jingmlien da kaba iarah kti. Hynrei lada nga la jop ha ka jingpyniasaidnia, nga la shah jop pat ha ka jir gim jong nga, bad nga iai pynmlien ia kaei ba nga tip ba ka long ka basniew.

Kane baroh, la kumno kumno, kam lah pynhun ia ka mynsiem jong nga. Nga tip ha ka dohnúd jong nga ba uta u phajri u dei, bad ba nga bakla. Lehse kata ka long kawei ka daw balei la shem ia nga búnsien ba nga shait juh ka leit shang sawdong ka jaka mishon. Ha kawei ka miet, katba nga dang ieng habar, u Sahep Oldham u la khot ia nga. Nga nang ban tem jingtem? Nga ong ba nga nang; ka jingong kaba nga la shem jingeh ha kaba pyni, namar ka jingnang rwai jong nga ka long shai kaba da duna than. La jar katta ruh, la khot ia nga shapoh, bad nga la shem ia lade kaba nyngkong ha ka jingim jong nga hapoh ka jingiaseng dwai. Nga la shemphang ba ka jingsngewstad jong nga ka la wallam ia nga khak ha kyndong. Hangta nga la dei ban shong ha ka stúl tem jingtem, katba ki lok Khristan kiba iawan jingiaseng ki la ker tawiar ia nga, ki da dwai shai kdar na ka bynta ka jingkylla ka bamut jong nga hi sha u Blei. Pyrkhat katno ka jingsngewlait mynsiem jong nga haba khatduh khatwai nga lait na kaba shah set kut!

Nga tip ba kiei kiei ki iai jia ha kata ka iing Gospel ba iduk. Ki lok samla ba-iaithuh ithaw jong nga ki iaphla ba ki la ioh jingpynim, bad ki dang iaphla ia la u Nongpynim. Nga da sngewthuh bha ba nga la ioh kem ia ka jingleh kyrpang jong une u phajri ia rga, katta ruh nga iai shang tawiar shajan shajan, bad ha kawei ka janmiet nga la pyndem ka mon sha

ka jingsngewkwah bam lah ìaleh pyrshah jong nga bad nga la rung sha ka kamra bah. Ka tarik ka long kawei ba ngan nym lah klet lano lano ruh—22 tarik u Nai Risaw (October), 1924. Hapoh ka kamra, u phajri u la don lang bad shibún ki lok samla, kiba la ìasapra kloï ynda nga la rung ma nga, bad ki la ìa ieh-noh ìa nga marwei tang bad u Sahep Oldham. Khlem pynlut por u la kylli pyrshah ìa nga ìa ka jingdonkam jong nga ìa u Nongpynim. Kum kiba bún kiwei pat ki mynsiem ba la pynmaïa nga la phai ktien kylla ba don ka jingpha lade kaba palat than kaba mih na kaba pdiang ìa ka jingpynim. U phajri, la kumno kumno, u la jubab ìa nga da kaba ring lain da u shok ha madan. Ha kawei ka liang u buh u dak J; ha kawei pat ka liang u dak I. Nga dei ban long uba la **jot** lane uba lait **im**—ym lah lait de kumwei pat.

Ka jár ka la dang ker tawiar ìa nga. Mian mian u phajri u la buh ìa ka kti jong u saw-dong ki tyrpeng jong nga, bad u la sdang ban spel:

Ha khmih na khlieh, na kti, na kjat,
jingsngewsih-ieit ki wan tuid lang.

Ha kata ka khyllipmat ìa ka jingithupaw la pynpaw. Nga la ìohi ìa u Khún u Blei ba U sdien halor diengphna, bad ka la long ka

jingsawa jong U ba la ong ha nga : “Dei ia phi.” Nga la phai sha la u lok. “Ngan pdiang ia u Khrist mynta ka miet,” nga la ong. Lang ngi la iadem khohsiew, bad ia ka jingim kynriang samla jong nga la aiti sha u Blei.

Katba nga nang leit iing kata ka janmiet, nga la sdang ban sngew ba nga la pynlong u bieij ia lade. **Ba la pynim ?** Ka mut aü ? Ngam shym sngew pher ei ei mynta na kaba nga long mynshuwa ba nga leit rung ha kata ka kamra. Hynrei ha khmat jong nga dang don hi kata ka jingithuhpaw jong ka diengphna, sha lyndet jong ka nga lah ban iohi ia “ka jingdum jong kata ka krem jyngtep bai-ngiew” sha kaba nga tip ia lade ba nga la nang phet stet ! Ha iing, kiwei pat ba ha iing ki la ialeit thiah noh. Nga la bret kram ia lade harüd jyngthiah ha iingshetja, bad nga la pyrta ia u Blei shiteng miet, nga da kyrpad ia U ban leh ei ei bad ka jingim jong nga. Ka jong nga ka la long ei ei kum ka jingiapynkut dor u Jakob. “Trai,” nga la ong, “lada phin pynkylla ia ka jingim jong nga ngan shakri ia phi.” Ia kata ka jingdwai la iohsngew. Haba khatduh khatwai nga la iohthiah ka la long ban kyndit thiah da ka jingsngewthuh badap biang jong ka jingpynim, bad ka jingkmen ka bam ju la iehnoh ia nga.

Nga la long ha kata dang khathynñiew snem. Ba nga kwah ban shakri ia u Kynrad thymmai jong nga, nga la phla ha khmat ki

para baia treilang bad nga, bad nga la donbok
 ha kaba ioh ialam katto katne na ki sha ka jing-
 shai jong ka Gospel. Kane ka jingkwah ia ka
 ban shakri ka nang jur, bad khatduh khatwai,
 da ka jingbha jong u Blei, nga la shem ka jaka
 trei kum u nongphla Khristan da kaba iaid die
 Baibl bad kot niam. Haden hadien, u Trai U
 la ialam ia nga ban pan jingtrei na ka Mishon
 Sorbah London, bad ynda la pdiang, la thung
 ia nga ban sharai hapoh bad sawdong ka Surok
 Old Kent. Ki snem ba nga pynlut hangta, ha
 ka nongbah ka Cockneydom, ki long ka jing-
 sngewkynmaw bakordor ia nga mynta ka sngi,
 katba nga iaineh ha la ka jingshakri jong nga
 hapoh ka jingkhmih ka Mishon kum u phajri
 ha Morden.

U KWAH IA U NONGPOP DUK KUM MA-NGA

A. H. 129.

Doh is D.

{ :d .d |m :m .m |f .m :r |m :d :- }

1. Nga iohsngew ia khubor baphylla eh
Ia u Khún ha burom ba ha Khlieh eh,
U da wad kum ia nga, uba sniew tói katta,
U kwah i'u nongpop duk kum nga.

 - Lang : U kwah i'u nongpop duk kum nga,
Jingieit baphylla, kat kata !
La snám U pynmih namar jong nga,
U kwah i'u nongpop duk kum nga.

 2. Haba i ba U dem ha ka diengphna,
Haba sngew prek banep ia U ki sah,
Haba i snám ka tuid, ba U ieit nga u núd,
U kwah i'u nongpop duk kum nga.

 3. Hoid U kwah ki nongpop kordit baroh,
Ki ksangti U da kner ba Un pdiang noh,
N'U Jisu ngam phet shuh, haba daleilei ruh,
U kwah i'u nongpop duk kum nga.

 4. Hoid, U kwah da la kti ia nga b'Un ksah,
Da jingieit bah ia nga ba Un kdup noh ;
Hoid U kwah ba ngan sah lem bad U lynter-sah,
U kwah i'u nongpop duk kum nga.
-

LYNNONG X

U SAMLA PHYLLIEW BITOR KIAD

G. W. SKIPPER

"Khynnah, sngap ka khubor ia phi ! U samla George u la ioh jingkylla ka bamut !" Shikuri ne palat ngut ki briew ki la iasangeh ka trei bad la shu iapeit lyngngoh dhang khlem lait ang ha u nongkren. Nangta, ynda uwei hadien uwei ki la lait kren, ki la pynpaw, da ki ktien krenbeinblei, ia ka jingbamsngew lahngait jong ki ha kaba kum kata ka j nwan iathuh. "Kylla ka bamut ? U George jong ngi ?" la kylli u bajan tam na ka kynhún. Nga paid ka khmat jong nga. Balei, phin sa iathuh ha nga pat ba ma nga ngam kylla dih shuh. Wat wan iaid ban kren jakhlia shane. Nga iathuh ia phi ba lada u samla George hi u ioh-sngew ia kaba phi pynlong kam kai ia u un shamok dar ia ka shynrong khlieh khleh bieii jong phi."

Hynrei ia u nongrah khubor ym lah pyn sngap jar satia da kaba jem. "Phi sumar ia la u thylliej tien-don-akor la jong ha ka khlieh jong phi, bad pyllait suk ia lade na shibún ka jing-shah shitom," u la kynthah ha u para baiatrei lem bakren bein ia u. "Ngam wan iathuh ia phi ka puriskám ki tymmen kynthei hynrei ia ka

jingshisha bakhia. Nga la ioh ia kata na u George hi. Hamar ba nga dang wan rung ha ki khyrdop iingshetkiad, nga la iakynduh ia u, ba u pynheh la kat u 'iar-ryngkuh samla. "Are George," nga la ong, "Ka bok aïu mynta ka por phi ioh? Phi la palat biang ia lade ha kaba bat kiad?" Hynrei u George ym imat ba u iohi ia kaba nga mut. Da kaba leh khia thew la kum u phajri tymmen hi, u shim ia nga na ka kti, bad ong: "Bill, lok barim, nga la iadep katto bad ka kiad. Ka lah ban long ba ngan dei iaphylliew bitor lem kum ma phi baroh, namar nga dei ban kamai ban ioh ia la ka bâm. Hynrei ngeit ia nga ba ka leit lut baroh ha u bitor hadien habud, bad ym sha updot jong nga shuh. Hynne ka miet nga ioh jingkylla ka bamut. Nga lah shim ia u Trai Jisu kum u Nongpynim jong nga. Bad kata dei kata!"

Ki jingïarkhie kyrhuh ki sawa ha ka jing-iathuh. "Phi long u bieij uba kham khraw ban ia kaba nga pyrkhat ia phi, B ll," la kren kynthah uwei na ka kynhún. "Phim iohi ba u George u dang ring pat ban pynkyllon na ka kjat jong phi?" U Bi l u la kren pyrshah ba um shym dei u bieij, bad ba ym slem ki baroh kin sa ia iohsngew ia ka jingïathuh na ki rymmiang shyntur u George hi. Ka jingpeit ba-isaitmet nangta ka la kiew ha ki khmat jong u ba kham rangbah. "Ngam ngeit ia ka shikyntien ruh," u la kren jam, "hynrei nga iathuh ia phi baroh ba lada u George ne mano mano uba

wan sha kane ka kam phylliew bitor kiad da ka jingiakren niam pynkjeh khúnlung, ngan shamok tynggeh tynggeh ia kata na u khəm stet ban ia kaba nga dih shi klat ka kiad na kaba bha tam eh."

Ngam shym la don ka jingsngewthuh bakla satia ia ka jingkhieh kulmar ba yn pynlong hapteng ki para baïatrei jong nga da ka jingleit pynbna ia ka jingkylla ka bamut jong nga. Te pynban, la katta ruh, ngam shym la pynkhreh ia ka jingleit iohi ia ka jingleh ibein sniew mynsiem kaba la wan ha nga haba khatduh khatwai nga la buh la ka khlieh ha ka jynghang. Ki la dang ia ap lut ia nga baroh, bad la ker tawiar pynstet ia nga da ki jingthnam jong ki jingkylli, bad ba la pynrap de bad ka jingkren sniew. "Une la wan. Alle hangne, khynraw. Mynta phi lah ban pynlamler da lade hi ia kane ka jingkren khleh bieij. U Bill u ong phi la ioh hana ka jingkylla ka bamut. Ai ngin iohsngew aü phi don ban ong shaphang kata?"

Katba nga phai dien biang sha kane ka jingleit iohi, nga phylla ha ka jingaiei ba dei ka jong nga ha kata ka khyllipmat, kaba pynlah ia nga ban phla ha khmat kata ka jingtawiar ki lok kiba byrngem bad iarkhie-bein. Bad pynban, ngam ju la duna ka jingshlur, la kumno kumno na ka rukom jait leh ki mrad.

Nga la pda plum ia lade. "U Bill u dei," nga la ong. "Lada phi kwah ban tip, nga la rai hynne ka miet ban long u Khristan, bad ngan nym phai dien na kata."

La don beit ka dorbar soitán bapaka jong ka jingiahalla bulla ha ka jingpyrkhat ba nga kylla Khristan. Hynrei na ka jingiahalla bulla la kylla mian mian pat sha ka jingshah kynthah sni bakthang katba nga bad la ka ingdong ba kynshah ha ka kynroh, nga la peit pyrshah ia la ki lok para baiatrei lem jong nga. "George Skipper u Khristan !" ki la iajléw. "U samla phylliew bitor kiad ba un kylla riewkhuid O, nga paid ki khmat jong nga, ka la bha than eh ! U briew basniew tam eh ha iingshetkiad un kylla mynleh riewblei ! Khmih hangne, samla. Ia ka budnám jong phi ym lah ban pushara lieh shuh da ka jingkren niam. Uwei pa uwei u tip u khynnah uba kumno phi long Lehse phi sheptieng ia ki pulit, mo, bad phi tharai phi lah ban iaid buhrieh na ki da kaba shu deng u shandang phajri ha ka ryndang jong phi." Kine, bad kiba kum kita, ki jingkren kynthah, kiba la pynkhynwin ia ki lok jong nga.

Ka long baroh kaba shisha. Uba sniew haduh katno ba nga la long, nga la tip ia lade ha kata ka khyllipmat ia kaba ngam ju la tip mynshuwa. I pa i la hikai ia nga ban dih bad ban smái bad nga pynpaw uba shah hikai bha.

Shuwa ba ngan lait na ka jinglong khynnah jong nga nga la kylla long u nongialam rangbah ha ki har rukom ki pop, bad ryngkat bad kiwei de kiba na ka jait kum ma nga ngi la pynshyrkhei ia kata ka dong. Ia ki mat kti jong nga la tieng, da shibún kiba kham san ban ia nga katba ki kmie ki don daw ban kren sneng ia la ki khún bən nym ialang lok ha ka jingialang ha kaba nga don ma nga. Haba ngam shym da buaid than eh tang kat ban tipbriew, nga la pynlut la ki por ba nga lait ki jong nga ha kaba iakhalai ha ki kyndong bad ki lynti iaid badum, nga da sumar thik pa thik ban don ha ki jaka bam poi pulit.

Haba khatduh khatwai nga la ioh jingtrei ha ka iingshetkiad kata ka dong, nga la jam ha ka lynti basniew tam ia kaba lah ban pyrkhat ha ki akor briew ki jong nga, namar la pashat beit ia nga ha ka lynti jong ki jingpynshoi ha kiba r ga ngop de kloī. Ka kam phylliew bitor kiad hi ka ai kyrhai ha nga ka lad ia ka ban pynhun la ka jingsliang kiad bapynbuaid, katba ki paralok kiba nga iakhleh ki la long baroh na kajuh ka rukom briew, kumba long ma nga, bad ki pynshlur ia nga ha ki jingmlen baja-khlia jong nga. Ha ka jingshisha nga la bit bha ia ka dujok ding.

Ka jingkylla ha ka jingim jong nga ka la wan ha ka rukom kaba phylla. Ngam kynmaw ba nga la ju rung ia kajaka mane ha ki por ka jinglong khynnah jong nga. Kam ju long ka

rukom ha iing jong ngi ! Haba nga la kum leit la shu ring patóm iā nga hangta. Ka jaka khmih pastor ha kaba nga la don ka don u pastor ialap ba im mynsiem, uba bsuh ha ki nongtrei jong u da ka kynja jingshitrhem mynsiem jong u hi na ka bynta ki mynsiem briew. Hapdeng jong kita la don u nongialam jong ka Skul Pynpaw ki khynnah, u bam sngewhun iā ki khynnah samla ban shu poi kai sha ka Skul Pynpaw, hynrei u da pyndonkam ki buit bad ki rukom leh jong u serjon shipai ha kaba pynwan shipai thymmai, u la mih shabar sha ki surok ban wad iā ki, bad u la pynkohnguh iā ki ban rung. Dei ha kawei na kine ki jinghiarthma ring shipai thymmai ba u la iakynduh bad nga. Ka jong ngi kam shym long ka jingialang baheh bad iā ka nám jong ka la tip bha sha bún na ki pastor, bad, une u nongtrei ba palwán hapdeng ki khynnah u la ithuh iā nga shisyndon. Ngam shym khmih lynti eh ba un khot iā nga sha ka klas jong u, bad nga dang pynkhreh ka jingkren kynthah basniew shyntur, katba, da ka jingsngewlyngoh ngain jong nga, u la kynrup iā nga na u jyngeth ryndang sopti, bad u da bat skhem skhak iā nga da ka jingksok bat ba ngam lah ban lait, u la ong de : “Alle samla, nga kwah iā phi ban wan sha ka kamra bah Mishon bad nga.”

Uta u briew u long u bastad ha ka buit ialehthma. Ka jingpynap jong nga ka pra wur,

ka jingīapyrshah jong nga ka twa thiaw. Ha ka dohnud jong nga, nga la sngew burom shi-syndon ia u trai kata ka kti kaba la bat skhem skhak ha ka jyngteh ryndang sopti jong nga. U la wallam ia nga ha ka jyngkhang ka kamra mishon wat shuwa ba ngan tip hangno nga don. "To, kein, katto," u la ong, ynda, u la shop ia nga shapoh. "Hangne dei ka klas jong nga. Mynta shong khop, bad sngap ia nga."

Ka la don ka jingsngew lyer bapher ia nga, naba ngam shym la ju leit jingīaseng niam mynno mynno ha ka jingim jong nga, bad ngam tip kumno ban sngew shaphang jong ka. Nga la pyrkhat phet, hynrei ka khmat u nonghikai kliaw ha nga, te bad ki jingkyrmaw jong kata ka jingksam ba kum ka halai ha u pdot jong nga nga la rai ba ka lynti ba kham bha ia nga kan long ban shong lyngba ka ding bad ban sumar ban nym shah kem shuh sa shisien. Hynrei ha ka khyllipmat bam poi pyrkhat, nga la ai ha uta u nonghikai ia la ka kyrteng bad ka jaka ba nga shong. Ha ka Sngi u Blei ka ba bud, une ngung ha jyngkhang u da tyrwa ban īaleit lam ia nga bad u sha ka Klass Pynpaw. Ym don lynti ban lait nangta. Kumta ba nga leit kaba arsien.

Mynta ba nga don ia lade ha ka jingshakri Khristan, nga peit sngewburōm ia kata ka jingīailah uta u briew naduh la ka dohnud

baroh. U la tip ba ka jingkhlain dohksah ka lah ban jop shibynta jong ka lynti, hynrei ba ka don la ki pud. Kumta u la phai sha ka ban leh sbun, bad u la khot ia nga sha iing jong u ban dih sha. Ha kane ka rukom, u la jop ia ka dohnud jong nga, bad la katto katne na ki lok jong nga ki la rkhe bein ia nga ba nga leit hap ngok ha "u lok riewblei," nga la snoh ha la u lok thymmai jong nga, bad la byrngem ban ai ia kiwei de shi talon lada kim pyrkhat la ka kam, bad ban iehnoh ia nga ban leh katba nga mon.

Hadien katto katne por ha ka klas jong une u bried bariewblei, la pynkohnguh ia nga ban iasoh ha ki klas pynskhem ia ki nongpyrshang ba da u pastor, ha kaba ia ka Lynti jong ka Jingim la pynshai bha kdar. Katba ter shi ter ki jinghikai ki la nang iaid, u pastor u la sngewdei ban tynjuh ia ka kyrdan jingsngewthuh bakynja mynsiem jong kiba shah hikai jong u, bad ha kawei ka janmiet u la kylli ia kito baroh ban ieng kiba la iohpdang ia ka Jingai jong ka Jingim. Ka la long thik ka lad ha nga la kwah bad ha ka jingkmien u nonghikai jong nga bad u pastor, nga la long hapdeng ki banyngkong ban ieng. U Khrist u la pynim ia nga, bad nga tip ia kata.

Ka jingiohi ha ka iingshetkiad ha ka step ka babud nga la lah ai jingbatai. Nga la nud ban ieng shlur, nga da ngeit ba kam dei tang ka

kamram jong nga ban leh kumta, hynrei ba lehse kan pyni ia kalynti bajem eh ha ka bakut. Ki jingkyrmen jong nga, la kumno kumno, ba ki briew kin klet shen-shen noh ia kata ka jing-jia ki la poi sha ka ban shah sangoh jur tynggeh. pynban. Katba ki sngi ki nang iaid, kim man ailad khlem da rkhie pynrem ia ka jingleh jong nga. Ba nga long lypa u badom riang, nga la thrang ban iashoh bad ki na ka bynta ka jingpynkthang mynsiem jong ki, bad ñiar ba ngan lah synshar hi ia lade. Kumta de, ki jingkynnoh bein jong ki ki la palat ia kaba nga lah ia ka ban shah. Nga dang shong harud ka pipa kiad, bad nga da phylliew kiad ha ki bitor kiad haba uwei na kita ki briew u la wan sha nga, nangta bad ka jingsmai bad jingwiat bein briew u la kren kynthah : "Are, George ! Phi dang dwai hajrong kiad ? O, ko George riewkhuid, ka kiad bad u baphylliew bitor kiad ! Jia la khein ki ingkrung jong nga ! O ka biria au sang sha, kum kane !" Phuk phak, joit halor ka met jong u. "Ngan pyni ia phi kumno ban pynlong kam kai ia nga," nga la kyrhuh lar-en. "Hih kato !" Ka jingku-ra ba la thew beit thik jong nga ka la pynkyl-lon krang-lyng-krang ia u ha madan. Hynrei joit sa shisien pat u ieng ha ka shisekhon, bad u la pynphai kylla shikura. Ka jingiakhruo da ieng hangta ka la iaid jur, ha kaba khatduh nga la jop, bad nga la ai ia u nongpynsaja jong nga kaba kum kata ka jingkura basngewmet hi jun kaba um ju lah klet shuh.

Nga tharai ba ka jingĩathuh jong nga ka dei ban nang ãaid ba kane ka jingpyni khlain ha ka bor met ka la pynjem jai ãa ka jingkren kynthoh bad la jop ãa ki nongshĩn jong nga. Kaba kum kata, phewse, kam dei satia. Kita ki briew ki la kut jingmut ban nym ai jingsuk ãa nga shisngi ruh. "Ki arsap lehmyneh," bad "ki riewkulmar leh riewblei," ki la long ki ktien ba la ãai pynmih na ki rymmiang shyntur jong ki, katba ki da pyndonkam klnang ki tien sih tien jakhlia ha khmat jong nga ba ki da tip ba mynta kin pynmong ãa nga. Tói ryngkat bad ki jingsneng pyni u pastor ãa ka jingleh jong nga, khek shi khek nga la ãadom bad ki, bad nga la ãakynrup kum u khla. Ym don jingthmu babha ei ei da kaba leh kumne ; shisha kein, ka la nang pyningkhong pynban shuh shuh ãa ki, bad ka la pynmih ki jingkren kynthoh ba kum kine : 'Ki riewkhuid jemnud kim ju dei ban ãashoh. Ki dei ban shu shah da kaba thiah lyter ãa lade ha madan, bad ban shu ong, 'Sngewnguh ãa phi', bad ban rwai jingrwai niam hadien pat ha ka rukom pyrthuh bud kumba leh ka tuta."

Slem slem nga la wad ãa ka jingaiei u Blei ban pynlah ãa nga ban ri la ka jinglong ingkhong ha pyrshah ka jingpyndom. Wat ynda nga la nang ban shah ãa ki biria basngewsaitmet jong ki shaphang ka jinglong Khristan jong nga, ka snám jong nga ka ju khluit haba nga ãohsngew ãa ki ba ki kren

jakhlia ïa ka kyrteŋg u Trai Jisu hi, bad nga ju thrang ban ïatalon bad ki. Hynrei la pynsa-
ngeh na shapoh ïa nga, bad mynta ka sngi nga
pynkhreh ïa ka jingaiei kaba la lah ban pynjuh
ïa ka jinglong runar riewkhlaw ba kum ka jong
nga. Nga la sdang ban peiphang ba ki jingpyni
ïa ka jinglong dom ka pynsniew pynban ïa ka
jingphla jong nga, bad haba la ïoh ïa ka jingjop
thiaw, nga la nang ïaid shaphrang ha kaba ïai
phla ha khmat ki brierw. Nga la iehnoh ki kot
rit ïa ki ban pule, da kaba kyrmen ba wat la
kin nym sngap ïa nga, ki lah ban sngewkwah
pule ïa ki sla ba la shon. Na ka bynta kane nga
la shah mai jur da u nongkhmih trei jingtrei,
uba la ïathuh ïa nga ba ka ïingshetkiad kam dei
ka jaka ïa ki kot rit ne niam !

Hato lah ban pl.ylla ba nga la sdang ban wad
jingïohlait na kane ka kam, kaba don ki jingïa-
langlok kiba pynpoh brierw kumne ? Nga la
soi ïa ka kot pynkular ha ka jingkylla ka bamut
jong nga, na ka bynta jong kata, shisha de kein
nga la shah pynjynjar de. Ki brierw hangta ki
kynnoh ïa nga ba nga dih kiad rieh, bad teng-
teng de ki jingjynhaw kiad ki rung ha ka khlieh
jong nga haduh ba nga sngew kum ban tyllun
da ka khlieh haba nga leit sha ïing, bad nga
sheptieng ba ki brierw kin ngeit ïa kata ka jing-
kynnoh. Kumta nga la ïasylla bad u lok jong
nga, u pastor, bad lang ngi la ïawad ïa u Trai
ba un plie lad ïa nga ha ka jaka trei ka ban
kham ïadei.

Kumno u Trai u la jubab ïa ka jingdwai jong
 ngi ka long ka bajrong than ka jingiathuh ïa ka
 ban ïathuh. Ka biang ban ong, U la jubab ïa
 ka da kaba plie ka jyngkhang sha ka kam
 Khristan. Nyngkong eh kum u kapten jong
 ka Kynhún Shipai Balang, bad mynta kum u
 Phajri Sorbah London, nga la ïoh jingkmén
 ha kaba pynbna ïa ka khubor ka Gospel ha ki
 bynta baroh jong kane ka ri, bad khamtam eh
 hapdeng ki baduk. Bad ha ka jingtrei jong
 nga baroh, nga la pynshisha ïa ka jingkordor
 bam lah kheindor ïa ka jingphla jong nga hi
 ïa ka bor u Blei ban pynim bad ban ri sumar
 ïa uba phylliew bitor kiad, ba la dih buaid
 jakrak, bakrenbeinblei bad baiakhalai.

PYLLAIT UWEI !

*Namar ngi la valong kiba vatrei lem bad u Blei
Korinth iii : 9.*

Ab A. H. 14.
{ s₁ :m :- .m |m :f :m |r :s₁ :r |d :- }

1. Bak ha jingatphyllung mynsiem ki iap,
Pyllait uwei ;
Bak ha ka khriang ba ka pop ka pynháp,
Pyllait uwei !

- Lang. Isnei mynsiem ki ban iap, dwai bad trei ;
Pynkloi mynta ban pyllait im uwei ;
Te da ka bneng ha dohnud kan kyrsei ;
Pyllait uwei !

2. Bak na jingdum miet ka pop i-shyrkhei,
Pyllait uwei,
Iathuh i'u Jisu ialam sha jingshai,
Pyllait uwei !

3. Bak ha ki lúm don bafaid bicij sakma,
Pyllait uwei,
Jngai bak-ly-bak na ka ri basngewbha,
Pyllait uwei !

4. La ki baieit ne nongwei, katba dei,
Pyllait uwei,
Leit ha ka bor u Mynsiem ba theh sei.
Pyllait uwei !

LYNNONG XI

KA JINGPYLLAIT HA IJIPT

GEORGE W. KEVAN

U Nongpynim haba u dang khúnlung u la leit hiar sha Ijipt, ban lait na ka jingbítar lep ka jong ki briew. Nga, ruh, nga la leit sha Ijipt, bad hangta nga la shem ña u Jisu Khrist u Trai kum ka lynti ka jinglait jong nga na ka jingkhúm jong ka pop.

Ka jingíathuh jong nga ka long ka jingphylla ña ka bor jong ki jingdwai ka kmie. Namar i mei jong nga i la long ka kynthéi jong ka jingngeit, iba bad i pa jong nga, i la wad ban pynmlen ña nga naduh dang rit ha ki lynti ka hok bad ka jingshisha. Lehse ka la long ka bor bat lakam jong ka ñing jong nga kaba la khang ña nga ha ka por khynnah na kano kano ka jingkhlad basngewsih na ka lynti ka jingíaid beít jong ka akor-briew. Nga la don ka jingsngew ñievkor katta katta ña la ki kmie ki kpa kat ban nym wallam kano kano ka jingjahburorom halor jong ki da kano kano ka jingsyntuid ha ka pop, la lehse ngam shym shemplang ña ka bor jong kane ka jingai pyrkhing tad haduh ba nga, da ka jinglehmon sngewbha jong nga hi, nga la pynkhlad ña lade na ka bor badei ñaroh jong ka.

Nga la long dang khathynñiew snem haba ka Thma Bah ka la khie. Ki samla shynrarg, kiba tam snem ia nga tang da ki khyndiat bnai ki la leit pyniasoh ryngkat sawdong jong nga, bad, kumta nga pyrkhat, ban "leit iöhi pyrthei." Nga la ialeh pyrshah ia kata ka jingpyrkhat ba nga dang shu snoh ha u sai-jainkup i mei. Nga la long hi u rangbah kum uno uno na ki paralok baialongshipai jong nga, bad nga la pynskhem jingmut triang ba ngan shem ka lad ban lait na ki jingring pyrkhing ia nga da kaba rung long shipai. Khlem pyn-paw la ka jingthmu jong nga ha iing, nga la pyni ia lade ha ka ophis pdiang shipai thym-mai, bad ki la pdiang artat. Ka jinglong khynnah samla jong nga ka la khang ia nga na kaba hap buh kumne kumne hapdeng kiba ialeh ha khmat ka madan thma, hynrei la phah ia nga ban shim bynta ha ki ksing jong ka kynhün nongap. Ban da nga la ai jingtip thok shaphang ka rta jong nga, ki kmie ki kpa jong nga kin jin da la lah ha ka jingpyrshang jorg ki ban pynshah beh kam, hynrei namar nga leit trei kam kum u khynnah, ki jingpyrshang kyr-pad jorg ki ban weng noh ia nga na kata kim pynpatiw ei ei ia ki bahalor jong nga ha ka kam shipai. Nga la sah ha ka Kynhün Shipai.

Tang mar iadap khatphra snem la phah ia nga sha Phrans. Kata ka la long ha u Naitung (July) 1915. Ka jingialeh baradbah ha kaba nga iadon bynta ka la long ka Thma ha Loos, bad hadien kata nga la iaid lyngba ka jingiaimeh

ding bajlân jong ka Somme, ha kaba kiba kham bûn na ka kynhûn ba ïaleit ryngkat bad nga ki la shah sâr phar. Ngi la ïatrei kynthér kumba 800 na ngi. Tang shispah na ngi ki wan phai kylla.

Ha ka snem 1916 nga la pdiang sngewbha ïa ka khubor ba nga la shah pynkynriah na ka Phang Sepngi sha Salonika. Hangne, pat, la pyllait im phylla ïa nga napdeng ka jingmynsaw namar bûn na ki para baïaleh jong nga ki la thiah sar da ka khieshoh rih, na ki jingpynjulor jong ka nga la lait thaw. Katba nga phai dien biang sha kito ki sngi, nga phylla ha ka jingeh dohnud jong nga, ba ha pyrshah kiba kum kita ki jingpyllait ba ïai jia bûn bûnsien, ngam lah ban ithuh ïa ka dak ka shynriahti u Blei. Lymne ngam ju da pyrkhath than eh ïa i mei baïai dwai ha ïing, iba da ki jingïaiïasaid bakhlem pud jong i la pyndon burom phylla eh.

Na Salonika la phah ïa ngi sha Ijipt, ban pynlong shibynta ha ka kynhûn Hiarthma Ijipt kaba tur pyrshah ïa ki Tork ha Palestain. Kumta la wan ha nga ha ka jingïaid ban leh la ka kamram kum u shipai, ka jingshem ïa kaba bûn kin khein ba ka long ka kabu bam lah khein dor ban ïuh kjat ïa kito ki jaka ba la juñiew kyntang da ka jingïasnoh jong ki bad ki kpa tymmen, ki nongïathuhlypa bad ki lyngdoh, bad da u Khûn jong u Blei hi. Nga tharai nga pyrkhath ïa kine ki jingïasnoh bakhuid katba nga nang ïaid lait ïa ki shnong rit jong ka Pales-

tain Bashathie, ha ka lynti sha Jerusalem, ba dang sah hi ha ki kti jong ki nongshún. Hynrei ka jingring jingmut ka long ia kaba la dep, bad tang katta ym don tam shuh. Nga la duh ia ka jingkmén kaba la dei ban long ka jong nga lada nga la khmih ha kito ki jingiohi ba ai jingkyrkhu da ki khmat jong u Khristan.

Hangno re hangno shabar Jerusalem ngi la ialeh ia u nongshún. Dei hangne ba ia u Jisu Khrist la sahnarphna. Nga tip ia kata. Nga la khmih sha khmat lem bad ki para baialeh jong nga (namardon ei-ei ka jingsngewshit mynsiem jong ki nonghiarthma bakhuid ha ka kam shlur jong ngi) ia ka ban ioh rung ia ka Sorbah Bakhuid nadien jong ki Tork kiba kynran iaphet. Pynban kam long satia da kumta. Shabar ka Jerusalem, ha kaba u Jisu u iap, nga la kyllon uba mynsaw. Hangta ha ban sa ioh kem ia ki jingiohi bad jingiohkhmih kiba la long ka nongrim bashong tynrai jong ka jingngait bakynja mynsiem i mei jong nga, u angel ba ap ia nga u la iehnoh ia nga. Ne ható kane ka jingipaw bam lah poi ha ka jingshisha ka long ka jubab bapahuh-hai jong u Blei ia ka jingdwai ba iaikyrapd ka jong i mei ?

Ki la phah kylla ia nga sha Ijipt, sha Aleksandria, ban shah sumar ha aspata. Katba dang phah lam ia nga shata u shakri bapawnám jong u Blei u dangleit jingleit na la ka Ri sha Ijipt na ka bynta ban pynlong ki jingiaseng ialap

hapdeng ki shipai. Uta u briew u la ^{im},
 John Mc Neill ba la iap, ba la thung da,
 jingbha u Blei ban long ka lad ha kaba walla.
 ia nga sha ka jingkyrkhu jong ka jingpynim.

Nga la sdang koit biang pat ha Aleksandria
 haba nga la iohsngew nyngkong ia ka kyrteng u
 John Mc Neill. La pyntip ba un pynlong jing-
 iaseng ha ka Y. M. C. A. (Ka jingialang ki
 Samla Khristan). Ka jingai jingtip kam ktah ei
 ei ia nga. Ki nongialap bad ki Y. M. C. A. kim
 dei ha ka lain jong nga. Ha kane ka por nga la
 iehnoh ia la ka jingpynsan pynrangbah kuni u
 Khristan jngai jngai shadien. Lada ngam shym
 kham sniew ban ia ki lok jong nga, nga long
 uba sniew kat uno uno na ki bad u nongialam
 rangbah ha ki babun ki jingthawkulmar ki jong
 ki. Lada nga ioh hi tang ka lad, ym don kano
 kano ka rukom leh pop ha ngam kloï ban
 pyrshang kai shisien bad, lada nga bang ia ka,
 ban iai leh ia kata ba nga la shem thymmai.
 Ha ka iakhalai nga da thit shirukom, bad nga
 kam kynti ia ka liang bakynsai tam jong ka
 jhad na ka bynta ka jingpynleh sngewbha ia ka
 kynhun barit jong ki lok jong nga. Ynda la
 dum, haba ia ka kynhun shipai la tharai ba ka
 iohthiah, kata ka jaka ka la pynbyrngia ia ngi
 da ki kynta ha ban da miet thlip. Bad shibun
 ka tyngka ka iakylliang kti na uwei sha uwei
 halor hangta.

Katba ki sngi ki nang iaid, ki briew ki la
 sdang ban iakren shphang u John Mc Neill bad

ka jingialap jong u. Nga la sdang ban sngew-phylla ha lade uba kum uei eh une u ebanjelis ba ki iakren. Nangta shisyndon, nga la kut la ka jingmut baroh ban leit sngap kai noh ia u. Nga la rah ktien ia la ka jingthmu ha u Jock, u lok ba thepmynsiem jong nga. U Jock u la rkhie bein ia ka jingpyntip jong nga ia kata ha u. Aiu nga kwah ha ka jingiaseng niam ? Hynrei nga la kut jingmut ban pynhun ia la ka jingkwah tip jong nga.

Nga lah ban iohi ia u ebanjelis mynta, katba u nang ieng ha kata ka rynsán iathuhkhana ha Aleksandria, u da ialap ia ka Gospel ha ka jingkren beh er-pyngngad hir hir sha u paid nongsngap ki shipai Tommi. Ka dkhoh jong u ka la long. "Ba haba nga ju long uba matlah, mynta nga ioh-imat." Ngam pat ju iohsngew kaba kum kata ka jingiathuhkhana mynshuwa: ha ka jingshisha, kam dei satia kum ka jingpyrkhat jong nga shaphang ka jingiathuhkhana. Nga la rkhie shitrhem ha ki biria kai khutia mutia jong u ; hynrei haba u la kren shaphang u Jisu Khrist u Trai, nga la háp hapoh ka jingpynshohbieij bajur. U Nongpynim ba la sahnarphna u la kylla long uba shisha hanga, ka banyngkong ha ka jingim jong nga. Ngam iohi shuh ia u nongiathuhkhana, bad ha ka jaka jong u nga la iohi tang ia ka diengphna ha kaba u Jisu u la iap shabar ka Jerusalem. Khatduh khatwai, haba ka jingsawa Scot bajlán ka la kylli la don ne ém mano mano ba mon ban

aiti ia lade ha kata ka miet sha u Nongpynim, ka kti jong nga joit ka rah. Ka jingjám ba nga shim ha kata ka khyllipmat ka la long kaba thikna bad ka bam lah kylla shuh. La pynim ia nga, bad nga tip ia kata ; bad ka jingkmén jong u Trai ka la long ka bor jong nga.

Ka jingtynjuh nangta pat ka la dei ban bud. Hangtai ha iingjaiñ nga tip ba ki lok jong nga ki dang ia ap ia ka jingwanphai jong nga. Ki kot iakhalai kin sa pynphriang, bad kawei ka kti ba la pynkhreh na ka bynta jong nga shen-shen mar shu iapoi. Ka jingriew ki tyngka ka sawa tling shi tling ha ki tyndong shkor jong nga katba nga nang iaid shajan shi shajan. Hato nga lah ban ieng skhem ? Hapoh ka suin-bneng ljipt nga kyang jingiarap na u Blei.

Nga la khyndied wang ia ki pyrda jingkah jong ka iingjaiñ, bad nga la rung kluk shapoh. Ha ka jaka ban iasnoh lang ia ka jingiatawiar ki briew kiba la dem duriap ha ka jingialehkai jong ki, nga la khyllie ka jingthiah, bad nga la dem khohsiew halor jong ka, ia ka ban dwai. Ngam lah ban ong ba nga dwai. Nga kyih than na ka bynta kata. Hynrei nga tip ba nga dang phla ia la u Nongpynim ba dang shem thymmai jong nga. Ki la shu iapeit baroh ha nga mynta. Nga sngewthuh ia kata. Nangta ka jingsawa, kaba pynpaw ia ka jingsngewphylla bajur "*Khmiha u tymmen George !*" Nga la ieng joit bad peit pyrshah ia ki lok jong nga.

Aïu ba nga la ong, ngam lah tip shuh ia kata mynta. Hynrei, ha ki ktien thlún, nga la ïathuh ia ki ba nga la ïakynduh bad u Jisu, bad ba U la pynim ia ka mynsiem jong nga.

Ka jingsngewshohbieij bam lah ban ngeit, ha ka jaka ka jingpyndik sat ia nga, ka la bud hadien ka jingpynbna jong nga. Ki la pyrkhat ba nga lamwir lane ba nga buaid. Hynrei haba nga la ïai ban ha ka rukom im Khristan, ki la sdang ban peitmat bad ban sdang peit thuh. Ha ka jingkren pynkohnguh jong nga, ki la ïasynrán lem ia nga ia ka ban leit sngap ia u briew uba ka khubor jong u ka la pynkylla khongpong khongdeh ia ka jingim jong nga. Bad shuwa ba ka jingïaid ïalap jong u kan kut, shiphew na'ki lok bajan eh jong nga ki la aiti ia la ka jingim jong ki sha u Trai Jisu Khrist.

Bún mynta ka sngi ki ïadwai na ka bynta ka ribaibal. Ngi la ïohi ia ka ribaibal ha kata ka ïingjaiñ ha Ijpt. Ha ka kynhún Shipai ym dei ban don ki jingïaid shiliang kjat. Ka kam Khristan ka dei ban aiti lut la ka dohnud baroh lane ym donkam satia. Ka kynhún barit jong ngi kaba la kylla ka bamut ka la pluh da ka jingshitrhem na ka bynta u Khrist, bad ngi la ïamih shabar ban jop sa ia kiwei. Ki jingïa-seng madan ki la long ka jingtur banyngkong jong ngi. Ki para shipai jong ngi ki la tawiar sawdong ha ka jingbún kaba la pynlyngngoh, ba la pynsngewphylla da ka jingnangkylly bam

khmih lynti hapteng jong ngi. Ngi la long ki nongialap bam pat ju mlien, hynrei ngi la tip ba u Khrist U la pynim ia ngi, bad ngi ngeit skhem ruh ba U lah ban pynim ia ki paralok jong ngi. Kane ka la long ka Gospel ba ngi la pynbna, bad u Blei U la kyrkhu ia ka, kumta ba uwei hadien uwei ha iingjaiñ Mustapha u la iasoh bad ka kynhún barit jong ngi, ha ka jingphla jingneit.

Shen-shen ka kynhún jong ngi ka nang roi katta katta ba ngi la sdang ban phai sawdong ban wad jaka ha kaba ngi lah ban ialang ban iamane. Da kaba bat ia ka jingshlur jong ngi ha ki kti jong ngi, ngi la pynpaw ia lade ha khmat ki bahalor kiba ha ka kam shipai da ka jingleit kyrpad jong ngi ba ngi lah ban pyndonkam ia kawei na ki iingjaiñ ba kham heh ia ka ban iapule minot ia ka Ktien u Blei. Ka jingkyrpad jong ngi ka la wallam ka jingmynjur bakylluid mynsiem, namar ki bahalor ki la ap ia ka jingnangroi jong ngi da ka jingleh sngewtynn timer. Kawei na ki iingjaiñ bah baheh duh la buh ia ka ban pyndonkam ma ngi, ha kaba, ryngkat lang bad kiwei pat ki para Khristan shipai, nga la don ka jingkmien ha kaba pyniaid ia ki ter shi ter ki jingiaseng ha kaba bún na ki rangbah ki la shem ia u Nongpynim. Ka la long ka kabu ksiar, namar ki shipai ki la dei ia id lyngba ka Aleksandria da ki spah, ki da pynlut tang khyndiat por hangta shuwa ba kin leit shim la ka jaka ha khmat thma. Bún na ki rangbah ki

la pdiang ïa u Trai Jisu ha kata ka ïingjaiñ, bad ki la nang ïaid ha ka sngi ka babud pat ban leit ïaleh sha madan thma, na kaba kim ju wanphai kylla shuh.

Kane ka kam ka la long tang ka jingsdang jong kiei kiei. Ka jingiathuh ïa baroh ka ba bud kan shim por than eh ïa nga ïa ka ban ïathuh ïa kawei pa kawei hangne. Ia ka khu-bor ba ngi la dei mih na ïingjaiñ Mustapha la pdiang da ka jingpynsgewartatien katto katne, hynrei haba ngi la shem ba, da kano re kano ka jingjia baphylla, ka kynhún barit jong ki nongtrei Khristan barit jong ngi ka dei ban sah la ka sah, ngi la rung ha ka jaka trei thymmai jong ngi ha Kantara da ka jingap khmih lynti bad ka jingsngewskhem jingmut ba u Trai U don ha ka. Hangne ngi la ïoh ki lad ba kham khraw wat ïa kiba ha Aleksandria, bad ïa ka jingphla jong ngi hapdeng ki shipai la kam kynti da u Blei ha ka jingkylla ka bamut jong bún bún ki rangbah, hapdeng jong ki don ki jingjia ba da phylla than jong ka jingpyllait na ka pop. Ka jingkmen jong kito ki sngi ka dang ïai sah hi bad nga.

Katno ki kambah ba lah ban bud na ki jing-dwai ka kmie !

NONGTONG-BRIEW

A. H. 129.

{ .s₁ :d .f |m :- |- :re .re |m :- }

1. Nga iohsngew ktien b'u Khrist U ong
 Sha Nong-Galilaia ;
 Nongtong dohkha harud ka pung
 U ong, "To bud ia nga !"

Lang: "Bud ia nga, Bud ia nga !
 Ban long nongtong briew b'robor de,
 Pynbna ki ktien Galilaia ;
 Jisu nga bud ia Me.

2. Nga kwah ban ngeit ki ktien jong Me.
 Jisu ka lah long ma ;
 Me'm shym la kren tang ha ki de,
 Hynrei mynta ha nga !

3. Ngan bud da ka dohnud baroh,
 Ngan iaide bad Me shi rta ;
 La tngit nga long, A, wat iehnoh,
 Nga dwai pynkhuid ia nga !

4. Hapoh dohnud jingieit theh-iar
 Ban long nongtong dohkha
 Hikai hangno ba ngan noh jar,
 Kum ha Galilaia.

LYNNONG XII

U SAMLA BAIAP-BIEIJ THIATAR

C. D. PENFOLD

"Fred Thompson ! U hangno u Fred Thompson ?" U nongpyniaid jong ka Thiatar Empaiaŕ u la bitar shla. a tang ar minit u nongialehkai biria bapawnám u la dei ban wan paw ha madan ialehkai, hynrei haba u khynnah uba khot u la tied ha ka jyngkhang jong ka kamra riam kamra beit, ym don satia ba thie nangta. La wad kylleng shadien ka madan thiatar, ym paw syrngiew syrngiet shuh shano u jah u nongialehkai bastad. U nongpyniaid u la shaŕong ngain. U Fred u la ju long barobor u briew ba lah ban shaniah, bad ka bynta jong u ha kaba pyni jingialehkai ka long kaba baroh ki iasngewtynnat eh. U paid nongkhmihkai un sngewdukha shikatdei eh lada jia ba um lah ban wan mih haba khot ia u ; hynrei ym imat ba kan long da kumwei pat. "Fred Thompson ! Hangno u Fred Thompson ?" Sa shisien pat ka jingpyrta ka la iaŕid sawdong ka iing pyni jingialehkai. Hynrei ym wan poi jubab. Ka jingpyni ka la nang iaŕid shaphrang bam banse shuh.

U Fred Thompson (kata, ha ka jingshisha, ka la long tang ka kyrteng thiatar jong u) u la long u hynmen jong nga. Ma u bad ma nga ngi la ialong ki lok bakhraw tam. Ka iing jong ngi, ka la lah pyniasoh ia lade bad ka pyrthei pyni jingialehkai bad ka thiatar la bún

snem, bad une u hynmen ba kham san jong nga, uba ka kyrteng jong u ka paw búnsien eh ha ki kot pyntip jingialehkai, um shym long ei-ei lada um dei u riewshlur ia nga. Ka jingthrang ba ha khlieh duh jong nga ka la long ban bud ia u sha kane ka kam, bad da ka jingsbun bapher khyllah, ym tang ba u pynshlur ia nga ha kane ka jait jingstad, hynrei u la pyrschang de ban hikai ia nga ia baroh kaba u tip bad nang shaphang kane ka jingstad.

U Fred u la long u briew u babha, bad ba im ka jingim ka bakhuid. Ia kata lah ban batai da ka jingshisha ba u don ka jingsngewsnoh bajur bad kawei ka khyannah Khristan. Ka, kumno re kumno, ka la pynshai ia u hynmen jong nga ba kan nym khein ei-ei ia u palat na kaba un long uba ia ithuh ithaw bha bad ka lynda u iehnoh baroh bad bud ia u Jisu Khrist. Bad ka ong artat kumta, ka la ju dwai na ka bynta ka jingkylla ka bamut jong u—bad la u nongpyniaid jong ka Thiatar Empaïar um tip ei-ei ia kane, ki jingdwai kata ka kynthei ki la long ka daw ka bashisha balei u Fred u la jah klep haba khot ia u bad ba u la pyndukha artat la ki nongkhmihkai bapynshlur pynshngaiñ ia u ia kaba un nang roi nang kiew.

U la mih ban leit sha Thiatar khlem kano kano ka jingkhmih lynti ba un sa dei iaïd lyngba ka tmier riat jong ka jingim jong u. Kynsan katta katta la sdang trei ka kam jong ka Jingaiei ha ka dohnud jong u. U Fred

u la nang jan nang jan sha ka jaka ba u thmu leit, haba ha ka kynroh ba la thoh shok, u la leit iohi ia kine ki ktien : "Hangno phin shong ha bamjukut?" Ha kawei kawei ka por un jin da la iaïd lait da kaba rkhe bein byllaw ha lade hi, da kaba sngewlem ha la ka dohnud ia u brierw ba la shah lam bakla ia ka ban trud ia ka Jingthoh Bakhuid sa harud surok. Hynrei ha kane ka por u Mynsiem u Blei u la trei kam, bad u khnam jong ka jing-pynkynduh u la dung ia u Fred haduh u klong snám. Kata ka jingkylli ka la sahkut khak bad neh tden ha ka jingmut jingpyrkhat jong u, bad ki jingjam pynstet jong u i.nat kumba ki iatied por ryngkat bad kita ki ktien : "Hangno—phin—shong—ha—bamjukut?"

U Fred u la don mynta ha ka jyngkhang jong ka jaka iaïehkai. Ka kti jong u ka la snoh bat khak ia u jyngbat jyngkhang, hynrei kam lah leh ei-ei shuh. Kaei re kaei—ne tip Uei re Uei pynban?—U la iaïeh pyrshah ia ka jingpyrshang batlot jong u ban niat wang ia ka jyngkhang ban plie shapoh iing. U Fred u la sngew kum ban khie tlot. U la phai wak, bad u la mareh lyngba ka surok sha ka iingkiad. Lehse ka jingdih kan pyneh ia ki thied ki jaw ki jong u, bad kin iarap pynbeit ia u. Uba bat lakam ia u u la kham shuwa, ban ia u, bad U la khang ia ka lynti sha ka kamra ialang. U Fred u la don ha ka jingiaksaid bad u Blei—bad u tip ia kata. Da ka dohnud ba kyndeh bad da ka jingiaid bakhynñiuh u la shu

phai beiti sha la iing. Ka Thiatar ka la dei ban shu ap—ka dei ban ap. La don ka kam ba kham donkam shuh shuh ia kaba u dei ia ka ban leh. Ha iing, khrup ha ki khohsniew jong u, u la aiti. “A u Blei to isnei ia nga, u nongpop.” Kata ka jingdwai ka la long u shabi ha ka dohnud jong u. Uta uba la don shabar mynta U rung shapoh, ban pynkhuid, ban pynkhlain bor bad ban pynkylla dur. Naduh kata ka sngi u hynmen jong nga um ju phai dien shuh, hynrei u la im ka jingim ban pyn-donburom ia u Khrist.

Ka la long ka bam lah lait ba ka jingkylla kaba la wan ha u hynmen jong nga kan ktah jur ia nga. Nga la dei ban long uwei na ki banyngkong eh ban iohsngew na ki rymmiang shyntur jong u hi kumno u Blei U la iakynduh bad u ha lynti, bad ba la pynim ia ka mynsiem jong u. U la iasaid bad nga ba ngan aiti kumjuh hi ; hynrei ngam mon. U hynmen jong nga u la shlei eh da ka jingkmien jong ka jingrynim ba ka jingpyrkhat kheinduh kam don jaka satia ha ka dohnud bad jingmut jingpyrkhat jong u ; hynrei nga, ba ngam tip ei ei ia ka jingioh jong u kaba ha u Khrist, nga lah tang ban shu khmih ha ka jingshem mynsiem jong u kum ka kam noh-riat, kaba pynduh ia ka jingnangkiew jong u hadien habud kum u stad ha ka kam jingpynikai, bad ka pynsuda noh ia ka jaka rwai ba pynialehkai da kaba weng noh ia uwei na ki samla ba i-don jingkyrmen

tam. Nga la kut jingmut ba kum kata ka jingbieij kam dei ban khanglad ia nga ba ngan pyndep ia la ka jingpyrkhat jngai jong nga, bad nga la phai da ka kor-kyllut sha man la ka jingdem kyrpad jong u. Ngam shym la ioh lait phar, la kumno kumno, namar na kawei ka por sha kawei ka por la iai pynrem ia nga da ka nuksa bariewblei kaba iai don ha pyrshah ki khmat jong nga, bad ka jingsheptieng ia ka bainong hok teng-teng ka wallam ka jingsngew-shyrkhei ha nga. Ha kawei ka jingjia nga lah ban kynmaw ba la pynmut ngiew ia nga da kine ki ktien : "Ia uwei yn shim noh bad ia uwei yn iehnoh." Lehse kaei kaba la pynkhuslai jur eh ia nga ha kane ka jingpyrkhat ka la long ba nga lah, lehse, ban iakhlad bad la u hynmen ba nga ieit jong nga, ia uba nga dang snoh ka jingsngewburom bad jingsngewieit ba ha khlieh tam. Hynrei kiba kum kita ki bor ring kiba iarap toi kat kiba poi ha nga hamar kine ki por jong ka jingpynpyrkhat bad ka jingsngewdiaw mynsiem ki la shah pyntyllep stet noh na nga tang shu la poi biang sha ka jingialang lok bad ki samla kiba la long hapoh ka kynhun lok ba ia-ithuh ithaw bha eh bad nga.

Ka jaka iashem jong ngi barobor ka la long ka kyrpong kper iing jong u nongtei iing ba ha Islington. Hangta ngi la iashem man ka miet ia ka ban hikai pynkhlain ia lade halor u dieng pawang bajikor, ngi da iawad buit ban

pynpaka ïa lade kum ki nongpyni kai ha ka madan thīatar. Ka jingtbit bakyrpang jong nga ka la long ha ka shad ïajám. Ym don ba artatien ba shen-shen yn sa ithuh ïa nga kum uba mih kylliang ha kaba ring pynsngewbha briew ha ka kamra rwai. U hynmen jong nga, ha ka jingshisha, um pynshlur shuh ïa nga ha kane ka kam, la u dang pyni ka jingsngewtynnat ka bakhraw ha kaba hikai khlain ïa nga, bad ba u la long de shisien ïa lade u stad ha ka ïakura, u la tyrwa ban hikai ïa nga ïa ka buit kumno ban ïada ïa lade. Nga la sliang ban ïoh jinghikai, bad nga la sngewthut kumno re kumno ïa ka jingpynñakut jong u ïa nga ba lada u ai ïa nga kata ka jingnang jingtip na u, ngan kohnguh ban ïasynrán lem bad u sha ki jingñaseng Pynpaw klas. Ka long kaba ngan nym lah eh ba ngan pyndep ïa kata ka bynta ka jingñakut, ban nym dei ryngkhat ba uwei na ki lok jong nga u wan sha khmat bad la ka jingtyrwa kaba lam sngewlehraiñ briew. Ka kynhún barit jong ki nongpynñalehkai jong ngi ka donkam barobor ïa kano kano ka kynja bathymmai, bad une u dkhot ba longpher ka longbriew u la pyrkhat ba da kaba leit jingñaseng mishon ngi lah ban tám katto katne ki jingkynud jingrwai kiba lah ban pynleikam bha eh da kaba shu pyrtuh pynbakla kai ïa kita hangne hangtai, bad ki ban pynkyndit pynban khlem artatien.

Ha kawei ka miet, namarkata, ki khyannah na kyrpong ïing u nongtei ïing ki la ïaleit

kynhún sha kamra mishon kaba iasnoh bad ka lingmane St Paul, Canonbury. Ka jingiaseng ka la sdang ha ka por ba ngi poi, bad ki nongleitjingiaseng ki la dang iarwai :—

Jar uba kylla bad iehnoh ia ka pop,
 Bad plie la dohnud ba u Trai Un wan jop,
 Jingpynim bajanai te mynta un ioh ;
 B'u Jisu U kloi ia ka ban pynim noh.

Uwei na ki lok jong nga u la sdang rkhie bhih bhih, bad nangta, ba u da ioh kem ia ka jingikhia jong ka jingleh jong nga, u la tyndung tymbuit sa ia uba hajan. Ki ktien jong ka jingrwai ki la dung ia nga ha klong. *Ha ka shikhyllipmat la pynim ia nga.* Stet kum ka jingshai ba la shai pher ha u hynmen jong nga, kumta ka la shai ha nga ruh. Ka jingsngew-ia-pyrshah jong nga baroh ka la pra war katba u Mynsiem Bakhuid u la pyniohi pyrshah ia nga da u Khún ba la sahnarphna jong u Blei. Hangta hangta hi nga la aiti ia lade, bad la pynkylla ka bamut ha shen.

“Ka lyer ka beh kat sha ba ka mon.” Ka jingkyrkhu kaba la wan ha nga ha kata ka miet ka la long tang ia nga marwei. Ym don na ki lok jong nga kiba la ialeit bad nga sha ling u Blei, bad kiba la iasah haduh ban da wai ka jingiaseng, kiba don jingsngewthuh ia ki jingphylla ba la trei ha ka mynsiem jong nga. Ki la iohi, da shisha, ia ka jingleh pyngngad jong

nga, hynrei ia ka jingkren shai jong nga nadien kata ba ngan sa im ka jingim ba la kylla la shahshkor da ki jingiarkhie pashait. Haba khatduh khatwai ki la sdang ban shemphang ha nga da mut shisha ia kaei ba nga ong, ki la kren skhem ha nga da kaba iarkhie bein ba ngan "sa kham bha pat hapoh artaiew." Kata ka la long ha u Lber (March), 1909. Nga la im ban pynshisha haduh ka ban pynhun mynsiem ia nga, bad sha ka jingpynlyngngoh bapynphylla ia ki lok ba la ju ialang lok teng jong nga, ia ka bor ka jingpynim bad ka jingiai-sumar jong u Trai Jisu Khrist.

Kawei na ki jingmih ba jia noh kumta kumta hadien ka jingkylla ka bamut ka jong nga ka la long ka jingthmu ban pynkylla khongpong khongdech ia kata ka kyrpong iing ha Islington. Ki jingthrang ialeh thiatar jong nga ki la shu iap tlor noh ha ka jingshai jong ka Diengphna, bad ngam don shuh kata ka jingbang ia ki jingpyrshang leh kai pynmlien shuwa ia lade kiba la shim bun na ka por jong nga mynshuwa. Kiwei pat ki dkhon jong ka kynhun ialehkai ki la pyni ia ka jingbamsngewmon ia ka rukom im thymmai jong nga da kaba shu iehnoh lok ia nga, ki da pyllaitluid ia nga war ban pyndonkam ia ka jaka ialang ba ju don jong ngi sha kiei kiei kiba thymmai. Da ka jingiarap jong ki lok kiba kham shemphang ha ka jingim Khristan nga la iapynbeit ia ka Skul

Pynpaw ban long ha kine ki jaka, bad ki kynroh iing ki bam shym la iohsngew ei ei mynshuwa lait sa tang ka jingiäkren thala riewpyrthei bad ki jingleh pahuh bieij jong ki samla bawad jingsngewbha, mynta pat ki sawa da ki jingiäroh ia u Blei.

San snem nga iadei trei lang suk kynjai ha ka jingiashakri Khristan bad la u hynmen jong nga, uba ka jingkmén jong u ha ka jingkylla ka bamut jong nga ka la shu kyrsei phok khlem kut trai. Ka jingbthei jong ka Thma ka la jia pyniäkhlad ia ngi—u, u la leit sha Phrans, katba nga nga sah shadien ban pynbna ia ka Gospel hapdeng ki shipai. Ha ka bakut jong ki jingiäbuhshún thma, u la wan phai sha London, bad u la ioh kam ha ka kam tei iing. Kaba phylla shisha, ka la long ba katba u dang imsngi ha ka kam tei iing kaba ha ka tnúm iing jong ka Thiatar West End ba u la iakynduh bad ka jingiäpmynsaw bakyndit kyndit. Lehse ka jaka trei Khristan ha kaba u la ai jingkyrkhu bún eh ka la long ha ka jaka khmih Pastor jong ka St Peter, ha Islington. Búnsien ha ka jingim jong u u la pyni ia ka jingkwah ba ngi lah ban iatrei lang ha kata ka distrik ba donkam jingiärap. Ha ka snem 1928, kum u Phajri Sorbah London, la buh ia nga ryngkat bad u phajri jong kata ka balang, bad baroh shi shilynter ka jingshakri jong nga la iai pyrsad mynsiem ia nga da ka jingsngewkynmaw ia u hynmen jong nga, uba ka jingphla baiaineh jong u ka la long